

# ЎЗБЕК ХАЛҚ ИЖОДИ

## КҮП ТОМЛИК



Тошкент  
Фафур Ғулом номидаги  
Адабиёт ва санъат нашриёти  
1986

БАЛОГАРДОН

Айтувчи: Фозил Йўлдош ўғли.  
Ёзиб олувчи: Буюк Каримов.  
Нашрга тайёрловчилар:

Буюк Каримов ва Тиловқул Ашурев.



Ҳасанхон Арзиурм мамлакатидан Даллийни Чамбилга олиб келиб қўйди. Бир ойча боши бўш туриб қолди. Ҳасанхон меҳнат қилиб, Догистон тоғида қанча уруш бўлиб, Даллининг устида қонлар тўкилиб, жафо тортиб олиб келган Даллини Гўрўғли тўй-томуша қилиб Ҳасанхонга бермади.

Даллийим баркамол, етилган қиз: кўрган одамга гул юзли, ширин сўзли, оқдан келган, кўрганинг ақлини олган, ҳар ким кўрса «менинг ёrim бўлсан» деб юрган, бир ойгачайин боши бўш туриб қолган қиз эди.

Ундан кейин Гўрўғлининг хотинлари Юнус, Мисқол пари ҳар замон, вақтини овлоқ тоиса, яширинча маслаҳатда бўлди:

— Ҳасан Даллини олиб келди, Гўрўғлининг кўнглига бир гап келди, билмайман устимизга ўзи олмоқчи бўлдими? Ҳар мамлакатдан баҳодир беклар шундай қизларни олиб келар эди. Олиб келгандан тўй-томуша қилиб ўзига берарди. Мана, Даллини Ҳасан олиб келди, ҳаддиллик габа қиз экан, энди бизга айтмайди, устимизга олмоқчи бўлди, қандай бўлса Даллини яхши кўриб қолди. Лекин бизлардан фарзанд бўлмади. Устимизга Даллини олса, мундан бирор фарзанд кўрса, бизлар Чамбилда ташланди хотин бўлиб қоламиз. «Эсинг борида этагингни ёп» деган гап бор. Шу Даллини олганини кўрмай, боғи Эрам юртимизга кетсак қандай бўлди? — деди Юнус пари.

Шунда Мисқол пари айтди: — Гўрўғлининг зўр деб

таърифи кетган, зарбаси тошдан ўтган, Гўрўёли келаётиди деса душманлар қанча қамал топган, балки бешикдаги йифлаган боласини «Гўрўғли келаётиди» деб юпатган, ушлагани беркитган, қарагани қўрқитган, донги Догистон кетган. Ҳали булар майхонада сұҳбат қуриб ўтирибди. Бу сұҳбатлар эртагача тарқамайди. Агар кетадиган бўлсак, эрталабгача биз неча белдан ошармиз. Эрам чорбоғининг йўлига тушармиз.

Унда бирори туриб айтди:— Эрта-мертсан келиб ўрданни кўрар, йўқ эканимизни билар, Фиротнинг белига минар, осмонга учсанг оёғингдан, ерга кирсанг қулоғингдан тортар, қайдা борсанг қувиб етар, баданингни бўздай йиртар, ҳайдаб келиб, бошингни кесиб дорга тортар. Агар Фирот ўзида бўлса ундан жон қутулмас. Агар мақсад кетмоқ бўлса, ҳамма бехабар қолсин, файзи саҳар вақти бўлибди, Фиротнинг табласига борайик Гаждумхон деган сайиси бор, шайтондай бир оғзириб кўрайик, сени сулув қизларга уйлантирамиз деб ваъда берайик. Эркак эмасми, қизларни эшигтан сўнг қизиқиб қолар, нима бўлса боғи Эрамга Фиротни мениб бормоқчи бўлар, олмаса ҳам олгандай бўлиб қолар.

Бул сўзларни айтиб, иккови маслаҳатни бир ерга қўйиб, файзи саҳар вақтида туриб таблага қараб жўнади. Шу вақтда Гаждумхон бир неча машъаллар ёқиб қўйиб, Фиротнинг ост-устини тозалаб, шипириб-сидириб ётиб эди. Юнус, Мисқол парилар шиқирлаб кириб борди. Гаждумхон ақли шошиб, ақли ҳушидан адашиб, қўл қовушириб таъзим қилди. Оға Юнус пари айтди:— Э, Гаждумхон, биздан сенинг ақлинг шошмасин, биз бир нарсани ўйлаб келдик, келишимиздан ҳамма бехабар қолди, ўйлаган ўйимиз шу бўлди,— деб Оға Юнус Гаждумхонга ўз ўйини билдириб турган экан:

Сен эшигтин Оға Юнус сўзини,  
Кучук босмас йўлбарс, шернинг изини,  
Қўп егансан Гўрўғлининг тузини,  
Обберай Эрамнинг яхши қизини.

Қулоқ солғин паризоднинг тилига,  
Файзи саҳар мингин Фирнинг белига!  
Бизман бирга юргин Эрам элига.

Нодон кўнглинг ҳар хаёлга бўлмагин,  
Қўп яшагин, қўп йилгача ўлмагин,  
Хаёлингга бошқа гапни олмагин,  
Файзи саҳар мингин отнинг белига.

Қизларнинг ичиди мемман ўдаға,  
Кийганим ипакдир, олтиндан ёқа,  
Сени кўрса, қизлар бўлар садаға,  
Файзи саҳар мингин отнинг белига!

Эрам бокқа сени бошлаб борамиз,  
Сени, билгин, юрт эгаси қиласиз,  
Сен кимни хоҳлассанг, олиб берамиз,  
Файзи саҳар мингин отнинг белига!

Бу сўзларни айтар мендай гажакдор,  
Сен бўласан Гўрўғлига хизматкор,  
Ер шипириб бунда турмоқ на даркор,  
Эрамда йўлинга қизлар интизор,  
Унда бордир мунаққашли манзиллар,  
Файзи саҳар мингин Фирнинг белига!  
Бизнинг билан юргин Эрам элига.

Саф-саф юрган паризодни кўрасан,  
Мингни кўриб, бирин сайлаб олассан,  
Шундай қизлар билан ўйнаб-куласан,  
Агар ёқса, Гиркўк отни минасан.

Эрам бокқа бирга бошлаб борайин,  
Сен кимни хоҳлассанг, олиб берайин,  
Нечя қизлар хизматкоринг қилайин.  
Сабил қилгин бунда Чамбил юртни,  
Орқа ташлаб кетгин мамлакатини,  
Саҳар вақти мингин хоннинг отини,  
Мен бўламан Гўрўғлининг хотини,  
Олгин қулоғингга насиҳатини.

Бу сўзни Оға Юнусдан эшитиб, вақти хуш бўлиб:  
«Мен отбоқар эдим, менинг бокқан отимни баҳодирлар  
миниб, ҳар мамлакатга бориб, яхши қизларни олиб  
келадилар, мен от боқиб, ҳузурини улар кўрадилар.  
Менга ҳам шу Фиротнинг берсанг, мен ҳам Фиротнинг  
белига бир минсан, олмос-пўлатни белимга бойлаб, ҳеч  
бўлмаса чет ёқадан бориб, ўзимга яраша бир қизни  
миндириб олиб келиб, мен ҳам Чамбilda рўзгордор  
бўлиб, ватан қурсам, деб Гўрўғлига айтольмас эдим.  
Ана, худо бераман деса ҳар ерда бераверадикан. Эрам  
боғи ундай-бундай деб эшитар эдик. Узоқ йўл яқин  
бўлиб, Эрам боғининг ихтиёри ўзимизда қолиб, энди  
боғи Эрам борсак, бувишмнинг айтувига қараганда

боги Эрамда эркак камчилга ўхшайди, кўп қизларнинг иhtiёри ўзимизда қолар экан, яхисини оламиз экан, ёмонига жавоб берамиз экан,— деб кўнглига маъқул қилиб, Оға Юнусга қараб, икки оғиз сўз сўзлаб туриди:

Мен йиглайман ўз ҳолима дод-дод,  
То ўлганча бир облони қилиб ёд,  
Хаста кўнглим бўлиб қолди мунда шод,  
Кўп қизлани хабар берди паризод.

Кумушдандир қарчифайнинг чегаси,  
Олтиндандир кировканинг ёкаси,  
Бўлаёздим Эрам боғнинг эгаси,  
Унда юрган кўп қизларнинг тўраси.

Қетайин, Чамбилда нима қилайин,  
Бошлагин бувущим, Эрам борайин,  
Ажойибот-гаройиботни кўриб,  
Эрам боғда ўйнаб даврон сурайн.

Эрам боғда қизлар бўлса сирдошим,  
Паризодлар бўлса юрар йўлдошим,  
Чамбилда тан бўлган бу азиз бошим,  
Қурисин, Чамбилда менга нима бор,  
Эгарлаб бер менга Фирқўқдай тулпор,  
Энди менинг бошлаб бормоғим даркор.

Боғбон бўлсан қизил гулни терайин,  
Бошланг энди боги Эрам борайин,  
Қурисин, бу Чамбилда нима қилайин,  
Келган бу давронни бирга сурайн,  
Борсан париларман ўйнаб-кулайин.

Бувущим, эгарлаб Фиротни бергин,  
Отлантир, менинг ҳам савлатим кўргин,  
Файратим кам эмас, бувущим, билгин,  
Ўз қўлингман отни эгарлаб бергин,  
Мен борайин энди Эрам юртига.

Яна-баҳор бўлса очилар гуллар,  
Гулни кўрса маст бўп сайрар булбуллар,  
Булутлар маст бўлса чалқийди кўллар,  
Ўз қўлингман эгарлаб бер, парилар.

Қулоқ солинг Гаждумхоннинг тилига,  
Олмос-пўлат бойлаб кўргин белига,  
Мен ҳам энди баҳодирдан кам эмас,  
Назар солинг Гаждумхоннинг ҳолига,  
Бувущим, эгарлаб миндир Фиротди.

Кўп қилдик таблада биз маслаҳатди,  
Тонг вақти жуда ҳам яқин етди,  
Энди сўйлаб тура бермоқ уятди (р)  
Бувущим, эгарлаб миндир Фиротди.

Ундан кейин кўрсат Эрамдай юртди,  
Эрам боғда кўрайин паризотди,  
Париларман бориб қурай суҳбатди,  
Худо лойиқ кўрди мундай давлатди.  
Тонгнинг ўзи намоз вақтга келиби,  
Тонг отмай юрмоқча жуда толиби (р).  
Бувущим, эгарлаб миндир Фиротди.

Гаждумхондан бу сўзларни эшишиб, Оға Юнус паризод айтди:

— Хўўп турмайик, Гаждумхоннинг айтгани рост, майхонада қанча амалдор, жигадор, туғдор, сардор, беклар ўтирибди. Бир одам билса, агар Гўрўғлига хабар берса, келиб бу туришимизни кўрса, «сайис билан нима маслаҳат қилиб турувдинг?» деса, сўнгра ишимиз қийинга тушиб қолади. Гаплашиб турмоғимиз айб иш. Кўрса Гўрўғлининг аччиғи келар, жавоб бермоғимиз қийин, мушкул бўлар. Ундан кўра Гаждумхоннинг гапи маъқул. Отни эгарлаб, миндириб жўнатмоқнинг пайида бўлайик,— деб отнинг қошига бориб, Мисқол пари отнинг жиловидан ушлаб, Оға Юнус пари яланғочлаб ташлаб, қашлаб, энди Фиротни эгарлаб турган пайти экан:

Оша элга ошган тортар хўрликни,  
Эр йигит урушда қиласар зўрликни,  
Оға Юнус солди отнинг белига  
Кимхоби майндан бўлган терликни.

Мард бўлганлар қарап экан дурбини,  
Усталар ишлатар пўлат қирғини,  
Оға Юнус солди отнинг белига  
Зарлигу зарбобдан бўлган чиргини.

Чиргини устидан қўйди белликни,  
Боз устидан ташлаб жаҳалдирикни,  
Мард йигитлар элдан олар хабарни,  
Муллалар ўқиган зеру забарни,  
Эрам боғдан берди бунда хабарни,  
Оға Юнус солди отнинг белига,  
Қоши олтин, олқар мугиз эгарни.

Эл кўчириб Олатовдан оширди,  
Сирин айтмай душманлардан яширди,  
Иккови ҳам тилладанди узанги,  
Ярқиллатиб икки ёқقا туширди.  
Кишман ёз ўртаси уч ой саврди (р).  
Ёмон одам доим қиласр ғовурди,  
Оға Юнус солди отнинг устига  
Чочоги зумраддан заррин давурди.

От остидан кўриб Гаждум қувонди,  
Шундай қилиб Фиркўк отни безади.  
Гана-гана бандаларинг жоҳилди (р).

Оға Юнус тортди отнинг белидан  
Сирти ипак, ичи майн айилди.

Ҳеч камлиги йўқдир йўрга юришдан,  
Қамчи урса ўтар осмонда қушдан,  
Оға Юнус тортди отнинг белидан,  
Ўн саккиз қуббали чифатой пуштан,  
Сафрисига ташлаб карки қуюшқон,  
Ҳар қуббаси келган катта таркашдан.

Абзалининг бари ола қайишдан,  
От абзалин кўриб Гаждум қувонди,  
Оға Юнус солди отнинг бошига,  
Тилладан ишланган олтин юганди.

Шундай қилиб Фиркўк отни безади,  
Душман кўрса жигар-бағрин эзади,  
Қанотли қушлардан ўзи ўзади,  
Кўрганда душманнинг бошин узади.

Неча вақт таблада боқувлик турған,  
Гаждумхондай сайис парвариш қилган,  
Қилиқ соп юз турли ўйнайди ҳайвон,  
Фиркўк отни минсам дейди Гаждумхон.

Оға Юнус паризод, шундай қилиб, Фиротни абзал-лаб-чоқлаб бўлиб, кўнглида айтди: «Бу илгари йўл кўрмаган, бир урушли жойда бўлмаган, бирорнинг отини боқиб юрган одам; бунга яхши сарпо кийгизиб, олмос пўлат бойлатиб жўнатмайик, ўз кийимида кетсин. Лекин буни эртароқ жўнатайик», — деб ҳудди файзи саҳар вақтида Гаждумхонни Фиротнинг белига миндириб, Оға Юнус:

— Гаждумхон, кўнглингни хушла, эгарнинг қоши-дан икки қўллаб ушла, қамчи урма, буни лайли Фирот дейди, бўлакдай кўрма, мабодо бўлак отга ўхшатиб дўқлаб турма! Чамбидан қирқ кунлик йўл келади, Бало тоғи деган бир тоғ бор. Бу Фирот сени қирқ йиллик йўлга, тонг отмай шу Бало тоғининг белига еткаради. Биз капитар кийимини кийиб, орқангдан учиб бориб, сенга етамиз. Сўнг, сени боғи Эрамга бошлаб олиб кетамиз, — деди. Фиротни Чамбид қалъасидан ирғитиб, йўлга солиб юборди.

Узлари ўрдага қайтиб келдилар. Жўнашнинг ҳаратини қилиб, булар капитар кийимини кийишиб, исмиёд дуо ўқиб, фалакка парвоз қилиб кўтарилилар. Яна қайтиб Оға Юнус Чамбид деворининг кунграсиға қўнди. Шунда Мисқол пари:

— Сен фалакка кўтарилиб, тағин ишингни кейин ташлаб, нега девор кунграсиға қўндинг — деди. Шунда Оға Юнус пари:

— Гуржистон мамлакатида ўғил қиласиз деб Гўрўғли Авазни олиб келган вақтида мен Авазни ўғлим деб, ёқамдан солдим, этагимдан сувуриб олдим, тутмаган бўлсан ҳам тукқандай унга меҳримни қўйиб қолдим. Шундай яхши кўрган ўғлим — Авазимни бир кўрмай кетиб бораётирман. Авазни кўрмакка кашал бўлиб, бурилиб қўндинг, — деди.

Худди шу вақтда Гўрўғли қирқ йигити билан, Ҳасан, Аваз ўғиллари билан сұхбат қилиб ўтириб эди. Аваз ташқарига чиқиб қолди. Оға Юнус Авазни кўриб, биринки оғиз сўз айтиб турибди:

Оҳ урганда кўздан оққан ёш энди,  
Эсон бўлса, нелар кўрар бош энди,  
Бизлар кетдик боғи Эрам юртига,  
То кўргунча, Аваз болам, хуш энди.

Ярашиққа зар кокилни ўрармиз,  
Эрам боғда тоза гуллар терармиз,

Тонгла маҳшар — қиёматда кўрармиз,  
То кўргунча, Аваз болам, хуш энди.

Сени кўриб кўздан ёшим тизилди,  
Ўйлаб турсам, жигар-багрим эзилди,  
Чамбилинг ютидан ризқим узилди,  
То кўргунча, Аваз болам, хуш энди.

От чопса гумбурлар тоғнинг дараси,  
Ботирни ингратган найза яраси,  
Сенсан, болам, кенг Чамбилинг тўраси,  
То кўргунча, Аваз болам, хуш энди.

Энам деб йиғлама, интиқ бўлмагин,  
Зинҳор сен ахтариб бизни бормагин.  
Агар борсанг, билгин, нобуд бўласан,  
Беҳуда сен ғарибликда ўласан.

Тақдир қилса қиёматда кўрасан,  
Бўтам, Аваз, борма Эрам шаҳрига,  
Болам, ҳазил билма айтган сўзимни,  
Энанг бўлиб сенга раҳм қилмайман,  
Излаб борсанг ўлдиарман ўзингни.

Майдонли кун сотар эдинг ширин жон,  
Олмосингдан мудом қуидинг қирмиз қон,  
Зарбингдан титраган Балху Бадахшон,  
Эрам боғ деб излаб борма, Авазжон.

Излаб борсанг эшитмайман сўзингни,  
Борсанг мен ўярман нарғиз кўзингни,  
Насиҳатим шулдир сенга Авазжон,  
Паризодман, сенга раҳм қилмайман.  
Бошимиздан кетсин қайгули туман,  
То кўргунча омонда бўл, Авазжон.

Бу сўзни Оға Юнус пари айтди, Авазжон тери қотди, қулоғи чипла битди, нима деганига тушунмай, қайтиб майхонага кириб кетди. Парилар парвоз қилиб, Чамбильдан жўнаб, Гаждумхоннинг кетидан етди. Гаждумхон калласи гувлаб қаёққа юрарини билмай бораёттир эди. «Мана биз келдик», деб паризодлар отнинг жиловига ўтди, «ўзимиз бошлаб кетамиз» деб, булар боғи Эрам тарафига қараб йўл торти. Аваз майхонада ўтириб, ҳуши ўзига келди, ўйлади:

«Боя далага чиққанимда қулоғимга бир товуш келгандай бўлиб эди, нима воқеа эканини билмадим, лекин энамнинг товушига ўхшар эди. Шундан бир хабар олайнин», — деб ўрнидан туриб жўнади. Ташқарига чиқиб қараса, тонг ёришиб қолибди. Ҳеч гап йўқ, ҳамма ер сина-сон<sup>1</sup> бўлиб ётибди. Аста-аста ўрдага келди. Қелиб Оға Юнуснинг ўрдасига кирди. «Бунда энам йўқ-ку, балки бўлар биргамикин?» — деб, Мисқол парининг ўрдасига борди. Келса, Мисқол парининг ҳам ўрдасида ҳеч ким йўқ. Ундан чиқиб, Фиротнинг табласига борди. Фирот билан Гаждумхон ҳам йўқ. Буларнинг йўқлигини билиб, бўғини бўшаб: «Бу қандай аломат?» — деб юраги титраб, ташқарига чиқди. Ташқарига чиқиб, ҳар тарафга назар солиб, булардан даракнишон билмади. Шу вақтда кун сарғайиб чиқиб келаётib эди. Сўнгра Авазхон қайтиб, қўлига дурбинни олиб, дурбин билан тўрт тарафга назар солиб, буларни кўрмай, Бало тоғига қаради. Қараса, Бало тоғининг белида Гаждумхон от устида, икки пари жиловида гоҳ кўринар, гоҳ кўринмас бўлиб, билдираб, ошиб кетиб бораётир. Буларнинг кетиб бораётганини кўриб: «Гап бошқа бўлган экан, энамларнинг иши бузук келган экан, отамдан бирор кўтоҳлик<sup>2</sup> ўтган экан, Фирот кетибди қўлдан, отамнинг давлати қайтган экан. Уларнинг кетига тушиб, бу ердаги отларни миниб чопган билан Фиротга етиб бўлмас, бу осонлик билан қўлга келмас», — деб майхонага қараб қайтди. Майхонага кириб, отасига шундай деди:

Ота, эшит мейнинг айтган сўзимни,  
Ота, хафа қилдинг мендай қўзингни,  
Бир ишдан бехабар қолган ўзингди(р).  
Армон билан Фиротингдан айрилдинг.

Ўйласанг вайрондир Чамбильдай мулкинг,  
Эрам боққа ўлжа бўлди Фиротинг.  
Фамли қулга эгам бўлсин меҳрибон,  
Фиротинг устида минган Гаждумхон,  
Оting кетди, билгин, Эрам боғига,  
Армон билан тулпорингдан айрилдинг.

Сабил қилиб бунда Чамбиль шаҳрингни,  
Энам опти Фирқўкдай тулпорингни,

<sup>1</sup> Сина - сон — тинч, осойишта.

<sup>2</sup> Кўтоҳлик — камчилик.

Кўролмайсан Юнус, Мисқол ёрингни,  
Ҳам отингдан, ҳам ёрингдан айрилдинг.

Шундай бўлиб қайтди сенинг давлатинг,  
Охир бўлди бунда қурган суҳбатинг,  
Ота, кўриб хафа бўлди фарзандинг,  
Ҳам отингдан, ҳам ёрингдан айрилдинг.

Бу сўзларни тимсол айтар Авазхон,  
Оҳ тортсам қурийди танимда дармон,  
Энди ўтди Чамбильда сурган даврон,  
Тура келиб ўзинг қара, меҳрибон.

Отажон, эшитгин айтган додимни,  
Чўлистоң қилмагин бунда юртингни,  
Энам душман, қўлдан бердинг отингни,  
Хафа қилдинг Аваздай валламатингни,

Олтин пиёлада шароб ичгансан,  
Инъом бериб танга-тилла сочгансан,  
Эрам боғдан нари олиб учгансан,  
Ерим деб кокилин силаб юргансан.

Сенинг билан бўлди хотининг тараф,  
Кўргин ота, Бадбахт тоғига қараб.  
Гап эшиш, отажон, менинг тилимдан,  
Номард сайис туз еб ўсган қўлингдан,  
Хотин иғвосига у ҳам ияриб,  
Сени айирганди лайли Фирингдан,  
Қани шунда бўлса бермасдим омон,  
У қачон қўлимгага тушар Гаждумхон!

Бу сўзни Аваздан билиб амалдор;  
Чачрашиб тура келди бу беклар,  
Барининг каттаси Гўрўғли номдор,  
Ташқарига ёвлик чиқди амалдор.

Гўрўғли бу сўзни эшитиб, ўйласа, тушига кирмайдигав гап. Ҳар қайсиси чопқиллаб, ўнг-сўлдан хабар олиб, Гўрўғли дар ҳайрон бўлиб, дурбини билан қараб, Юнус, Мисқол ёрини, отини Бадбахт тоғининг белида кўриб, ҳуши ўзидан кетиб, хаёли қочиб, яна ўзини тўхтатиб, бекларга қараб, бу сўзни айтиб турган экан:

Тайрилди бошимдан тожу давлатим,  
Энди ҳаддан кўпдир қўрган меҳнатим,

Кетмон олиб гулхенани қулатинг.  
Энди соп бўлганди тожу давлатим,  
Эрам боққа кетди менинг Фиротим.

Соп қилдим Чамбильда ўтиришимни,  
Эр йигитлар, кесинг тандан бошимни,  
Учирдим бошимдан давлат қушимни,  
Қўлимдан олдирдим гул бувишими.

Қочган билан энди, қайда эл энди,  
Бул оқибат қўрган куним шул энди,  
Бошим кесгин, ўлдир мендай хонингни,  
Эр йигитлар, айтган сўзим бил энди.

Дардли қул, дардимни кимга ёрайин,  
Бош шикаста бўлдим қайга борайин,  
Энди кенг Чамбильда тирик юрганча,  
Ўзим бориб қора гўрга кирайин.

Қўнглимдаги ҳеч мақсадим бўлмади,  
Кенг Чамбильда юргилигим қолмади,  
Муродим-мақсадим бунда бўлмади,  
Кесгин, беклар, тандан энди бошимди.

Фирот билан ёрни қўлимдан бериб,  
Яна кенг Чамбильда тириклай юриб,  
Одайман деб жабру жафолар кўриб,  
Неча кун давронни ёр билан суриб,

Қолдим мен ҳам ерга бағримни бериб,  
Фиротнинг тизгинин ёрнинг қўлинда кўриб,  
Кел, жалләдлар, қўлингга ханжаринг олиб,  
Бошимни кес энди, ханжарни солиб.

Гўрўғли бу сўзларни айтиб, ҳеч кимга қарамай,  
Чамбильда Таваккал ғори деган ғор бор, шу ғорга ки-  
риб, оҳ тортиб ётиб олди.

Илгари бу ер чангиган бел<sup>1</sup> эди. Буни «Чортокли  
Чамбиль» дер эди. Гўрўғли янги чиққан вақтида, икки  
хоннинг чегараси эди. Чортокли Чамбиль дегани —  
Гўрўғли тўрт айри кўмиб, устига гилам ёпиб, чорток  
қилиб соясида турарди. Шундай туткан савдогарларнинг  
молини қайтариб бож қиласиди. Божини олганига ин-

<sup>1</sup> Б е л — дара.

дамаса жўнаб кета берар эди. «Сенинг нима амалинг бор?»— деб жанжал қилса, молининг барини тортиб олар эди. Шундай одамлар йиғлаб подшоларига борса, у чегарадан одам келса, бу чегарага ўтиб турар эди.. Шу қилган ишига халойиқ ўғирлик деб гапирав эди.. Ҳар мамлакатдан одамлар келиб, қўшилиб кўпайиб кетган эди. Юнус, Мисқолни олгандан кейин Кўкгумбаз деган ердан юз тўқсон девни ҳайдаб келиб, Чамбил қалъасини солдиранг эди. Ундан кейин теварагига халқ ўрнаб, кўпайиб, Чортоқли Чамбил обод бўлган эди.

Гўрўғли Таваккал горига киргандан кейин ҳар мамлакатдан келган беклар йиғилиб, бешта-ўнта бўлиб маслаҳат қила берди. «Тузамоқ ягона-ягона одамнинг қўлидан келади, бузмоқ ҳар қандай одамнинг қўлидан келади». Маслаҳат шундай бўлди: «Гўрўғлининг ҳар тарафда душмани кўп. Агар Фиротнинг Чамбидан кетганини билса, ҳар тарафдан тортиб келади. Чамбиднинг атрофини душман олади. Бева-бечора оёқости бўлади. Бу ерда юрган одам тайин ўлади. Шу вақтдан фойдаланиб кўчиб кетган одам ишни қиласди»,— деб кўчиб кетаётганлар ҳам бор.

Бу одамларнинг маслаҳатини эшишиб Аваз: «Бу одамлар кетиб бораётир, қабоҳат босиб, кўбиз-мавизда, мен ҳам Гуржистон юртимга кетаверсаммикин»— деб, вақти замонда яна ўйлаб: қўлида парвариш топиб, от миндириб, тўн кийгизиб юрган эди. Шундай кунида, менинг ҳам юртим бор деб кетсан бу ҳеч одамгарчилкдан бўлмас. Қандай бўлса Таваккал горига борайин. Хўп ўйлаб кўрайин, отамга йўлиқиб, отамнинг розилигини сўрайин, агар жавоб берса, нима бўлса бўлайн, Фирнинг кетидан борайин»,— деб, бу сўзни ўйлаб, Таваккал горига келди. Таваккал горида отасини кўрди. Нам ерга бағрини бериб ётибди. Отасини кўриб Аваз бир сўз айтиб турибди:

Ота, эшишт менинг айтган нолишимни,  
Елвориб худойга солдим ишимни.  
Оч қўзингни, кўтар ота, бошингни.

Ота сенга тимсол айтай бир алвон:  
Неча вақт Чамбидда сурғанимиз даврон,  
Холинг сўраб сенга келди Авазжон,  
Қулоқ сол, хон ота, ўғлинг тилига,  
Неча вақт бег бўлдинг Чамбил элига,  
Бошимни сарф қилдим Эрам йўлига,  
Эрам бокқа талаб қилдим, отажон.

Пўлат найза қоп тубида ётарми,  
Темир найза эговласанг ўтарми,  
Номард сайис иш кўрсатиб кетарми,  
Ота, талаб қилдим Эрам юртига,  
Ота, эшиш менинг айтган ноламни,  
Иўлдан урма Авазхондай болангни,  
Излаб борай Эрам бокқа энамни,  
Сенга маълум қилдим, ота сўзимни.

Шундай хизмат мудом бизга лозимди (р).  
Ота, бориб келай Эрам юртига,  
Гар агар келтирсам Фиркўк отингди (ни),  
Обод қилсан яна Чамбил юрtingди (ни),  
Обкеб берсан, икки паризодингди (ни),  
Ота, борар бўлдим Эрам юртига,  
Шу хизматга юбор Аваз қўзингди (ни).

Бизларни босибди Чамбидда гафлат,  
Ҳар дурунг-ку беклар қилди маслаҳат,  
Бизнинг билан иши бўлмай жамоат,  
Энди, ота, ўзинг бергин маслаҳат.  
Ота, талаб қилдим Эрам юртига.

Бу сўзни Аваздан эшишиб, Гўрўғли ўрнидан туриб,  
Авазга қараб:— Аваз ўғлим, сен менинг жону дилим,  
кўрар кўзим, сўзлар сўзим, Эрамга талаб қилма,— деб  
бир сўз айтиб турибди:

Бир неча номардга кўнгил бермагин,  
Яхшилик кўр, ёмонликни кўрмагин,  
Кўп яша Авазхон, зинҳор ўлмагин,  
Кўнглингга сен Эрам боғни олмагин,  
Қурисин, Эрамга талаб қилмагин.

Сенсан кенг Чамбидда хоннинг боласи,  
Олис йўлдир Эрам боғнинг ораси,  
Қадимгидай сенда Фирот бўлмаса,  
Минганман бу отлар ҳожат бермаса,  
Жоним болам, кўнгилдаги бўлмаса,  
Қурисин, Эрамга талаб қилмагин.

Қурисин, Эрамда нима қиласан,  
Еби миниб, болам, қайда борасан  
Болам, юртда югрук илдамишарни  
Сен агар йўлиқсанг нобуд бўлсан  
Фариби гўристон бўлиб қодасан.

Қадимгидай йўқдир сенинг Фиротинг,  
Ҳеч мазгилга етолмайсан, фарзандим,  
Бу отлардан минсанг бўлмас қувватинг,  
Эрам боф деб, болам, талаб қилмагин.

Йўлингдан чиқади ул неча душман,  
Наф топмай сўнгра қилма пушаймон,  
Бу хизматга бел бойлама, Авазжон.

Неча вақт бег бўлиб давронни сурдим,  
Отимини, ёримни қўлимдан бердим,  
Оҳ тортиб Таваккал горинда қолдим,  
Эрам йўлларини кўп юриб кўрдим,  
Неча душманларнинг додини бердим.

Душман билар хон отангнинг ишини,  
Лак-лаклаб қайтардим қанча кишини,  
Шунча ҳам ғайратим бордир, Авазжон,  
Бу хизматга бел бойлама, Авазжон.

Қулоқ солгин, қўзим, менинг тилима,  
Душман қирқиб чиқолмаган йўлима,  
Тулки шақал кулар менинг ҳолима,  
Бормагин Эрамга, юргин Чамбил юртингга.  
Не қиласан кетган отларни излаб,

Сувсиз чўлда қолма бўтадай бўзлаб,  
Бундай ғамлар жигар-бағримни тузлаб,  
Бормагин Эрамга отингни излаб,  
Фиротсиз ёт элга борма, Авазжон!  
Бу хизматга бел бойлама, Авазжон!

Аваз бу сўзларни Гўрўғлидан эшитиб, дилтанг бўлиб: «Мени йўлдан урди»,— деб гина қилиб, ўрнидан туриб, қўл қовуштириб, яна бир сўз деб турган экан:

Жоним ота, ҳар на бўлсан, бўлайин,  
Ажал етса, бу йўлларда ўрайин,  
Бундан борсан Фиротингни олайин,  
Қандай бўлса, йўлдан урма, борайин.

Бормасам бўлмади сабру қарорим,  
Ўйласам ўзимда ўйқ ихтиёrim,  
Эсимга тушади минган тулпорим,  
Кўзимга кўринмас Чамбил шаҳарим.

Бундай ишлар менинг бағримни тузлаб,  
Эсима тушганда йиглайман бўзлаб,  
Эрам боқقا борай отимни излаб,  
Яқин кўринади Эрам чорбоги.  
Кўнглимдан кетмайди бу ишнинг доғи.

Неча вақт Чамбильда юрган тўрамиз,  
Душман кўрсак бошин боғдай чопамиз,  
Не юртларда иш кўрсатиб келамиз,  
Бу ғамдан қандайин тирик қоламиз.

Ота, ўйлаб энди ўзинг сўйлагин,  
Хўп танангга яхши туриб ўйлагин,  
Ўйлаб, сен жўнатгин Аваз ўғлингни.  
Йўлга солгин мендай жону дилингни,  
Мен келганча дуода бўп тур энди.

Насиб бўлса мен ҳам Эрам борарман,  
Борсам мен ҳам Фиротимни оларман,  
Тақдирда борини, ота, кўрарман,  
Мен кетган сўнг, ота, хафа бўлмагин,  
Авазим кетди деб, афсус қилмагин.

Қулоқ солгин, менинг айтган тилима,  
Душман қирқиб чиқолмаган йўлима,  
Бу ётишлар хўб эмасдир шаънинга,  
Чамбильда кўтарган сенинг донғинга.

Хозир боши мизга тушган аломат,  
Ўйлаб турсанг, душман қилар маломат,  
Бузилсин, йиқилсин ул чархи ношод,  
Ўйла, ота, ҳозир бизга қиёмат,  
Бориб келай, ота, соғу саломат!

Гўрўғли Аваздан бу сўзни эшитиб: «Авазжон, сенинг гапинг тузук, мен сени синай олмай гаингни қайтариб, нима жавоб айтар экан, деб туриб эдим. Тузу экансан. Нима бўлеа, энди ўзинг биласан. Лекин сени чиқиб жўнатмоққа қадимгидай Фирот йўқ. Бу табладаги отларни эгарлаб, абзаллаб миндирган билан ҳеч мазгилга боролмайсан. Бу отлар нажот бермайди. Бу отларни минсанг кўнгилдаги мақсадинг бўлмайди, бу отлар билан беш кун-үн кун йўл юрсанг, илгари босган оёғи кейин кетади. Бу отлар билан киши қаерга етади? Фиротни ўзинг биласан, Фиротнинг устига минсанг ўн

кун юрсанг, олти ойлик йўлни олади. Ундаи вақтда киши ҳар мазғилга етиб боради. Бу отлар билан қайда боради, ғариби гўристон бўлиб йўлда қолади, минганига пушаймон қилиб, одам тайин ўлади, бундай отни мингандан, пиёда кетган яхши бўлади. Менинг кўнглима шундай келади. Тағи йўлаб кўр, агар отланиб кетаман десанг, йўлда қоласан»,— деди.

Бу сўзни Гўрўғлидан эштиб Авазжон: Мен ҳам кўнглимда шундай йўлаб турибман, «таваккалчининг ишини обло битирав» деган гап бор, бу сўзни айтиб, шундан кейин жўнашни ихтиёр қилиб, кўнглида айтди: «Менинг кетганимни ҳеч ким билмасин. Чамбилда юрғанимни ҳам кўрмасин».

Авазхон илгари бирор ерга жўнаса, мингани Фирот, ёнида олмос пўлат, шаъну шавкат билан жўнар эди. Энди бу жўнашда халқнинг ўртасида жўнамоққа орбилиб, «бир нечалар кейнимдан гап қиласар» деб, қаландарнинг узун либосини ҳам кийиб, қовоғини уйиб, бурама яроқлардан «пиёда одамга бўлади-да» деб олиб, талқон-тўшакни кўлбарга солиб, эгнига танғиб, бир сўтани ҳам қўлига олиб тоза қаландар бўлиб: «Ота, биз кетдик»,— деб, Гўрўғлига икки оғиз сўз айтиб турган экан:

Талабимни яратгандан тиладим,  
Жавоб беринг, энди бундан жўнадим,  
Қаландар жўнади оти Авазхон,  
Дуо қилиб қолинг бунда, отажон.

Қолар бунда Чамбидай мамлакатим,  
Кенг Чамбидан кетар мендай фарзандинг,  
Борганимдан қўлга тегса Фиротим,  
Омон-эсон келсам сенинг давлатинг,  
Қайтадан Чамбидда бўлар суҳбатим,  
Тақдир қилса йўлда кўпdir меҳнатим.

Оҳ тортганда кўздан оққан ёш энди,  
Эсон бўлса нелар кўрар бош энди,  
Дуо қилгин, меҳрибоним, отажон,  
То кўргунча, каъбам отам, хуш энди.

Белима бойласам заррин пўтамни,  
Худойим кечиргай қилган гуномни,  
Омон келиб кўрай сендай отамни.  
Ошмоққа қойимдир тоғларнинг бели,

Уйласам, узоқдир Эрам манзили,  
Жўнади Авазхон — Чамбил булбули,  
Дуо қилгин бунда, отам Гўрўғли.

Аваз шунда мақсадимни қилсам деб,  
Яёвлаб йўлларда қувиб юрсам деб,  
Насиб қилса боғи Эрам кирсам деб,  
Борганимда мен энамни кўрсам деб,  
Сиру аҳволимни маълум қилсам деб,  
Бориб Эрам боғда бирга турсам деб,  
Сўзимга кўнганда олиб келсам деб,  
Қайтадан Чамбилни обод қилсам деб,  
Сайл этганда Фиротимни мисам деб,  
Жавоб сўрап, энди йўлга кирсам деб.

Мен кетдим, бек ота, хафа бўлмагин,  
Нам ерга бағрингни тушаб қолмагин,  
Туриб сўра Чамбил мамлакатингни,  
Хафа бўлма, об келай Фирқўк отингни,  
Кўрсатаман икки паризодингни.

Мен кетган сўнг ўзинг ғалта бўлмагин,  
Оғир-енгил бўлиб ўзинг урмагин,  
Бир етар-етмасга сиринг бермагин,  
Беҳуда нодонга гап бўп юрмагин.

Кетади бошингдан қоронғу туман,  
Гоҳо кетса, гоҳо келади даврон,  
Қадимгидай бўлиб тургин отажон,  
Дуода бўл, энди кетар Авазхон.

Туну кун тинмайин йўлни тортаман,  
Кеча-кундуз бирдай тунлар қотарман,  
Кечга қолмай мен ҳам эрта қайтарман.  
Кўрмагандай бўлиб бундан кетарман,  
Бу сўзларни тимсол айтиб Авазхон,  
Омин, облоҳу-акбар, деди Авазжон.

Энди отаси билан сўзлашиб, хўшлашиб, Гўрўғли яхши  
фотиҳа бериб, орқасидан икки оғиз сўз айтиб турган  
екан:

Оҳ тортсам танимдан қурийди дармон,  
Омон-эсон бориб келгин, Авазжон,  
Иўл юргин, болам, кечга қолмагин,

Номард билан йўлда ҳамроҳ бўлмагин.  
Нодоннинг гапига қулоқ солмагин,  
Душманлардан ўзинг ҳамроҳ қилмагин,  
Соф бориб, саломат келгин, Авазжон.

Эрам чорбогини қўзлаб юрасан,  
Сувсиз чўлга ёлғиз чиқиб борасан,  
Сувсасанг-чанқасанг, болам, нетасан?  
Бемазгил юрмагин, йўлда Авазжон,  
Яёвларга яқин йўллар узоқдир.  
Ул номардлар солди юракка доғни,  
Бориб минсанг Фиркўқдай тўбочни,  
Соф бориб, саломат келгин, Авазжон.

Бунда қолар, болам, Чамбил элатинг,  
Омон-эсон келиб қолсанг, давлатинг,  
Сенга ҳамроҳ бўлар бунда бекзотинг.  
Давлатингдан ободдир мамлакатинг,  
Бу сўзларни айтиб дуо қилиді Гўрӯғли.

Орият айладинг Аваздай шунқор,  
Мадад қилсин сенга имон, чилтонлар,  
Қани Чамбидаги юриш шавкатинг,  
Кулоҳ кийиб, қўзим, бўлдинг қаландар,  
То кўргунча, жоним болам, аллаёр,  
Бор энди, Авазжон, йўлга яхши бор,—

деб қўл кўтариб дуо қилиб, уни йўлга солди. Авазхон  
Чамбил элда, tengу тўшига, қавму қариндошига, Чам-  
билда бирга юрган сирдошига сирини айтмай, Авазнинг  
кетганини ҳеч ким эшитмай, бемаҳалда Чамбидан  
чиқиб, гоҳ кўнглини хушлаб, гоҳ ўз юришига қўзини  
ёшлаб, кўлбарини эгнига турмушлаб, сўтани қўлига  
ушлаб, жўнай берди. Расталарда йўл билан бораётir.  
Бир неча кўрмайди; бир неча кўраётir. «Бемаҳал  
юрибди, ҳаддили қаландар экан»,— деб дўкон-дўконда  
бир хиллари гапириб ётири. Авазхон қарамайди; Чамбил  
дарвозасига етди. Дарвозалар бекилган йўқ эди, Чам-  
бил қалъасидан чиқиб кетди.

Авазхон Чамбидан баҳодир. Баҳодирларга одат: ҳо  
отлик, ҳо пиёда бўлсин, бир юриб кетса, қирқ кечаю  
қирқ кундуз юриб кетаверади. Аваз оқшоми билан йўл  
торти, чўлга чиқиб кетди. Тонг ёришиб отди. Аваз қа-  
ради, Бало тоғи кўриниб турибди. Аваз Бало тоғни  
бетга тутиб, йўл тутиб: «Бало тоққа етиб, бир овқат»

қиламан-да»,— деб бораётir. Баривир Бало тоғига  
етмасдан ҳеч нима топмасман деб кўнглидан ўтди.  
Бало тоғи кўзига яқиндай кўриниб турибди, қичаб бо-  
райпти. Гоҳ юришига ўтдай туташиб, гоҳ дарёдай тошиб,  
оқшом бўлса, гоҳ ерлардан адашиб, неча дарбанд бел  
oshiб, етолмайин, Бадбахт тоғига жанашиб, неча тун,  
неча кун йўл юриб қарайди. Бало тоғи ҳали ҳам бу-  
рунгидай бўлиб кўриниб турибди.

Бурун сўнг у бундай жабрни кўрмаган одам, бурун-  
ги юришлари эсига тушиб, йўлда ҳар дурунки<sup>1</sup> қилиб,  
эрмакка қўшиқ айтиб бораётibdi:

Кийфир деган қуш ўтирап қиёда,  
Файрат билан ботир юрар пиёда,  
Не кўриб, кечириб, фони дунёда,  
Оқибат шу, ўзим юрдим пиёда.

Томошалар айлаб тоққа чиқардим,  
Тозилар югуртириб, ҳар ён боқардим,  
Шунқор чўйиб тилла таблим қоқардим,  
Чамбильда бор эди иззат-ҳурматим.

Неча беклар билан шароб ўчардим,  
Инъом бериб танга-тилла сочардим,  
Хукм қилсан паризотдан қучардим,  
Бир байлис баҳона бўлди қисматим.

Чамбил шаҳри эди ҳўкми фармоним,  
Авваллардан баланд эди аҳволим.  
Шул фурбатга солди бир гўзал золим,  
Бу чўлларда ҳабун бўлди аҳволим,  
Чамбильбельда отам девкор шод эди,  
Ҳамиша олдимда арзи дод эди.

Мен отлансан душман бетоқат эди,  
Отам башар, энам паризод эди.  
Бир байлис баҳона бўлди қисматим.

Талхи бор деб емаб эдим наботти (ни),  
Гарди бор деб тўшамадим банотти (ни),  
Бор такобирлигим бошимга етди,  
Эмди бўлдим парча нонни гадойи.

<sup>1</sup> Дурунки — нарма, қилиқ.

Бу сўзларни айтиб Аваз оҳ уриб,  
Оёқлари сувсиз чўлда қабариб,  
Бораётир Эрам боғни ахтариб.

Қеча-кундуз бирдай йўлни юради,  
Хаёлида етгандай бўп боради,  
Ҳар куни тонг отса, тоқقا қарайди,  
Бадбахт тоги яқин бўлиб туради.

Гоҳ у чўлда, гоҳ бу чўлда боради,  
Неча кун, Авазхон бундай йўл тортди.  
Қирқ қеча-қирқ кундуз орадан ўтди.  
Алқисса, Бадбахтнинг тогига етди,  
Бир мазгилга етгандай бўп қолибди.

Энди Авазхон талқон-тўшакни эгнидан қўйиб: «Авазал йўлни бўлжаб қўяйин, тура солиб жўнаб кетавермакка қулай бўлади, ундан кейин овқатга ўтирайин»,— деб йўлни мўлжаллаб қаради.

Юриб борган жойигача эл ичи эди. Эл, йўл бор эди. Нарёғида на эл, на йўл бор. Ҳар қумлар мисли тоғдай бўлиб ётиби. Авазхон: «Энди ўлдим. Одамсиниб, Чамбидан чиқиб эдим, қайтиб Чамбилга боролмасам, бу ёғига юргани йўл тополмасам, қадимгида шон-шавкатим, миниб юрган Фиротим, қўлимда бўлмаса кескир шўлатим, пиёдаман, кимга келади қувватим, юрган билан ҳар турли жондорлар йиғилиб, менинг гўшимни еган қарғалар Чамбил бормайди»,— деб ўз ҳолига кўнгли бузилиб, бағри эзилиб бир сўз айтиб турар:

Меҳнат тортиб келдим пойи-пиёда,  
Ўйлай берсам дардим бўлар зиёда,  
Бало тоғда қолдим пойи-пиёда,  
Ҳеч ким раҳм қилмас кўзда ёшима,  
Қаба фалак оғу қўшди оshima,  
Бало тоғда лочин қўнар гўшима.

Бир отадан тўртни ярат, бешни ярат,  
Елғизни яратганча тошни ярат,  
Тўртнинг бири ўла кетса, учи қолар бошига,  
Елғиз ўлса ким келади қошига,  
Бало тоғда қузғун қўнар гўшига,  
Юрган билан қайдада менга эл энди,  
Мен ўйглайман кўзда ёшим сел энди,  
Қани, менга мадад берар кун энди,

Бало тоғда қолдим пойи-пиёда,  
Инглайман бу ерда мен ҳам мугайиб,  
Ота-энам қолди сочини ёйиб,  
Охири ўлигим бўлди бесоҳиб,  
Бало тоғда қолдим пойи-пиёда,  
Бало тоғда қолди мендайин ғариб,  
Ҳеч ким келмас мен ғарибни ахтариб,  
Мунда келдим ўз оёғимман юриб,  
Энди қолди нарғис қўзим термулиб.

Қозини олдида шабгир нойиби,  
Йигитга панд берар отнинг майиби,  
Мен ҳам эдим кенг Чамбилнинг сойиби,  
Қолдим Бало тоғда пойи-пиёда.

Жафо тифи, қайтай, жонимдан ўтиб,  
Қеча-кундуз тинмай энди йўл тортиб,  
Тақдир, кулфатим шундайга элтиб,  
Ранг-рўйим бу ерларда сарғайиб,  
Қеча-кундуз ўйглаб овқатим ўтиб,  
Келиб эдим мен ҳам бу ерга етиб.

Ўз жонимга ўзим қилиб зулмни,  
Кимга айтай энди ўлар ҳолимни,  
Бир меҳрибон, раҳбар бўлсанг кел энди.

Оёғимга урса энди бир тикон,  
Энам кўрса, қиласар эди юз фифон,  
Нолишимдан титраб ер билан осмон,  
Бало тоғда ғариб бўлиб ўлдим мен.

Ўз ҳолини сўйлаб энди Авазхон,  
Қўзига кўринмас дўст билан душман,  
Чиққанига кўп қилди пушаймон.

Бундан туриб энди қайга борай ман?  
Эрамни йўлини кимдан сўрай ман?  
Қолдим Бало тоғда пойи-пиёда,—

деб туриб эди, тоғларнинг тоши шақиллай берди.  
— Бу ерда ҳам одам насли бор эканми?— деб шундай қаради. Қараса, бир жондор тос тепаси билан юриб келаётibi, икки бути осмонда обжувоз туйиб келаётibi. Сандалдай, сандиқдай тошларни упадай майда-майда қилиб янчидан келаётibi. Бу жондорнинг ба-

ҳайбат сиёсатини кўриб Авазхон айтди: «Энди ўлди деган шу бўлди. Илгари нақлда «еган оғизга ош бераман, йиғлаган кўзга ёш бераман» деган гап бор эди. Ҳеч кимдан таҳадди кўрмай йиғладим, кўзимнинг ёши менинг бошимга ётди.

Ҳалиги жондор Авазнинг олдига эшикли тўрча яқинлаб, қўниб қолди. Бунинг ҳайбати, сиёсатидан Авазнинг бадани ларзага кириб, титраб турди. Авазга ул Бало ўнгарилиб ўтирибди, бир-икки оғиз сўз айтди:

Изиллар изгорнинг даши,  
Дириллар дилбарнинг тўши,  
Бизга келган ширбоз гўши,  
Менинг овим барор олди.

Қочган билан қутулмассан,  
Мазгилингга етолмассан,  
Мен сенга қувиб етарман,  
Мен сени ушлаб тутарман.

Боқча боғинг боғ этарман,  
Устихонинг қоқ этарман,  
Гўштингни кавоб этарман,  
Дамга қўймайин тортарман.

Юрганим Ҳизрнинг даши,  
Еганим одамнинг гўши,  
Менинг овим барор олди,  
Циқдим мен ҳам одам излаб,  
Одамнинг бағрини тузлаб,  
Менинг овим барор олди.  
Одамзод, циқдинг йўлингдан,  
Умидингни уз жонингдан,  
Сен айрилдинг маконингдан.

Ҳар кун сени дегучиман,  
Одам кўрсам егучиман,  
Мен ҳам бало бўлгучиман.

Балога йўлиқиб қолдинг,  
Ол, одамзод энди ўлдинг,  
Менга тақдир қилди танинг,  
Суд қилмайди пушаймонинг,

Билдим, мендан қўрқанингдан —  
Учди танингдан имонинг,

У дунёга кетди жонинг,  
Уларингни ўзинг билдинг.

Бу тоғ менинг сайилгоҳим,  
Ўзинг юриб мунда келдинг,  
Билгин, одам дучор бўлдинг.

Авазхон Балодан бу сўзларни эшишиб, Бало эканини билди. Илгари: «Қандай жондор экан?»— деб туриб эди, Авазхон ўз-ўзига:— Халқ бу тоғни Бало тоғи дер эди, халқнинг гали бежиз кетмайди экан. Балоси бор экан. Бундан чиқди, мендан илгари ҳам одамларга йўлиқкан экан. Шунинг учун Бало тоғи дер экан. Энди мени ейди экан. Энди қўрқсам ҳам, қўрқмасам ҳам икки бошдан ўлдиради, ҳеч омонлик бермайди, «ётиб қолгунча отиб қол» деган гап бор, бўғиним қалтираб, кўзим ялтираб тургунча, Чамбидаги кўхна қозоқи дўқдан бир дўқ уриб кўрайин,— деб бир-икки оғиз сўз айтиб турди:

Ҳавога учган учимиш,  
Тоғни кўтарар кучимиш,  
Биримиз кетдик молларга,  
Биримиз кетдик жондорга,  
Мен келаман бу Балога,  
Менинг овим барор олди.

Менинг отим мулла Ҳаким,  
Ўқимай чиқди саводим,  
Кунда ўн Бало овқатим,  
Ризқима шундай Бало келди,  
Менинг овим барор олди.

Тўкарман кўзининг ёшин,  
Кемириб Балонинг бошин,  
Таътил қилиб ейин гўшин.

Душманларнинг бағрин тузлаб,  
Келдим мен Балони излаб,  
Қўрқма, сенга етгай сўзим,  
Мен ўярман икки кўзинг,  
Балогардон менинг ўзим.

Ажали етиб мунда келган,  
Кушандага дучор бўлган,

Улар вақтинг яқин келган,  
Сира сенга айтмай ёлғон,  
Омон кетмассан чангимдан.

Сен ризқимга дучор бўлган,  
Тўққизинг қаёқда қолган?

Сен ўзинг тайин ўласан,  
Ёлғиз тентираб келасан,  
Тўққиз жўранг қайдада қолди?  
Бу сўзга жавоб берасан!

Балогардон дейди мени,  
Дарров босиб ейман сени,  
Сайл қилиб бунда етдинг,  
Оч наҳорда кўп йўлиқдинг,  
Узинг энди тайин ўлдинг,  
Менинг овим барор олди.

Аввал сени таътил қилиб,  
Ёр-жўранги ахтариб,  
Балосан, шаҳрингни кўриб,  
Қайда топсам қилиб нобуд,  
Балогардон деган ўзим,  
Англадингми, менинг сўзим?

Бало Аваздан бу сўзларни эшишиб, бўғини бўшаб кетди. Бало туриб айтди: «Вақти замони ажалим еткан экан, куним битган экан. Ўз оёғим билан келиб Балогардонга дучор бўлиб қолганим қандай бўлди? Одамзод деб келиб, тўрга тушиб қолдим. Бу ҳар еганда ўн Бало ер экан. Мен бир баломан, менинг нима қурбим бор Балогардоннинг олдида»,— деди. Шунда Балонинг кўрқанлигини билиб, ўрнидан туриб, Балонинг чап қулоғидан ола кетди. Бало туриб айтди:

— Эй Балогардон дўстим, бу сенинг ушлаганингми, тишлаганингми?

Балогардон айтди.

— Бу авайлаб ушлаганим, тишласам, қирқ жонингдан бир жонинг қоларми!

Бало айтди:

— Э дўстим, ҳали сенинг Балогардон эканингга ишонмайман. Сен чини билан Балогардон бўлсанг, Балогардонлигингни маълум қилиб туриб егин.

Балогардон айтди:

— Маълум шул: зўрликка келса, босаман-да, ей-ман-қўяман.

Бало айтди:

— Ў, зўрлигингни гапирма. Сенинг Балогардон эканингни билайин, оқ тошни майда қилиб юбор қани, кўрайин:

Балогардон айтди:

— Қайси гўрдаги хунарларни чиқарасан, қани шу хунарингни ўзинг қил, кўрайин.

Бало бир оқ тошни олиб, сиқиб юборди. Упадай майда-майда бўлиб кетди. Балогардон тогу чўлларда келаётганида бир жондорнинг тухумини кўриб, эрмак қилиб солиб олган эди. Балонинг кўзини олиб, тухумни тошнинг орқасига ташлаб юбориб, тош олган киши бўлиб, чангалига олиб, бу ҳам сиқиб юборди, майда-майда бўлиб, оқу сариги оқа берди. Бало айтди:— Балли, асл Балогардон экан, тошнинг ҳам мойи бўлар экан, ҳам-маси зўрликка келар экан, сиқиб тошнинг мойини чиқариб юборди. Яна Бало туриб айтди:

— Балогардон эканингни тоза билайин, битингни кўрсат-чи, қани кўрайин, деди. Иккиси ҳам битини кўрсатишиб қолди. Балогардон эрмак қилиб, йўлда биринки оч тошбақани қўйнига солиб юриб эди. Битини қараб топаётган киши бўлиб. «Мана битим»,— деб тошбақани чиқариб қўйиб юборди. Бало шундай қаради, Балогардоннинг бити эмаклаб ердаги кўкарган гиёхларни юлиб, еб келаётир. Бало ўзига-ўзи айтди: «Лекин асл Балогардон экан, бунинг бити ўтлаб келаётир. Битининг ости ҳам тош, усти ҳам тош»,— деб ҳайрон бўлаётир. Балогардоннинг Балогардон экани Балога маълум бўлди. Балогардон кўзини олайтиб, кўзи билан ёмон қаради. Балода тоби-тоқат қолмади. Кўзига кўзим тушмасин деб дус-туман тушиб ётди. Балогардон Балонинг елкасига миниб олибди. Емоқчи бўлиб тос-тўбасидан ғажиябди. «Энди ўлдим» деб Бало Балогардоннинг остида писиб ётиб бу сўзни айтяпти:

То ўлганча яратганда рост бўлдим,  
Ўз феълимдан чўбу хасдан паст бўлдим,  
Худони ўртага солиб дўст бўлдим,  
Балогардон, дўстим, мени ўлдирма.

Нима деб амр этсанг, ани қилайин,  
Қайга борсанг бирга олиб борайин,  
Ўлганимча хизматкоринг бўлайин,  
Балогардон, дўстим, мени ўлдирма.

Келиб тушдим Балогардон қўлига,  
Сени элтай балоларнинг мўлига,  
Раҳм қилгин мендай шўрнинг ҳолига,  
Балогардон, дўстим, минсанг белима,  
Мен сени еткизай ўсган элима.

Дев есанг, Қўйиқоф олиб борайин,  
Пари есанг Эрәм боқقا жўнайин,  
Қайдা борсанг, бирга олиб борайин,  
То ўлгунча хизматкоринг бўлайин.

Фамли кунда қолдим бундайин доққа,  
Жавоб берсанг, кўтарилемас фалакка,  
Обoramан ўзимизнинг қишлоққа.

Сен кўргин мендайин Бало ишини,  
Баломан деб юрган қанча қишини,  
Бир четидан тушиб евер гўшини,  
Балогардон, дўстим, мени ўлдирма.

Армонда сарғайди гулдайин дийдор;  
Мен бўлибман ўз ҳолимдан бехабар,  
Сенинг билан бўлолмадим баробар,  
Аччиқлансанг, ўлдирасан муқаррар,  
Армон билан сенга бўлдим гирифтор,  
Мендай дўстинг сенга ҳамиша даркор.

Балогардон қаландари бўласан,  
Балоларни несу нобуд қиласан,  
Бало тоғда Бало излаб юрасан,  
Балоларнинг кушандаси бўласан.

Сенга сўзламакка келмас қувватим,  
Ларза тушиб қолмас менинг тоқатим,  
Дўстим, қўйсанг қўпdir менинг хизматим,  
Ер юзининг баланд-пастин олиб биламан.  
Қай ерга буюрсанг олиб бораман.

Сени кўриб менинг ақлим шошган,  
Сендай дўстим янги осмондан тушган,  
Ризқингга мендай шўрлик етишган,  
Балогардон, дўстим, мени ўлдирма.

Қўзимдан тўқдирма селоб ёшимни,  
Сен кемириб нобуд қилма бошимни,

Яхшилик қил, кўргин менинг қшимни,  
Кушандам, тушибсан осмондан мунда,  
Чангингда қолдим мен ҳам армонда,  
Мен ёлғизман, дўстим, қилма шарманда.

Сен юриб ер юзини кўрмаган,  
Тоғу чўлу, баланд-пастни билмаган,  
Балогардон, дўстим, мени ўлдирма.

Бир яхшилик қил, бул замон маған,<sup>1</sup>  
Сонсиз балони кўрсатай саған<sup>2</sup>,  
Қандай бўлса ҳозир айлагин омон,  
Кўп ёлбордим сенга яна шу замон,  
Балогардон, дўстим, мени ўлдирма.

Балодан бу сўзни эшитиб, Балогардон айтди: Менинг  
ихтиёрим ўзимда, боғи Эрамга мени қай маҳалда олиб  
борасан?

Бало туриб айтди:— Боғи Эрам шу ердан тўрт юз  
олтмиш йиллик йўл, сени шу тўрт юз олтмиш йиллик  
йўлга — боғи Эрам элига «Алҳамди валозолим» дегун-  
ча етказаман.

Балогардон: «Тўрт юз олтмиш йиллик йўл бўлса, шу  
ерда экан, ўзим ҳам устидан тушиб келиб қолган экан-  
ман, мен «алҳамди... валозолим» деганча сенга қараб,  
сурдалиб юраманми? Эртанги овимсан, эртанги овни  
бўшатгандан кейин, кишининг ови барор олмайди. Ав-  
вал сени еяйин, ундан кейин ўзимоқ бора қолайнин»,—  
деб, Балонинг буйридан ола кетди.

Бало туриб айтди:— Дўстим, энди мен бир Баломан.  
Есанг, ейсан-қўясан, гапни қисқа ери, «Қулповлаҳатни»  
ўқиганча етказайин.

Балогардон айтди:— Сен бир Балосан, есам ейман  
қўйман. Сен менга таътил ҳам бўлмайсан, дўст отини  
тутдинг, худони шафе келтириб сўз айтдинг, шунинг  
ҳурматига, кел қулповлаҳатти ўқигунча етказадиган  
бўлсанг, мен сени емайин; етказсанг бўлди. Лекин мен  
осмондан тушган уч Балогардоннинг бириман. Биримиз  
жондорга, биримиз молларга кетган эдик. Сен бўлсанг  
менинг ризқимга тушдинг энди. Танангга ўла, ейдиган  
rizқимдан кечиб, сенга дўстлик ҳурматини қилдим.

<sup>1</sup> Менга.  
<sup>2</sup> Сенга.

Агар ҳаялласант, устингда миниб бораётиб ҳам еб кетавераман.

Шунда Балогардонлиги маълум бўлиб, Балонинг устига миниб олди, Бало Балогардонни кўтариб боғи Эрам тарафига қараб яшиндай оқиб, жўнади. Жон ширин нарса. «Ҳаялласам Балогардоң еб қўяди!»—деб ўтли, муэли тоғлардан кўз юмиб очгунча ўтиб бораётир. Бориб-бориб фалакка кўтарилиб кетди. Балогардон аввал-аввал ер осмонни кўриб бораётиб эди. Бориб-бориб ҳеч ер кўзига кўринмай кетди. Қоронғу губорда бораётгандай бўлиб кетаётири. Шундай бўп кетиб, Бало Балогардонга бу сўзларни айтиб бораётири:

Азаматлар олмос олар дастига,  
Фаним тушар кам давлатнинг қасдига,  
Балогардон, дўстим, миндинг устима,  
Дунё олам оёғингнинг остига.

Кўзингни оч, томоша қил оламни,  
Боғбон бўлсанг қизил гуллар терилар,  
Ўн саккиз минг иқлим бари кўринар,  
Томоша қиб аллагин сайри баҳор,  
Бу дўстингнинг шундай хизматлари бор,  
Албатта дунёдан бўлма бехабар.

Балогардон, кўқдан эниб келгансан,  
Осмоннинг устида кезиб юргансан,  
Ер юзида не борини билмайсан,  
Кўзингни оч, томоша қил оламга.

Бу сўзни айтиб Бало кетиб боради,  
Не тоғлардан ошиб ўтиб боради.  
Балогардон кўзин очиб қаради.  
Ер юзидан ҳеч бир нишон кўрмади,  
Жафо тифи бугун жондан ўтади,  
Осмонда юлдузга етиб боради.  
Балогардон яна кўзин юмади.

Бало учиб бунда дарёдай тошди.  
Бир нафасда тўқсон тоғлардан ошди,  
Қўйилиб бир тепа устига тушди.

Балонинг кўнглига шумлик келди. Бало туриб айтди:  
«Шу Балогардонман деб устимга миниб олди. Ўлтириши бўш кўринади. Мабодо одамзод бўлмасин, мен бир

сўраб кўрайин» деб Балогардонга айтди:— Балогардон дўстим, устимдан тушгин. Балогардон тушди. Бало дўстим, устимдан тушгин. Балогардон тушди. Балогардон кўзингни очиб дунёда нима кўрдинг? Балогардон учдим, кўзингни очиб қараганим йўқ, бир айтди:— Мен кўзимни кўп очиб қараганим йўқ, бир марта очиб қарадим, ер осмонни кўрмадим, қаер эканни билмадим. Бир ер тахиядай бўлиб қорайиб турибди. Ундан бўлак ерни сув босиб турибди. Шундан бошқа нарса кўрмадим.

Бало туриб айтди:— Сенинг ўтиришинг бўш кўринганидан, одамзодмикансан деб эдим. Қани, осмондан тушган уч Балогардон эдик деганинг? Осмон баланд, осмондан тушиб келаётгандা бу тоғлар, бу чўллар, очиқ ер, эллар кўринмайди, тахиядай бўлиб қорайиб Кўйитирнинг тоғи кўринади, мамлакатни босиб турган сув кўринади, ундан бошқа нарса кўринмайди. У Кўйитиртоғини, мамлакатни босиб турган сувни осмондан тушиб келаётгандা кўрганинг йўқмиди?

Балогардон туриб айтди:— Биз осмонда юрган вақтимизда ернинг ҳайбати ёмон бўлади,— деб эшишиб эдик. Осмондан тушарда учовимиз ҳам кўзимизни юмиб тушиб эдик. Улар молларга, жондорга кетган вақтда мен Балонинг қишлоғига қайси йўл борар экан, деб ўйлаб турган вақтимда худо ризқимга сени етизган эди. Ўлагар, агар бурун сени емасам ҳам энди ейман, деб буйиридан ола кетди. Шунда Балонинг хаёли қочиб, нашаси учиб бу ўйидан наф топмай, Балогардонга миннатдорчилик қилиб, бу сўзни айтиб турган экан:

Уз элимда шоҳнинг ғамин еб эдим,  
Кулгиликка, дўстим, ҳазил қиб эдим.  
Ҳазилимни чинга олиб ўлтирма,  
Шўхлик гаплар кечиб менинг кўнглима,  
Мундай сўзлар хўб эмасди шаънингга,  
Дўстим Балогардон, мингин устима.

Бунинг учун, дўстим, кўнглинг бўлмагин,  
Яхшилик кўр, ёмонликни кўрмагин,  
Мард бўлсанг, номарднинг ишин қилмагин,  
Ҳазил гапни чинга олиб турмагин.

Юр, жўнайик боғи Эрам юртига,  
Миниб олгин бу дўстингнинг устига,  
Яқин қолди Эрамнинг мамлакати,  
Ўлдирма, дўстингнинг кўпdir хизмати.

Бало шундай билмаганин билдириб,  
Алдаб ётириб бу сўзига кўндириб,  
Дўстим хаёл қилма, орқамга мингин,  
Эрам боғда пари хизматин кўргин,  
Бориб париларман бирга ўлтиргин,  
Миннатдор бўл энди дўстин кўндириди,  
Алдаб-сулдаб боз устига миндириди.

Жафолар солганди тандаги жонга,  
Хазон бўлса зоғлар қўнар гулшанга,  
Ажали касратки тегар илонга,  
Индан чиқиб пишак билан ҳазиллар,  
Магар ажал қамсаб келса сичқонга  
Бало кўтарилиди энди осмонга.

Ўйлаган ўйидан пушаймон қилиб,  
Ўз ўйида бир ўлимдан қутулиб,  
Шундай бўп осмонда кетиб боради,  
Балогардон ҳар тарафга қаради.

Баланд эмас, пастлаб учиб боради.  
Ер юзида мамлакатни кўради.  
Кўрган билан қай ерлигин билмади.

Шунда Эрам ярқиллаб кўрина берди. Бояи Эрам  
кўрингандан кейин Бало Балогардонга кўрсатиб бораёт-  
тири:

Боғбон бўлса боғининг гули терилиди.  
Ярашиққа зар кокиллар ўрилиди,  
Ярқиллаб Эрамнинг бояи кўринди.

Фам тортганда Чамбил элни кўччоги,  
Ярқиллаб кўринган Эрам чарбояи,

Бошдан тойган Гўрўғлининг давлати,  
Эрам боққа ўлжака бўлган Фироти,  
Сабил бўлди унда марднинг кирдори,  
Эрам боққа келган Гўрўғли ёри.

Гўрўғлига ҳазил қилди қиёмат,  
Бўлар Эрам боғда соғу саломат,  
Гўрўғли Чамбильда фурбатда қолди,  
Бурунги жойини парилар олди,  
Оға Юнус келиб ҳам эга бўлди,  
Хизматкор қизлари йиғилиб келди,  
Буларнинг ишлари шундайин бўлди.

Бало чоррача йўл устига қўйилиб тушиди. Бало ту-  
риб айтди:— Мана, Балогардон дўстим, Эрам боққа уч-  
тош йўл қолди. Мана бу йўл билан борсанг, бояи Эрам  
борасан. Мана бу йўл билан борсанг, Кўйинқоф бора-  
сан. Ана бу йўл билан борсанг, Балонинг қишлоғи —  
бизнинг қишлоққа борасан. Бизнинг қишлоқ ҳам катта  
қишлоқ. Сен осмондан тушган оч Балогардонсан, мен  
сенни қишлоққа кўтариб борарман, сен элни бир четдан  
тушиб ея берарсан, қолган битта-яримтаси биздан  
гина қиласар:— Ажабтовур обод қишлоқ эди, қайси гўр-  
дан бир оч Балогардонни кўтариб келдинг, у ҳамма-  
нинг бошига етди,— деб юрап. Мен кўрсатиб юборайин,  
дўстим, ўзинг бориб ея бер.

Бу сўзни айтиб, Балогардоннинг олдидан тарса ту-  
риб қочди. Балогардон югуриб бориб уни тутди. Бало  
аланглаб:— Дўстим, нима қиласан? — деди. Балогардон  
айти:— Менинг эртанги овимсан, аввал сени ейман,  
қаёққа борсам сўнgra бораман.

Шунда Бало қўлтиғидан бир тола қил юлиб берди.  
Сўнgra Балогардон унга жавоб берди. Балогардондан  
қутулдим деб Бало қочиб, кун чиқишига ўтиб кетди.  
Балодан қутулдим деб Авазхон Эрам боққа қараб  
кетди.

Бояи Эрамга қараб пойи-пиёда бораётир эди, ногоҳ  
йўл устида, олдидан бир чолдевор кўринди. Бу чолде-  
ворда бирорнинг инграган довуши чиққандай бўлди. Бу  
нима воқеа экан, деб бурилиб борди. Йўлдан чиқиб  
борса Фиротни, Юнус, Мисқол париларни олиб келган  
Гаждумхон икки кўзи кўр бўлиб, шу чолдеворда ётиб-  
ди. Булар бу ерга келгайдан кейин, парилар қилган  
ишларига афсус еб, пушаймон бўлган эдилар:— Биз  
ҳарчанд бўлса аёлмиз. Биз аёллик қилиб, Гўрўғлидай  
одамни қадрига етмай, шундай одамни ерга қаратиб  
келдик. Биз бу келишимизга кўп пушаймон қилдик.  
Сен эркак бўлиб, Гўрўғлининг шунча вақт тузини еб,  
тузини ҳурмат қилиб, бирор марта ҳам бормайман  
деб, бизни қайтармадинг. Энди бояи Эрам келиб, бояи  
Эрамдан сенинг олган паризодинг шу,— деб икки кўзи-  
ни ўйиб, йўл устида бир чолдеворга ташлаб қўйиб эди.  
Овқатига бир кечак-бир кундузда бир бозори кулча бе-  
рар эди. Яна ҳар замон буюрарди, қанча қизлар ке-  
либ:— Бояи Эрамдан паризод қизларни оламан деб  
келган экансан, сен оладиган қизлар келди,— деб шўх-  
лик қилиб, садир тепгандай устига чиқиб телиб ташвиш  
берар эди. Авазхон шу аҳволда ётган Гаждумхонни

кўриб, унга қараб, Фиротини сўраб бир сўз деб туриди:

Давлатимдан шоли-шолдам ўрайман,  
Кечакўрган тушни кундуз сўрайман,  
Гул тарзи сарғайиб сенга қарайман,  
Қаерга ташладинг Фиркўк отимни?  
Сабил қилиб келдинг мамлакатимни,  
Қасофати, Фиротимни сўрайман.

Қани, Эрам боғда роҳат кўрганинг?  
Қани, Эрам боғдан пари олганинг?  
Қани, бу ерларда макон солганинг?  
Пари олиб шулми даврон сурганинг,  
Бурнингдан чиқиби унда кўрганинг,  
Қасофати, Фиротимни сўрайман,

Жафо тортиб мана<sup>1</sup> фони дунёда,  
Ўйласам аламим бўлиб зиёда,  
Чамбил элдан чиқдим пойи-пиёда,  
Қасофати, Фиротимни сўрайман,

Бемаҳалда миндинг Фиркўк отимни,  
Излаб келдинг боғи Эрам юртими,  
Эрам боғдан сен олибсан хотинни,  
Ҳар на заҳар-заққум бўлса ют энди,  
Қайда қолди, от дарагин айт энди?

Сен ўликнинг бири бўлиб қолибсан,  
Гўрўғли тузига қарши келибсан,  
Аҳмоқ бўлиб бедовимни олибсан,  
Гўрўғини оша сарсон қилибсан,  
Келиб сарғайиби сенинг юзларинг,  
Андай бўп ўйилган нарғиз кўзларинг,  
Эсингга келмайин еган тузларинг,  
Қани Эрам боғдан хотин олганинг?

Аҳмоқ хаёл билан отни миндингми?  
Эрам боғда бу жафони кўрдингми?  
Ёки қизлар билан ўйнаб-кулдингми?

Гаждумхон Чамбильда Авазни жияним деб, Аваз буни тоғам деб юрарди. Гаждумхон Авазхондан бу сўзларни эшишиб:— Сенинг сўзларинг Авазга ўхшайди,— деб бу сўзни айтиб туриди:

Тўтиё айлайин кўрсам изингди(ни),  
Авазга менгзадим сенинг сўзингди(ни)  
Паризодлар ўйди нарғиз кўзимди(ни),  
Мен йифлайман, энди ўлим лозимди(р).

Аваз бўлсанг, сен билдиргин ўзингни,  
Чамбильда кўп едим сенинг тузингни,  
Аваз бўлсанг, Чамбил элдан бер хабар,  
Мени билгин, йўлдан урди парилар,  
Мен билмадим паризодлар ишини,  
Шундай фалак урса бўлар кишини,  
Гангитанди Гаждумхоннинг бошини,  
Кўзидан тўқади селоб ёшини.  
Бу аҳволга қўймас мени парилар,  
Мен бўлганман париларга гуноҳкор,  
Ҳар кун келиб тепкилади кўп қизлар,  
Аваз бўлсанг, Чамбил элдан бер хабар.

Билмайман, Чамбильда қандай гап бўлди?  
Мени йўлдан уриб Эрамга келди.  
Кўрган аҳволларим менинг шу бўлди,  
Аваз бўлсанг, Чамбил элдан бер хабар.

Сенинг Аваз эканингни билайин,  
Оёғингнинг остида мен ўлайин,  
Бундай бўлиб бу ерларда қолмайин,  
Аваз бўлсанг, об кет Чамбил юртига,  
Одамзоднинг юрган мамлакатига.

Қайтайин, тақдирим бу ерга тортиб,  
Боғи Эрам дейди, кулфатим ортиб,  
Паризод ташлади мени хор этиб,  
Аваз бўлсанг, Чамбил элдан бер хабар.

Бу сўзни эшишиб, Авазхон Гаждумхонга ўзини билдириб:— Билсанг, ўзга әмас, Авазман,— деб бир сўз айтиб туриди:

Бизлар кўрдик Қисакўзнинг зўрини,  
Уч йил кеп қамади Чамбил элини,  
Хон Гўрўғли чиқиб қирди барини,  
Улжа қилиб олдик молу зарини,  
Қалқонлашиб тилда бўлган Авазхон.

Бир куни бир қизнинг ситами ўтди,  
Араз уриб мен ҳам Чамбильдан кетдим,  
Хунхор давлатига бир куни ётдим.

<sup>1</sup> Мана — мен ҳам.

Хунхор олиб бизни зинданга солди,  
Неча кун оҳ тортиб зинданда ётдим,  
Бойқовулдан арза хатни жўнатдим,  
Чамбийл элга арза берган Авазман.  
Қирқ кун ҳам Хунхорнинг муҳлати битди,  
Хунхор бизни ҳайдаб дорига элтди.  
Қирқ йигити билан отам борибди,  
Дор остида қон тўкишиб қолибди.  
Отамиз Хунхорга ғолиб келибди,  
Ул душманлар, ебир-есир бўлибди,  
Ўлжа қилиб кўп дунёни олибди.

Бир куни у ердан қайтмоқ бўлибди.  
Хунхор шоҳга ўз юртини берибди,  
Борган одам бари омон келибди.  
Отамнинг хизмати шундай бўлибди,  
Чамбийл келиб бунда ўлжани бўлибди,  
Борган беклар бу ўлжадан олибди,  
Гуржистонни ўлжа қилган Авазман.

Ана энди Гаждумхон Аваз эканини билди, бу ишлар бўлгандা, ўзи аралашиб юрган.— Энди мени қайтасан, жияним?— деб турган.

Шунда Авазхон:— Энди қайтайин<sup>1</sup> сени, бундан баттар бўл, тоза ўл, сендан қайтарда хабар оламан,— деб ўтаверди.

Аваз бораётиб эди, катта бир қизил равот бор эди. Равотнинг ичидаги нарса айиқдай чинқириб туриб кетди.— Бу қандай жондор экан,— деб Аваз қаради. Қараса бир кампир, кўзлари ўтдай, манглайи чўтдай, Аваз бурилинқираб қаради. Қараса, жағининг гўшти қочган, тос-тепасидан тарлон очган, жуда бурди кетган ноқулай кампир. У кампир Авазга келиб йўлиқди. Иккови ёш сўрашди. Аваз ўн саккизга чиқсан экан, кампир юқоридан турадиган тонг юлдузидан ўн тўрт ёш катта чиқди. Ёши шунчага кирса ҳам, алпинчоқда-салпинчоқ, таққани ўн олти қатор эшак мунчоқ, кўринган дарахтга ташвиш бериб, учгани ҳалинчак, арқони узилиб кетса чўнқайиб ўтириб қолади кўтканчак. Лекин ёши шунчага кирса ҳам кўнгли ўн тўрт яшар, дидирллаган келинчак. Авазни кўриб:— Болам, сен қайси мамлакатдан келаётисан, қаердан бўласан?— деб сўраб бир сўз айтиб турган экан:

Баҳорда очилган боғнинг гулисан,  
Чаманинг сайраган сен булбулисан,  
Тарзинг кўриб, мамлакатинг сўрайман,  
Қай шаҳарда, қайси бекнинг улисан?<sup>1</sup>

Жамолинг менгзадим осмонда ойга,  
Қошингни менгзайман, эгиљган ёйга,  
Жасадинг менгзайман бўз қарчифайга,  
Қарчифай чангаллим, кимнинг улисан?

Бино бўлдинг қайси гавҳар донадан,  
Сендаи ўғлон бино бўлмас энадан,  
Парвоз қилдинг қайси мазғил хонадан?  
Баландпарвоз, болам, қайдин келасан?

Шундай бўлди менга ҳақнинг фармони,  
Сени туққанларнинг борми армони,  
Наслинг одам десам, биҳишт ғилмони,  
Ғилмонсифат ўғлим, қайдин бўласан?

Болам эшиш, менинг айтган додимни,  
Менга хабар бергин, мамлакатингни,  
Нима дейди ўйнаб-ўсган юртингни,  
Ростин айтгин, қўзим, қайдин бўласан?

Утар дунё ўтарини ўйлама,  
Рост гапир, жон болам, ёлғон сўйлама,  
Рост гапирмай бу момангни қийнама,  
Хабар бергин, болам, қайдин бўласан?

Айта бер тортинмай ўсган юртингни,  
Мен сўрадим энди сенинг отингни,  
Қай шаҳарда қолган ул авлодингни,  
Хабар бергин, болам, қайдин бўласан?

Авазхон бу сўзни эшитиб, кўрди, ҳаддили зўр кампир, агар душман бўлса, бунинг кўнглидагини билиб бўлмас, бунга рост гапирмайин,— деб Аваз бу сўзни айтиб турган экан:

Жоним мома, бу тарзима қарама,  
Беклик давлатини мендан сўрама,  
Фам билан сарғайди гулдайин дийдор,  
Бир нечалар ўз ҳолидан бехабар,

<sup>1</sup> Қайтайин — нима қиласан.

<sup>1</sup> Қайтайин — нима қиласан.

Мендей гадо қаландарда нима бор,  
Мамлакатни, мома, мендан сўрама,  
Бемакон, бенаво ўзим қаландар,  
Юрт устида юрган ўзим дарбадар,  
Таркидунё қилдим, ватан на даркор,  
Назирингни чиқариб бер муштипар,  
Мени билсанг, Каъба талаб қаландар.  
Неча шаҳарларни юриб кўраман,  
Кўп шаҳарда гадойликни қиласман,  
Шайдулло деб мағилингда тураман,  
Назир берсанг, мома, дуо қиласман.

Ростин десам, ҳажга кетиб бораман,  
Ихлос қилсанг мен ҳам қўллаб оламан,  
Таркидунё бўлдим, қаландар бўлдим,  
Жаҳонни сайл этиб мен ҳам кўп юрдим.  
Шиҳоатли сендей момани кўрдим.  
Кетсин бошимиздан қоронги туман.  
Назирингни чиқариб бер, момажон.  
Қаландарни тўхтатмагин бу замон,  
Мени билсанг, Каъба кетиб бораман.

Кампир Аваздан бу сўзни эшитиб, унга қараб:—  
**Ўғлим, Фирқўк отинг, Юнус, Мисқол паризодинг боғи**  
Эрамга келгандан бери отанг билан икковинг девоначи-  
ликка чиқадиган бўлдингларми? Ё илгари ҳам девона-  
чилик касбларинг бормиди?— деди.

Аваз айтди:— Мома, мени сиз ким деб турибсиз?  
— Сен ким бўлмоқчи эдинг, Чамбилдаги Авазсанда.

— Аваз деб янги сизнинг оғзингиздан эшитдим. Гўр-  
ўғли, Аваз ким бўлади? Дунёни кезиб, қаландарчилик  
қилиб, бундай одамлар менинг қулоғимга теккан эмас.  
Аваз деб гумон қилиб бир гадони ўлдирив қўйма,—  
деб Аваз бир-икки оғиз сўз айтиб турибди:

Жоним мома, сен галирма гумонди(ни),  
Гумон савдо ҳар нарсадан ёмонди(r),  
Гумон сўйлаб бой бермагин имонди(ни),  
Аваз деб сен қизил юзим сўлдирма,  
Ханжар уриб, бағрим қонга тўлдирма,  
Аваз деб сен бир гадони ўлдирма.

Бир нечук номардга кўнгил бермагин.  
Яхшилик кўр, ёмонликни кўрмагин,  
Кўп яшагин, кўп йилгача ўлмагин,  
Аваз деб, мендан гумон қилмагин.

Танимайман Аваз деган кишини,  
Сен кесмагин қаландарнинг бошини,  
Бежо билдим сендей момам ишини,  
Ўлдирма, мендайин ғарип кишини.

Буни эшитиб кампир:  
— Мен Авазни яхши танимайман,— деб бир сўз айтиб  
турибди:

Кўзингдан тўққанинг селоб нур эди,  
Сифинганда қўллайдиган пир эди.  
Сенинг энанг Ойгулойим дер эди,  
Гуржистон шаҳрингда энанг бор эди.

Ер юзига тушмак бўлдинг, Авазжон,  
Қиндик эна бўла келган момангман,  
Гуржистонда мен парвариш қилганман,  
Булдуру қассоб отангни мен билганман,  
Мен сени парвариш қилиб юрганман.

Сенинг ёшинг етти ёшга кўрганда,  
Хунхор шоҳ қошида маҳрам бўлганда,  
Таърифинг Чамбилга сенинг борганда,  
Чамбил элдан хон Гўрўғли келганда,  
Ўз қўйингни ҳайдаб бозор солганда,  
Гўрўғли Қўнғирвой тоганг бўлганда,  
Хийла билан келиб сени олганда,  
Сенман..бирга Чамбил борган момангман.

Чамбил бориб мусофирилик қилганда,  
Юнус, Мисқол парвариш қиб турганда,  
Сендей болам Фирқўк отни мингданда,  
От ўйнатиб Исфиҳонга борганда,  
Фиротни бошқариб йўлга кирганда,  
Эламас полвон этиб келганда,  
Арпа кўлда сени ёйман урганда,  
Ашурбек қўлида зиндан бўлганда,  
Тор зинданда бирга ётган момангман.

Соф-саломат ундан озод бўлганда,  
Яна қайтиб Чамбил элга келганда,  
Бувиш Интизорман ўйнаб-кулганда,  
Қундуз билан Юлдуз пойга бўлганда,  
Меҳнат тортиб, Қундузойга борганда,  
Отни қўшиб кўпнинг бири бўп турганда,

Оting ўзмай Шониёзминг отидан —  
Сендей болам маътал тортиб қолганда,  
Фиротингга қанот бўлган, момангман.

Ул пойгадан отинг ўзиб келганда,  
От ўзириб Қундузойни олганда,  
Шундан қайтиб Юлдуз тоққа келганда,  
Кўп душман йўлингни тўсиб турганда,  
Душманларман қон тўкишиб қолганда,  
Шу урушда ёри берган момангман.

Сендей болам ҳар қазога борганда,  
Ҳамиша ҳамдаминг бўлган момангман.

— Бу ҳамиша биз билан юрар экан, буни сира жўр-  
маймиз экан-да,— деб Авазхон туриб айтди:

— Мома, мен сизни бўлак одам экан деб туриб эдим,  
мен гапу авзойингиздан билдим, отамнинг ўқул<sup>1</sup> энаси  
сиз экансиз. Мен танимай, бўлак гапириб туриб эдим.  
Отам атайнана сизниги тайинлаб юборган эди. «Катта  
қизил равоти бор, дарвозаси қиблага қарайди, борсанг  
Фирот билан энангларни олиб бериб юборади», деб эди.  
Мен ўзим асли сизниги сўраб келар эдим, сизни ил-  
гари кўрганилардан ишонмай, гапириб туриб эдим.

Кампир айтди:— Ҳа, балли, ўғлим, отангнинг шу  
айтган ўқул энаси биз бўламиз. Сенинг баҳодирлик  
юришларинг Чамбила қолди, бу ерларни боғи Эрам  
чегараси дейди. Бу ерлардаги юзида юролмайсан. Агар  
ер юзида юрганингни кўрса, хабош-бебош юрган жон-  
дорлар кўп, ҳар қайсиси ҳам сенй чангалига олиб кетиб  
қолади. Агар боғи Эрам кирад бўлсанг, бизнинг ма-  
кондан лаҳм қазийсан, ернинг ости билан борасан.  
Боғи Эрамда, бир шиша ҳовуз бор, ҳар жума куни шу  
ҳовузда кўп қизлар келиб чўмилади. Қизлар шиша ҳо-  
вузга тушганда, шиша ҳовуз ларзага киргандай бўлади.  
Болта билан уриб юборсанг, қозоннинг оғзидаи ери  
ўйилади, сув сенга зиён қилмайди, такка қараб тортиб  
кетади, қум ер сингиб кетади. Шу қизларнинг ичидаги  
Оққиз, насиаси ўйқ нақ қиз, кўп узун эмас, ўрта бўйли  
чиқ қиз деган бир қиз бор. Ҳалиги ўйиққа тиқилиб қол-  
са, форда туриб сен тортиб олсанг, отинг билан энанг-  
нинг корини шу Оққиз қиласи. Юр, болам, маконимни  
сенга кўрсатай,— деб Авазни дарвозадан эргаштириб

жўнади. Ичкима-ички кириб кетди. Етти томдан ўткан-  
дан кейин кампирнинг макони етди. Борса, қирқ қу-  
лоқли қозонда мой қайнаб турибди. Кампир шундай бир  
мурватни буради, ўз оёғида турган тулки, шақаллар,  
ҳавода учуб юрган чурчикал, ғажирлар ўзи келиб қо-  
зонга тушиб пишаверди: Аваз буни кўриб: «Бу момам  
қотиб қолган қайсар экан»,— деди. Қозоннинг бошига  
боргандан кейин, Авазни пишириб егиси келаверди.  
Кампир айтди:

— Шу қозоннинг қулогига чиқиб, биздан илми ҳол  
ўргангин, бизнинг эллар сеҳргар, жодугар бўлади, сўнг-  
ра қарғаб юрмагин.

Аваз кампирдан бу сўзни эшишиб билди, кампирнинг  
кўнглига шумлик келди. Авазхон айтди:

— Мома, бизнинг элларда буни расм ҳам демайди,  
касб ҳам демайди. Сизнинг элда шу ўйинлар мўътабар  
бўлса, бизга ўйинни сиз таълим беринг, сиз устод бўл-  
сангиз, биз шогирд, сўнгра ўйинни биздан кўринг.

Кампир «хайр» деб Авазни онг фаҳмлаб, «Бул ёш  
бачча-да, буни айтганимга кўндиарман» деб:

— Болам сенга мен бир қиз бўлиб ўйнаб берай,—  
деди.

Момаси ўзига ора-тора бериб, жуда созланиб, қозон-  
нинг қулогига чиқди. Бели буқрайиб, қулоги тикрайиб:

— Ҳа, Авазжон, ана у сихак чўпни қўлингга олгин,  
менинг бўйиримга аста-аста туртиб қўйгин, сен ўйнаган-  
да мен аста-аста туроб<sup>1</sup> қўяман,— деди. Кампир  
кўнглида:— Менинг ғавбатим келганда Авазни қаттиқ  
туртиб, мойнинг ичига итариб юбораман, деди. Ана энди  
ўйин кўрсатиб тургани:

Баҳорда очилар гуллар,  
Ўйинидан берди хабар:  
— Жон болам, бўлгин хабардор,  
Боғда очилар гулгунчалар,  
Гулга ярашар нимчалар,  
Растада косиб баччалар,  
Билмас ишин бир нечалар;  
Таълим олгинbekваччалар,  
Меҳнат тортиб бунда келиб,  
Моманг сенга ўйин қилиб,  
Ўйин кўрсатар қиз бўлиб,  
Моманг қиз бўлди, қиз бўлди.

<sup>1</sup> Туроб — туртиб.

<sup>1</sup> Ўқула — тутинган.

Сихак чўпни қўлга олгин.  
Аста-аста турта қолгин,  
Қиз бўлганим болам, билгин,  
Моманг қиз бўлди, қиз бўлди.  
Чамбил юртдан бунда келиб,  
Кўп ерларда жафо кўриб,  
Моманг сенга устод бўлиб,  
Моманг қиз бўлди, қиз бўлди.  
Сенсан ул Чамбилинг хони,  
Отанг Чамбилинг султони.

Кўп жафони йўлда кўрдинг,  
Энам дединг, интиқ бўлдинг,  
Келиб менга дучор бўлдинг,  
Қиз бўлган ўйиним кўрдинг,  
Моманг қиз бўлди, қиз бўлди.

Англа энди бекбаччалар,  
Балки моманг, ойимчалар,  
Бу сенинг кўнглингга қарап,  
Сенга ўйин таълим берар,  
Моманг қиз бўлди, қиз бўлди.

Хаёлингни бошқа бўлма,  
Ёмонларга дучор бўлма,  
Омон бор, бу элда қолма,  
Сенинг ёру дўстинг борма?  
Моманг қиз бўлди, қиз бўлди.

Болам, сенинг кўнглинг хушлаб,  
Сихак чўпни қўлга ушлаб.  
Мана, қара, қадам ташлаб,  
Моманг қиз бўлди, қиз бўлди.  
Балки ўйиним бас бўлди,  
Таълим олсанг, кўнглинг тўлди.

Қарагин, болам, на бўлди.  
Рўмолим далгардон қўйиб,  
Сенга ўйин таълим бериб,  
Моманг қиз бўлди, қиз бўлди.

Кўринг шунда Авазхонни,  
Сихак чўпни қўлга олди.  
Фақир Аваз турта қолди,

Кампир сапчиб мойга тушди,  
Иссиқ ўтиб энди пишид.  
Кулиб қиз бўлди, қиз бўлди.

Аваз момасин ўйнатди,  
Куйиниб кампир жайнабди,  
Аваз туртди, мойга кетди,  
Энди ҳолин сўрамайди,  
Кампир кулиб пишиб ётди.

Энди ўлгандир,— деб Аваз қаради. Қараса, кулиб ётири.— Э, бу баччағар ўлмайди экан-да»,— деб кампирнинг ийифиб қўйган қуруқ ўтинлари кўп эди, судраб келиб қозоннинг остига «турди беги» қилиб қалай берди. Бирор майдон мойда қайнатди. Қараса, ҳали ҳам ўлмайди, «қиз бўлиб» кулиб ётиди,— энди буни қозондан олиб тепкилаб ўлдирмасам, бу айёр ўлмас деб ташқариға судраб олди. Бу кампирни булай-шулай тепкилаб кўрса, кулиб ётири деса, илгаридан пишиб, ўлиб, иржайиб кулиб ётган экан. Кампирни ўлдириб бир ерга ташлади. Кампирнинг ўз шумлиги бошига етиб, ҳеч иш қилмай ўлиб кетиб, энди Аваз саранжом олиб, кампирнинг алаҳа-анжомини топиб, дурбин кўриб, тўғрилаб, Эрам боққа кирмоқни ихтиёр қилди. Аваз айтди:— Бу кампир бағана<sup>1</sup> рост айтгандир, лекин шунинг айтгани рост, мен одамзод, ҳарчанд бўлса, энам паризод, ўзим ҳам биламан, одамзодга паризод дўстлик қилмайди, унинг жинси бошқа. У одамнинг тупроғидан ясалган йўқ ўзи. Агар кўнгли бошқа бўлган бўлса, унинг устига от ўйнатиб бори Эрам дарвозасидан кириб боргундай менинг қадимги от, яроғ-асбобим бўлмаса, пиёда кишининг нимага қурби келади. Илгаридан қолган нақл бор: «Отлининг ризқи олтов, тuya минганга тўртлов, эшакликка икков, пиёдага ҳеч» деган, пиёданинг шунча ҳурмати бўлар экан,— деб ғор қазимоқнинг ҳаракатидан бўлди:

Аваз диққат бўлди бағрини эзиб,  
Қаттиқ кунда энди кўнглини бузиб,  
Фарҳоддай бўп, мунда ер қазиб.  
Гоҳ вақтларда Аваз кўнглини хушлар,  
Бўшатган тупроғин чиқариб ташлар.  
Ҳеч билмайди қандай бўлар бу ишлар.

<sup>1</sup> Бағана — боя.

Таваккал том қилиб Аваз боради,  
Оқшом-кундуз билан иши бўлмади,  
Кечакундуз горни қазиб жўнади,  
Шундай бўлди бунда Авазнинг иши,  
Буни танийдиган йўқди ҳеч киши.

Боғ оралаб қизил гуллар терсам деб,  
Момам айтган насиҳатин билсам деб,  
Қани мен ҳам Эрам боқقا кирсам деб,  
Шиша ҳовуз тагига бориб турсам деб,  
Хабар берган Оққизойни кўрсам деб,  
Аҳволим гапириб унга кўрсам деб.

Мен билмайман не сўз чиқар тилидан,  
Айтган сўзим кела қолса қўлидан,  
Хабар олса мендай мардинг ҳолидан.  
Аваз чечан гапни гапга улади,  
Ҳар замон тўғрилаб дурбин кўради,  
Ер остидан лаҳм қазиб боради,  
Таваккални бир облога қилади.

Ҳориб-чарчаб Аваз ер қазиб ётди,  
Билмайди неча кун орадан ўтди,  
Бир куни ҳовузнинг тагига етди.  
Жума, душанбани Аваз билмайди,  
Ҳовузнинг тагига тиклаб ётибди.

Шунда Оға Юнус кўп қизлар билан ҳовузнинг бўйига келди, қизлар ҳовузга тушмоққа ҳаракат қила берди. Оға Юнус у қизларга қараб икки сўз гапириб турган ери:

Қокилларинг ешилганди тол-тол,  
Ҳар толига берса етмас дунё мол,  
Бу сўзга, паризод қизлар, қулоқ сол,  
Душман келиб бизни қилмасин поймол.

Чечиниб бундайин чаққон бўлманглар,  
Менинг айтган сўзим ҳазил билманглар,  
Зинҳор қўйинг, шиша ҳовузга кирманглар.

Очилар баҳорда боғнинг бодоми,  
Бу ерга етмасин одам қадами,  
Сўз айтиб йиғлайман сизларга зор-зор,  
Тушмагин, тортилиб тургин, кўп қизлар.

Хазон бўлса боғнинг гули сўлади,  
Шиша ҳовуздан одам иси келади,  
Одам бўлса, қаттиқ ишлар бўлади,  
Сўлган гулга келиб булбул қўнади.

Яна баҳор бўлса очилар гуллар,  
Ҳар гулнинг ишқида сайрап булбуллар,  
Булутлар маст бўлса, чалқииди кўллар,  
Санам қизлар, шиша ҳовузга кирманглар.

Бизнинг пайимизда бирор бўлмасин,  
Олис йўлдан меҳнат тортиб келмасин,  
Ҳовузнинг тагига пойлаб турмасин,  
Қайтинг қизлар, шиша ҳовузга кирманглар.

Чечинмайин, кийинг либосларингди,  
Душман бўлса, забун қилар ҳолингни,  
Қайтиб бориб қилгин ўйинларингни,  
Паризодман, киргизмайман барингни,

Санам қизлар, шиша ҳовузга кирманглар.  
Оға Юнус сенга айтар насиҳат,  
Яна ҳам босмасин бунда фалокат,  
Агар одам бўлса бўлар аросат,  
Юр мазгилга, бирга-бирга борайлик.

Ўзга қизлар бу сўзни Оға Юнусдан эшишиб:— Сенинг Гўрўғлининг қўйинидан чиққанингга олти ой ўтгани йўқ, сендан одамнинг иси кетгани йўқ, бизга билинмайди. Бизнинг хәёлимизни бўлма, бекор сўзларни бизга лофт урма,— деб ҳар нима бор либосини ечиб ташлаб, кўп қизлар дирдай, қирдай бўлиб, баданлари оппоқ қордай бўлиб, ҳовузга ташлай берди.

Шул вақтда ҳовузда қизлар ўз машғулотида молтиб, қолқиб, чўмилиб ётиб эди, шиша ҳовуз шиқирлаб, ларзага келгандай бўлди, Авазхон ҳовузнинг тагига кунни кўрмай, ҳеч нимани билмай ётиб эди. Ҳовузнинг шиқирлаганин билиб: «Қизлар ҳовузга кирган ўҳшайди, кел, таваккални қилайин, шиша ҳовузни болта билан урайин, ё буд бўлар, ё побуд бўлар, тақдирдагини кўрайин» деб болта билан шиша ҳовузни урди, қозоннинг оғзидаи ер ўйилди. Сув гумбурлаб такка қараб тортиб кетди, қум ер, сингиб кетиб, Авазга зиён қилмади. Тор ерда гарқ бўлиб кетаманни деб туриб эди, зиён

қилмагандан кейин:— Энди иш осон бўлди, ҳовузниаг ичидан чиқиб қарай бераман,— деб туриб эди, бир Оққиз деган қиз сув билан аралашиб келиб, ўйиққа тиқилиб қолди. Авазхон:— Бир ўзим эдим худой берди,— деб оёғидан ушлаб олди. Форда туриб олдига тортиб олди. Аваз бу қизнинг жақадига қаради. Сувдан чиқолди. Шамакдай бўлиб турибди. Аваз кўрди, дуруст боқан шамакдай бўлиб турибди. Аваз кўрди, дуруст боқан шамакдай бўлиб турибди. Ирқи олмадай жуда пишган, зулфлари лага ўхшайди. Йирқи ҳамма у дунёга ўлик кетса, Оқпари тирик кетди,— деб бораётиби.— Ҳамма у дунёга ўлик кетса, Оқпари тирик кетди,— деб бораётиби.— Оққизни ер ютди,— деб энтикишиб, куйиб-пишиб, кўшк-айвонга бориб, бир-бирини елпиб, бу қандай аломат бўлди?— дейишиб ётиби.— Бу ишга одам ҳайрон қолди, кўп бир аломат бўлди. Оға Юнуснинг айттани келди,— деб ўтири.

Энди Оққиз ернинг остига тушиб, ақли шошиб, не вақтда дамини ростлаб, хаёлини пешлаб, Авазни кўрди. Аваз ҳам ёши ўн саккиз-йигирмага боргандай, жамоли қоронғи кечани ёруғ қилиб тургандай. Буни кўриб, Оққиз: «бу ишимдан фойда қиласармиканман деб, бу ерга қандай келган одамсан?— деб сўраб тургани»:

Менга теккан эранларнинг назари,  
Ҳаргизи йўқ ота билмас безори.  
Ер остига нечук тушган гузаринг,  
Одаммисан, паримисан хабар бер?  
Бу ўлкага нечук тушган гузаринг?  
Ошиқнинг фаҳмидир қоронғи кеча,  
Юришингни билмас сени бир неча,  
Тарзингга қарайман, лочин бекбачча,  
Бизнинг билан ўйнаб-кулсанг бир кеча,  
Сенинг хизматингни қилсан ўлгунча.

Бегижон, эшиткин менинг сўзимни,  
Одаммисан, менга билдири ўзингни.  
Хафа қилма мендай сарви-нозингни,  
Қулоқча тут, менинг айтган сўзимни.

Сендан савол сўрар гул юзли дилбар,  
Мазгил жойинг қайдা, давлатли шунқор?  
Хуснинг кўриб сенга бўлдим харидор,  
Одам ўғли бундай хушрўй бўларми?

Тақдир тортиб менга дучор келарми?  
Аччиқланиб гул тарзимга қарама  
Худо лойиқ кўрган сендай тўрама?

Қаерларда ўйнаб-ўсган элатинг?  
Жафо чекиб, кўпдир сенинг меҳнатинг,  
Ким бўлади, хабар бергин авлодинг?  
Остингда йўқ экан миннекка отинг,  
Қайси шаҳар сўраган мамлакатинг?  
Сиру ҳолинг билдири менга, бекзодим?  
Сендан савол сўрар гул юзли дилбар,  
Савол қилдим ҳам индамай турдинг,  
Мендайин жононнинг жамолин кўрдинг,  
Дунё жафосига сен ҳам кўп юрдинг,  
Хабар бер, хонзодим, қайдан бўласан?

Авазхон Оққиздан бу сўзларни эшитиб, ўзини билдириди, ҳалиги ўзи ўлдирган момадан эшитиб эди:— Шу Оққиз деган қиз дучор келса, ишинг ўнг бўлар, энанг билан отингнинг корини шу қилар,— деб эди. Энди Аваз:— Кўнглимда борини бунга гапирайин,— деб икки оғиз сўз айтиб туриби:

Кўнглимда борини сенга билдириб,  
Хол бўлсин деб оқ юзингни тилдириб,  
Хафа қилмай сен дилбарни кулдириб,  
Бошдан ўтган кулфатимни билдириб,  
Кўрган аҳволимни баён айлайин.

Не кўриб, кечириб, манов дунёда,  
Кўп юриб аламим бўлди зиёда,  
Сувсиз кўп чўлларда юрдим пиёда,  
Ҳарна ўтганини баён айлайин.

Бир гап билан чиқиб Чамбил элимдан,  
Душман қирқиб чиқолмаган ўйлимдан,  
Ҳазар этмай ноҳақ келган ўлимдан,  
Аччиғлансан, ҳар иш келар қўлимдан  
Чиқиб келдим мен ҳам Чамбил элимдан.

Ҳозир ўзим бунда келдим саргардон,  
Чамбилнинг элида сурардим даврон,  
Олмос пўлат белда, эгнимда қалқон.  
Гўрўғли ўглиман, отим Авазхон.  
Бу ерларга бўлиб келдим саргардон,

Бу жароҳат жигар-бағримни тузлаб.  
Гоҳ ерләрда кетдим бўтадай бўзлаб,  
Энам билан бунда отимни излаб,  
Эрам боққа йўқчи бўлиб келдим мен.

Кимни қўрсам қушдай бўйлаб қарайман,  
От дарагин ҳар ерлардан сўрайман.  
Эрам боққа йўқчи бўлиб келдим ман.  
Сўзимни фахмлагин, гул юзли жонон,  
Отим дедим, жафо тортиб кўп замон,  
Мендан мардга хизмат қилсанг бўйингдан.

Яна қайтиб кўраманми юртимни,  
Сен қўлга киргизсанг, Фиркўк отимни,  
Сенинг билан ўлтириш хўп суҳбатимди(р),  
Кўндиранг энамдай паризодимни.

Гўрўғли отамни андайин доғлаб,  
Мен келганман шу ишларни сўроқлаб,  
Англа, эшиш, менинг айтган тилимдан,  
Паризодсан, келарми шу иш қўллингдан?  
Агар келса хабар олгин ҳолимдан,  
Қайтмагин, ойимхон, тўғри йўлингдан.

Кўп йиғладим, кеча-кундуз дод-дод,  
Гоҳ ерларда бирорларни этиб ёд,  
Хизмат қилиб менинг кўнглим айла шод,  
Менинг билан даврон сургин, паризод!

Хизмат ўрин бўлса, сени биламан,  
Сени ҳам Чамбилга олиб бораман.  
Сен билан Чамбилда даврон сураман,  
Чамбил борсанг, сенмақ ўйнаб куламан.

Паризод; сен менинг кўнглим хушлагин,  
Кўнглингда гинангни кейин ташлагин,  
Ўйлаб туриб яхши йўлга бошлагин!

Қабул қилгин баён этган сўзимни,  
Чамбилбелдан келган хон Авазингни,  
Қўлга келтир менинг асиб тозимни.

Кўздан тўкиб бунда селоб ёшимни,  
Қўлимдан қочириб асиб қушимни.  
От кетиб, олдирдим ақли ҳушимни,  
Гангитиб чўлларда қанча бошимни.

Хизмат қилсанг, битир менинг ѹшимни,  
Хафа қилма, кулдир мендай кишингни,  
Чамбил олиб кетай гул бувишимни,  
Сен билан Чамбилда ўтиришимди(р).

Оққиз Аваздан бу сўзни эшишиб, «ғам ема» деб  
Авазга қараб бир сўз айтиб турибди:

Майдон бўлса бедов отлар чопилар,  
Терлаб келса, банот жуллар ёпилар,  
Ғам ема, бегижон, йўғинг топилар.

Миндиарман сени Фиркўк отингга,  
Омон-эсон боргин Чамбил юртингга,  
Қойил қолгин сен менинг хизматимга,  
Эга бўлгин доим мамлакатингга.

Қозининг олдида шабгири нойиби,  
Омон бўлиб боргин, юртинг соҳиби,  
Сенга қурбон мендай ойимнинг жони.  
Обод бўлар сендай марднинг макони,  
Бунда ким билади, Чамбилнинг хони.

Отим деб сен кўп интиқ бўласан,  
Камликнинг камолин ахир кўрасан,  
Мендан ойим билан даврон сурасан,  
Бегижон, хизматим менинг биласан.

Сўнгра қойил қолгин менинг ишима,  
Олис бўлмай яқинлаб тур қошима,  
Қўл солиб ўйнагин қордай тўшима,  
Сўнгра қойил бўлгин қилган ишима.

Отлантирасам, бундан сендай бекзодни,  
Бойласам белингга кескир пўлатни,  
Душман кўрсанг, қилгин сен ҳам ғайратни,  
Томоша қил, Эрамдай мамлакатни.

Ажойиб, гаройиб Эрамнинг боғи,  
Бу гулистон париларнинг чорбоғи,  
Кўрганнинг қолмайди юракда доғи.  
Ажаб гулистондир бошдан-оёғи.

Қизлар юрар даста-даста,  
Ҳаммаси бир барваста,

Кўрмакка одам ҳавасда,  
Кўрган одам бўлмас хаста,  
Ажойиб гулистон Эрам чорбоғи.

Бу ерларни хўп томоша қиласан,  
Нор кесар олмосни белга чаларсан,  
Отланганда Кўйиқофни кўрарсан,  
Душман кўрсанг шўриш-ғавғо соларсан.

Кўп душман йўлиқса, танҳо борарсан,  
Неча кунлар Эрамбоғда турарсан,  
Бир куни юртингга қайтмоқ бўларсан,  
Агар қайтсанг, олиб кетгин, бегижон.

Қулоқ сол, бегвачча, айтган додима,  
Кўнглинг борми, мендай паризодингга?  
Сен мени миндирсанг бедов отингга,  
Мени олиб борсанг мамлакатингга,  
Кўнглинг тўлса менинг бу хизматима.

Хазон қилма тар очилган гулларни,  
Ташлаб кетиб хафа қилма дилбарни,  
Мен ҳам кўрай одам юрган элларни,  
Одамзоднинг шаҳри қандай бўлади.  
Кўрмакка паризод ҳавас қилади,  
Эрам боғда умрим ўтиб боради,  
Сиздай хоним менга дучор келади.  
Кўнглим сенинг юртинг ҳавас қилади,  
Олиб кет, бегвачча, мамлакатингга.

Бу сўзларни мен энангга билдириб,  
Беўрин ишингни сенга кўндириб,  
Хафа қилмай сени мунда кулдириб,  
Паризод энангни қашлаб кўндириб,  
Олиб кетгин мени Чамбил юртингга.

Паризодлар ўйин-кулги қилади,  
Сиздан қолмас, мендай ойим боради.  
Бориб кўрай, Чамбил қандай бўлади,  
Чамбил юртни Оққиз ҳавас қилади,  
Олиб кетгин мени Чамбил юртингга.

Авазхон Оққиздан бу сўзни эшитиб:  
— Ҳа паризод, шу ишимни ўрин қиласанг, Фирот би-  
лан энамни қўлга келтирсанг, мен сени олайин, Чам-

билга ҳам бирга олиб борайин,— деди. Унда Оққиз ту-  
риб айтди:

— Мен бу ишни ўрин қиласман, сенинг оларингга  
менинг кўзим етмай туребди, яқин турмай олис тур-  
сан, агар олис турмай яқин турсанг, бўлак дахл қил-  
масанг ҳам, ҳеч бўлмаса ҳам муччи-қучоқ олсанг, одам-  
нинг кўнгли якдила бўлиб, ширинкома қилиб, барака  
қилгандай бўлади,— деди. Бу сўзни эшитиб Аваз:  
Хайр, яқинлаб турайнин, шу хизматни ўрин қиласа деб,  
яқинлаб бориб, муччи-қучоқ олиб, иккови аҳли ваъданни  
қилиб фордан чиқариб юборди. Шунда паризодлар ўз  
мазгилида сухбат қуриб ўтириб эди:— Ҳамма у дунёга  
ўлик кетса, Оққиз тирик кетди,— деб турган вақтида  
Оққиз кулиб кириб борди. Ҳаммаси буни кўриб, шод-  
хуррам бўлиб, кийим-либосларини бериб, кийимини ки-  
йиб, ҳусни камолга қандай баҳтиёр бўлди деб, бўлак-  
дан ҳаммаси кўришиб-сўрашиб:— Сен қаерга бординг,  
қандай ишлар кўрдинг?— деб сўрашиб турди:

Оққиз туриб айтди:— Мен у дунёга бордим. Шунда  
парилар туриб айтди:— Жаҳонни сайр этиб, ер юзини  
учиб кўрдик. Дунёда не гап борини ҳам билдик. Лекин  
у дунёда нима воқеа борини билмаймиз. Сен биздан  
ҳам жаҳонгашта бўлдинг, у дунёга ҳам бориб келдинг,  
у дунёнинг ҳикоясидан бизга хабар бергин.

Оққиз айтди:— У дунёда сиру савдолар кўрдим. У  
парилар айтди: Сенинг олдирганинг ўрол, сўйганинг  
ҳалол, бизга у дунёнинг ҳикояларидан гапир, эшитай-  
лик. Шунда:— У дунёга бориб, шундай нарсаларни  
кўрдим,— деб гапириб туриби:

Насимиини қўйдай босиб сўйдилар,  
Терисига сомон тиқиб қўйдилар,  
Туҳмат билан Мансур бошин олдилар,  
Мансурнинг оройиш дорини кўрдим.  
У дунёни кўрдим, йўқдир вафоси,  
Фанимат бил, шулдир завқу сафоси...  
Кўрганимни сизга баён айлайин,  
Чамбил хони, анда Авазни кўрдим.

Ҳар ким кўрса бўлар ҳуснига қурбои,  
Ийирмага ёши борган Авазхон,  
Бир навжувион экан, ўзи хиромон,  
Шижаот келбатли, жуда мард ўғлон,  
Ўйнаб-кулсанг қолмас юракда армон,  
У дунёда кўп гаплашди Авазхон.

Гулдайин тарзима боқиб қаради,  
Юнус, Мисқол энам, деди, сўради,  
Эрам боққа бирга келмак бўлади,  
Қайтарда Авазга йўлиқмай қайтдим.

У дунёда юрган Чамбил бекзоди,  
Эрам боғда бордир унинг Фироти,  
Фирот деса, сира қолмас тоқати,  
Сўраб қолди Чамбилнинг валламати.

Кўп экан элида марднинг ҳурмати,  
Мен қиласман шундай бекнинг хизмати,  
Бор экан бошида жига давлати,  
Ҳали ҳам тарзига марднинг қарадим,  
Чамбидаги сипоҳилик ҳурмати.

Бу сўзни Оқпаридан эшитиб Оға Юнус айтди:

— Ўзга кўрганинг росттир, лекин Авазни кўрганинг ёлғон бўлди. Бизлар оловдан пайдо бўлганмиз, улар тупроқдан пайдо бўлган. Лекин сулув деганинг ёлғон эмасдир. Бизлардан одамнинг сулуви босим келади. Ўтга тупроқ ташласа ўчади. Ул ўлгандан кейин ўз наслига қўшилиб кетади. У сенга у дунёда йўлиқиб, гаплашиб, Фиротни ҳавас қилиб юрмайди. Бу гапингни рост деб, ҳеч ким ишониб, кўнгли гувоҳлик бермайди.

Оқпари туриб айтди:

— Ҳали ҳам у дунёдан кўрган еримдан эргаштириб келиб кўрсатмасам сизлар ишонмассизлар,— деб ўрнидан туриб кетди. Форнинг бошига етди. Авазни чақириб, шиша ҳовузнинг ичидаги туриб Авазнинг билагидан тортиди. Бу ҳам забардастгина ғўла<sup>1</sup> қиз эди. Авазни ғордан тортиб олди. Авазни олиб, йиккови гаплашиб Оға Юнуснинг қошига етди. Авазни кўриб рашки келиб, дарғазаб бўлиб, эна-болалиги қолиб пари халқида раҳм бўлмайди. Авазни зиндонга буюрди.

Хизматкорлар Авазни зиндонга ҳайдаб бораётир. «Шундай йигитни зиндонга қолибди»,— деб бир нечаси ёмон кўраётир. Бир нечаси «хўп йигит экан» деб ияриб бораётуб, бир нечалари афсона сўзлар гапираётир:— Кўрган вақтда кўнглим хуш-да,— деяётир, бир нечаси:— Оламан деб ваъда қилди, кеча тушда,— деяётир.

Авазни зиндонга ташлаб қайтди. Оқпари ҳам эргаштириб келганига пушаймон еб, жуда оёғи қўйвошиб

кетди. Авазхон зиндонда ётиб:— Ҳай аттанг, энам деб бекор келибман, бунинг бунчалиқ эканини билмабман. Отам Гўрғли у ҳолда ётиб эди, Аваз кетди, бир ишни битириб келади деб кутиб ётгандир. Мен зиндонда ғариб бўлиб ўлиб кетсан,— деб ўз ҳолига кўнгли бузилиб, бу сўзларни айтиётир:

Мард белини боғлаб йўлга киргунча,  
Энам деб ахтариб бунда келганча,  
Чўлларнинг чўпони бўлсан бўймиди?<sup>1</sup>

Бало тогда баҳодирлик қилгунча,  
Балонинг қўлида ўлсан бўймиди?  
Бало миниб бу дунёни кезгунча,  
Балонинг қўлида ўлсан бўймиди?  
Ҳақ-таоло қилди мени саргардон,  
Наф кўрмадим, энди қилдим пушаймон,  
Бир меҳрибон энам бўлганди душман,  
Мазгилим айлади қоронги зиндон.  
Гал билан чиққанман мен ҳам бу йўлга,  
Ҳоридим, чанқадим бу узоқ чўлга,  
Энди келиб тушдим қоронги тўрга,  
Ишим тушиб қолди ўзимдай зўрга,  
Ҳеч ҳамдамим йўқдир мен билан бирга,  
Етолмайин энди қолган мазгилга.

Азоб кўриб ширин жоним бу танда,  
Иифлаб қолдим бу қоронги зиндонда,  
Одамман деб энди бўлдим шарманда,  
Бу зиндонда азоб тортиб қолдим ман.

Дод деганман эшитмайди сўзимни,  
Гаждумбекдай ўяр икки кўзимни,  
Охир қийнаб ўлдиради ўзимни.

Тўкаман кўзимдан жаладай ёшди(ни),  
Кўролмайман ул қолган тенгу тўшди(ни),  
Узоқ қолган у қавму қариндошли(ни),  
Жаббор эгам гангитганди бу бошди(ни),  
Мард эдим, ишим номардга тушди,  
Қон тўкиб мен қиласман эдим савашди(ни),

Зарбимдан кўп душман титраб қочди,  
Яёвлик асари, ақлим шоҳди.

<sup>1</sup> Бўлмасмиди.

<sup>1</sup> F у л а -- йўғон, семизгина, кучли.

Бир гап билан келиб зиндонга тушдим,  
Аёлни ҳимоя тутиб эргашдим.  
Бир гапни билар деб ул замон турдим,  
Паризод энамнинг қошига келдим.

Қалайсан деб менинг ҳолим сўрмади,  
Кўришиб, бадбаҳтлар, ҳолим билмади,  
Мени кўриб жуда ҳам рашки келди,  
Олиб келиб, қурғур, зиндонга солди.

Оққиз Оға Юнусга қараб:— Сен олдирганинг ўрол,  
сўйганинг ҳалол дединг, нима иш қилсанг кўнглимга  
орир олмайман дединг. Мен у дунёда кўрган еримдан  
Авазни эргаштириб келиб кўрсатдим, «Нимага кел-  
динг?»— деб Аваздан сўрамасдан зиндонга солдинг.  
Авазнинг нима ишга келганини билгин? Яхшилик ўй-  
дами, ёмонлик ўйдами, юрганини билмай, бир оғиз  
нима ишда келдинг деб, Авазнинг кўнглини сўрамай,  
зиндонга сўлдинг. Ақлингнинг калталигини ўзингоқ  
маълум қилдинг,— деди. Шунда Оға Юнус айтди.

— Ўйласам, сенинг гапинг маъқулдай. Бўлмаса,  
чиқарип олиб кел. Нима ишда келганини сўрайик.  
Шунда Оққиз оёғи енгиллашиб, ўрнидан туриб кел-  
ди. Зиндоннинг бошига етди. Зиндонга қараб, Авазни  
сўраб, бу сўзларни айтиб турибди:

Мана тоғда буқтарилган қормикан,  
Юртини кўрмакка интизормикан,  
Қаддингдан ўргилай, Чамбилнинг хони,  
Чоҳ тубинда Чамбил хони бормисан?  
Энанг дарғазаб бўп зиндонга солди.  
Оқ юзимга панжа урап ҳолимиз,  
Мен ғариб сўзима қулоқ солингиз,  
Бу зиндонда қандай кечди ҳолингиз?  
Ҳажр ўтига кўйдирмагин танамни,  
Мунча солма менга дого аламни,  
Ғариб бўлиб, чоҳ тубинда қолибсиз.  
Сизни сўраб турган Оққиз санамдир  
Худо олсин ақли кўтоҳ энангди(ни).

Нимани кўнглига у маъқул қилди.  
Ловловлиқ қип сизни зиндонга солди,  
Билмадим ҳолингиз сизни не бўлди?  
Чоҳ бошида туриб такка қарадим,  
Яна кўрсам ҳосил бўлар муродим.

Омон-эсон борми сендай бегзодим,  
Зойи бўлаёзи қилган хизматим.

Сизни ҳайдаб кетди, ақлим шошиб,  
Мен қолдим юрар йўлда адашиб,  
Хизматга мен келдим, дарёдай тошиб,  
Сизни кўрсам қолай бирга сўзлашиб.

Қулоқ соб эшитгин айтган нидога,  
Ўлим навбат етар шоҳу гадога,  
Қизларнинг ичидан менман ўдаға,  
Қийганим ипакдир, олтиндан жиға,  
Жасадингдан мендай ойим садаға.

Қаторга тиркалган лўкча нормисан?  
Мени кўрсанг, сен ҳам харидормисан?  
Фамдан қутулсан деб интизормисан?  
Чамбил хони, бу зиндонда бормисан?

Қараб кўргин мендай гул бувишингни,  
Мен кўрайин сенинг ўтиришингни,  
Чамбил хони чоҳ тубинда бормисан?  
Бор бўлсанг сен, чиқаргин товушишингни.

Кўрмасам йиглайман, қиласман фарёд,  
То ўлғунча мен ҳам сизни қилиб ёд,  
Бузилсин, ёқилсин ул чархи ношод,  
Ҳайф, навжувоним, қомати шамшод,  
Бўйингдайн айлансин мендай паризод.

Бу сўзни эшитиб, Авазхон ўзини билдири. Арқон  
солиб, Аваз белига бойлаб, зиндондан чиқарип, энаси-  
нинг қошига олиб борди. Энаси Авазни кўриб, ҳол-  
аҳвол сўраб:— Нимага келдинг? Мен сенга мени қиё-  
матда кўрасан деб эдим, у гапимни қулоққа олмасдан  
ҳалак бўлиб келибсан,— деб Аваздан икки оғиз сўроқ  
сўраб турибди:

Асқар тоғнинг бошин чалган туманми?  
Фамли қулга, болам, охир замонми?  
Юрт эгаси Гўрўлихон омонми?

Чамбilda бор эди қанча амалдор,  
Ҳаммаси ҳаммиди бизга хизматкор,  
Туркманинг каттаси у Аҳмад Сардор,  
Чамбил белда сардорbekлар омонми?

Белингга бойлагин заррин пўтангни,  
Худойим кечиргай қилган хатонгни,  
Мен сўрадим хон Гўрўғли отангни,  
Юрт эгаси Гўрўғлихон омонми?

Бир облога етгай менинг нолам деб,  
Авазим, Чамбидан келган болам деб,  
Қандай бўлди, менинг кулба хонам деб,  
Ўйнаб-ўсган мазгил жойлар омонми?

Шундай бўлди менга ҳақнинг фармонаи,  
Қандай бўлиб қолди Чамбилинг хони?  
Унда ҳам бор эди кўшки айвони,  
Қандай бўлиб қолди ўсган макони?  
Чамбил элда кўрган кўзлар омонми?

Арзирум шаҳридан Даллийим келди,  
Фалак мени шундай савдога солди,  
Менинг ақли ҳушим яратган өлди,  
Эрам боғни энанг, ахтариб келди.  
Келгандан сўнг, энанг, пушаймон қилди.

Билмадим отангнинг ҳоли не бўлди?  
Сен келдинг, сенга раҳбар бўлмадим,  
Фарзандим деб, сенинг ҳолинг сўрмадим,  
Сипойилик қилдим, қадринг билмадим,  
Ўйнаб-ўсган меҳрибонлар омонми?

Оҳ тортсам қурийди танимда дармон,  
Ўйласам кўп бўлар юракда армон,  
Чамбilda давлатинг катта, Аваzжон,  
Аваz болам, омон-эсои бормисан?

Аваz болам, менинг жону дилимсан,  
Гулшанда очилган тоза гулимсан,  
Аваz қўзим, яхши кўрган улимсан,  
Меҳнат тортиб мени излаб келибсан,  
Болам, мендана нафсинг оғриб турибсан.

Зиндоннинг заҳматин бунда кўрибсан,  
Сен энангдан кўп норизо бўлибсан,  
Келганинга сен пушаймон қилибсан.  
Мен сени зиндонга солдим,  
Аҳволингдан хабар бергин?

Жон болам, сен нега келдинг?  
Юрган юришинг сўрайин,  
Не ишда келдинг, билайн?  
Сарсон қилдими худойим,  
Сўзингга жавоб берайн,  
Тортинмай гапириб бергин,  
Бол Аваз сендан сўрайин,  
Энди кўнглингга қарайин,  
Сиру аҳволингни билайн,  
Сўйлагин, кўзим, кўрайин?

Бу сўзни эшитиб, Авазхон энасига қараб:

Жоним энам, келдим, дейди,  
Жабру жафо кўрдим, дейди.  
Изза бўлиб қолдим, дейди,  
Бераҳмсан, билдим, дейди.  
Мен зиндонда турдим, дейди.  
Зўрлигингни билдим, дейди.

Бу сўзни айтар Авазхон,  
Танимдан қуриған дармон.  
Неча вақт зиндонда қолдим,  
Парисан, бераҳм, билдим.  
Энам менга зулм қилдинг,  
Ўгайлигингни билдиридинг.  
Агар менга оқ сут берсанг,  
Мени қилмас эдинг сарсон.  
Авазхон деб ғаломат қиб,  
Энди сўзлар дўсту душман,  
Кўп ишни қилдинг, энажон,  
Чиқмас эсимдан бу замон,  
Менга бермай дединг, омон,  
Ташладинг қоронғу туман,  
Ўғлингни айладинг зиндон.

Айрилиқ ўтига бағрим додглайман,  
Парисан, бераҳм дейман, йиглайман,  
Энамсан, бераҳм дейман, йўқлайман.  
Энди сенга тил боринда сўзлайн,  
Кўрганимни сенга баён айлайн:

Жабру жафо менинг жонимдан ўтди,  
Ўзинг кўрган Чамбил вайрон бўб кетди.  
Чамбил атрофини душман олибди.  
Кенг Чамбил ўртада бўлиб қолибди.

Қирқ йигитлар гулхонани қулатди,  
Хон Гўрўғли отам дунёдан ўтди.  
Ўзинг кўрган Чамбил сабил бўлибди.  
Пиёдалаб Аваз ўғлинг келибди:

Шунча ишни Аваз ўғлинг кўрибди.  
Душман бизни оёқ ости қиб кетди.  
Жуда ҳам Фиротнинг қадри ўтди,  
Ўз хўрликдан ёт хўрлик деб фарзандинг,  
Боги Эрам қараб Аваз йўл тортди.

Бало миниб неча тоғлардан ўтди.  
Охири оқибат, Эрамга етди,  
Боги Эрам келиб койишинг тортди,  
Энамсан, бераҳм дейман, йиғлайман.

Чамбильбелда қолди шоҳлик шавкатим,  
Белимда ярқиллаб кескир пўлатим,  
Сипойилар қилас эди хизматим,  
Ҳозирликда гадо бўлган улфатим.

Фиротим деб излаб келган фарзандинг,  
Жоним эна, билмагани билдиридинг,  
Қизил юзим зъяфарондай сўлдиридинг,  
Оҳ тортганда айтганингга кўндиридинг,  
Улмасам ҳам ози бери қилдиридинг,  
Энамсан, бераҳм дейман, йиғлайман.

Сени излаб чиқиб Чамбил элимдан,  
Чамбил элда туз еб ўсдим қўлингдан,  
Сен бундайин умид уздинг ўғлингдан.  
Фарзандим деб хаёлингни бўлмадинг,  
Қаҳру, зулму, ёмон кундан қолмадинг,  
Кўп йиғладим, эна, мени билмадинг,  
Эна, нега ҳеч раҳбарлик қилмадинг?  
Фарзандим деб сен кўнглингга олмадинг,  
Муттаҳам кўнглингдан сира қолмадинг,  
Қолган Чамбил элдан умид қилмадинг,  
Келган вақтда Фиротимни бермадинг.

Бу сўзни эшитиб, Оға Юнус Оққизни чақириб:—  
Бизники номаъқулчилик бўлди, Авазнинг ўпкалагани  
тўғри келди. Жинни феълликка кетган эканмиз. Бўл-  
маса, Чамбильда жони дилим, бир суюниб юрган Аваз  
ўғлим, шунча йўлдан ҳалак бўлиб келибди. Мен ичим-

да ёмон кўрсам ҳам, сиртимда пой-натак бўлиб, Аваз-  
нинг кўнглини олиб турсам тузук эди. Авазнинг кўнгли-  
дан чиқмайдиган иш қилдим. Аваз келгандан зиндонга  
солдим. Ҳамиша бетимга таъна бўладиган гапни сотиб  
олдим. Авазнинг гапи авзойидан Чамбил жуда форат  
бўлибди. Душман буларни тинчитмабди. Ёби отлар бу-  
ларга ҳожат бермабди. Энди бориб, Фиротни абзаллаб  
чоқлаб, олиб келиб Авазга бергин!— деди.

Оққиз бу сўзни эшитиб, ўрнидан туриб, Фиротнинг  
қошига бориб, Фиротни қашлаб, сипириб, эгарлаб,  
юганлаб, заррин добуллар солиб, Оға Юнуснинг қоши-  
га етаклаб келтириди. Фирот Авазни кўриб учадиган  
қўшдай, қулоқлари қамишдай, ҳар кўзи таркашдай, юл-  
дузни кўзлаб, тараққос бойлаб ўйнай берди.

Энаси Оға Юнус илғари боги Эрамда подшо эди,  
келиб яна қадимги ўрнини олган эди. Авазга яхши сар-  
полар кийгизиб, белига олмос пўлатни бойлаб, Аваз-  
нинг қўлтиғидан кўтариб, Фиротга миндириб, хуш ке-  
либсан қилиб, энаси бир-икки оғиз сўз айтиб туриб-  
ди:

Отангнинг мероси тегди қўлингга,  
Ана, кетар бўлсанг Чамбил элинга,  
Хоҳи кетгин, хоҳи қўйгин Авазжон.  
Томоша айласанг, мана Эрам боғ,  
Бориб кўрсанг, ҳайла болам, Кўйиқоғ,  
Хоҳи кетгин, хоҳи қўйгин, Авазжон.

Остингнга миндиридим араби отни,  
Бойладим белингга кескир пўлатни,  
Энди излар бўлсанг Чамбил элатни,  
Кўрдинг сен сайр этиб, бу мамлакатни,  
Хоҳи кетгин, хоҳи қўйгин, Авазжон.

Бир неча номардга кўнгил бермагин,  
Нодон билан йўлда йўлдош бўлмагин,  
Сиринг айтиб аҳмоқларман юрмагин,  
Хоҳи кетгин, хоҳи қўйгин, Авазжон.

Ушбу дам шу, ўзга дамни дам дема,  
Эрам боғни Чамбилингдан кам дема,  
Қарагин, ранг-баранг гуллар очилиб,  
Дурри гавҳар, жавоҳирлар сочилиб,  
Томоша кўрмоққа умринг кечилиб,  
Хоҳи кетгин, хоҳи қўйгин, Авазжон.

Эрам боғда бордир кўп санам қизлар,  
Жамолига барқ уради юлдузлар.  
Ошиқлар ўйинда бир-бирин излар,  
Хоҳи кетгин, хоҳи қўйгин, Авазжон.

Агар турсанг, хизматингда бўлайин,  
Хоҳлагин, паризод олиб берайин,  
Неча қизни хизматингга солайин,  
Қўнглингда борини, болам, сўрайин,  
Хоҳи кетгин, хоҳи қўйгин, Авазжон:

Биламан, Чамбила эркин тўрасан,  
Мен биламан, сен эсингга оласан,  
Бир феълинг, ҳали нодон боласан,  
Чамбилини истасанг бориб келасан,  
Хоҳи кетгин, хоҳи қўйгин, Авазжон.

Авазхон энасидан бу сўзни эшитиб, энасига қарағ  
бир сўз айтиб туриди:

Олмадайнин, сўлган гулдай тарзим бор,  
Жоним эна, сенга айтар арзим бор,  
Қулоқ солгин, эна, сўйлар сўзим бор,  
Отамнинг умиди сендан шулмиди?

Икковинг гоҳларда дарёдай тошиб,  
Отам билан бир-бирингга ёнашиб,  
Тор тўшакда бирга ётган талашиб,  
Отамнинг умиди сендан шулмиди?

Сен кетган сўнг отам дунёдан ўтди,  
Ўлиги бесоҳиб бўлиб қолибди.  
Авазхон хабарчи, сизга келибди.  
Отасин ўлигин маълум қилибди.

Отам ўлди, қолдим кўзимни ёшлаб,  
Мозорга элтмадим отам ўлигин,  
Таваккал ғорига мурдасин ташлаб,  
Мен жўнадим ул энамга борай деб,  
Паризод энамга хабар берай деб,  
Сўнгра у эшитса гина қиласи деб,  
Йўлиқканда кўп ўпкалаб юрар деб,  
Отам ўлди, яна сизни борар деб,  
Фотиҳага хабар қилдим, энажон.  
Эсимга тушганда мен ҳам муғойиб,  
Ўйлаб турсам гулдай юзим сарғайиб,

Тўрам деб йиғлагин, сочингни ёйиб,  
Отамнинг ўлиги билгин, бесоҳиб,  
Отамнинг умиди сендан шулмиди?

Хабар берган ўғлинг Аваз тўради (р),  
Сен борсанг, ўлик, эгали бўб қолади,  
Шу сўзимга кўнсанг қандай бўлади.  
Отамнинг умиди сендан шулмиди?  
Унгу сўл бошимда бўлгандир туман,  
Фиротим остимда ўйнар, энажон,  
Энди сенга тимсол айтдим бир алвон,  
Менинг билан Чамбил юргин, меҳрибон.

Бунда турмай бирга-бирга борайик,  
Отамнинг ўлигин бориб қўрайик,  
Икковимиз йўқлаб бозор қиласайик,  
Сен тўрам деганда, мен отам деб,  
Халойикка сўнгра хабар берайик,  
Иzzат-икром билан кўмиб келайик,  
Кўмиб келиб ису чироқ қиласайик.

Бу сўзни эшитиб, Оға Юнус пари Авазга:— Илгари-  
дан сенинг шундай гапинг кўп эди. Ҳазиллаб айтәтиб-  
сан десам, отанг чини билан ўлдими?— деди. Авазхон  
айтди:

— Улганнинг ҳазили бўладими? Е ўлмасига хати-  
чак<sup>1</sup> оловдиларингми? Бир нафасда жони чиқди, кетди,  
борди-да!

Бу сўзни эгчитиб, Оға Юнус пушаймон қилиб:— Ти-  
риклигида билимбиз, розилашиб қолмабиз, энди  
қандай бўлса бориб, ўлигига эга бўлиб турайик, шундай  
одам бейўқлов бўлиб кетмасин,— деб Авазга қарағ:

— Авазжон, отанг ўлган бўлса, сенинг билан эрга-  
шиб кетаверганимиз бўлмас, беш-ўнта кўнгил етарга  
хабар қиласайик, улар ҳам келсин, йиғилиб, фотиҳага  
кўпчилик бўлиб борайик,— деди.

Шунда неча шаҳарларга хат-хабар қилди. Шаҳри  
Шабистонга, Семинбоққа, Қундуз шаҳрига, Шаҳризар,  
Тарихи мамлакатларига хабар қилди.

— Авазжон, ҳар шаҳарга хабар юбордим, бу хабар  
билан улар келади. Фиротинг остингда, отангнинг ўли-  
ги ҳурмати, сендай боламнинг хизмати Зангарга ўзинг  
бориб келгин, Зангардан Орзигулни ўзинг олиб келгин,—  
деб энаси Авазга тайинлаб бу сўзни айтияпти:

<sup>1</sup> Хатиҷак — тилхат.

Эрта қайтишингни қўймагин кечга,  
Мен қойилман белда тилла қиличга,  
Остингда юз алвон ўйнайди ҳайвон,  
Эрта борсанг тезроқ қайтгин, Авазжон.

Бориб бергин Орзигулга хабарни,  
Томоша қип кўриб келгин шаҳарни,  
Қезиб юргин Мурғизордан кўлларни,  
Қичаб ўтиб сен кўрарсан чўлларни,  
Олиб қайтгин Орзигулдай дилбарни,  
Энанг ҳар шаҳарга берган хабарни,  
Келганда кўрарсан сатта дилбарни,  
Парилар гулшани сатта зулфдорни,  
Қистагин остингга мингтан тулпорни,  
Орзигулга бориб, бергин хабарни,  
Шуйтиб айтгин: «Энам сизни келсин деб,  
Эрам боқقا дарров ҳозир бўлсин деб,  
Бизнинг билан Чамбил бориб келсин деб,  
Чамбилнинг эллари қандай, билсин деб,  
Эшитган, кўрмаган у ҳам, кўрсин деб,  
Хаёлламай у эртароқ келсин деб.

Гул очилиб баҳорингда сўлди де,  
Хон Гўрўғли менинг отам ўлди де,  
Чамбилга борморинг лозим бўлди де,  
Сизни йўқлаб энам хабар қилди де».

Шу сўзларни Орзигулга билдиргин,  
Ҳарна дегин, айтганингга кўндиригин,  
Ҳай дегандан Фиротингга миндиригин,  
Эрта бориб тезроқ қайтгин, Авазжон.

Шулдир сенга менинг айтгайн паёмим,  
Юракдан тарқалсин чеर билан ғаминг,  
Қистасанг етказар Фирот ҳайвонинг,  
Энди йўлиқмасин сенинг душманинг,  
Шундай бўлди, болам, сенга фармоним,  
Чамбилга борганча кўпидир армонинг,  
Қистагин отингни, жоним, ўғлоним,  
Эрта бориб, тезроқ қайтгин, Авазжон.

Бу сўзни энасидан эшитиб Авазхон: Эна, бу йўлларда юриб кўрганим йўқ, илгари бу ерларга келганим йўқ.  
«Ҳар ернинг тулкисини ўзининг тозиси овлайди» деган гап бор. Мени йўлга солиб юбор. Мен бу йўлнинг узоқ-яқинини билмайман,— деди.

Энаси:— Уч кеча-кундузда бориб қайтарсан, сен келганча мен хабар қилган кишилар ҳам келиб қолар, ундан сўнг бирга-бирга Чамбил жўнаймиз,— деб Авазни йўлга солиб юборди. Аваз йўлда эрмак қилиб, қўшиқ айтиб кетиб бораётир:

Аваз қилди ғайратди,  
Минибди тулпор отди,  
Орзигулга хабарчи  
Аваз шуйтиб йўл торти.

Бедовга қамчи чотди,  
Қамчиси симдай ботди,  
Изгорни тўзон тутди,  
Шуйтиб қичар Фиротди.  
Ур келса ўмганлатди,  
Арна келса иргитди,  
Қир келса қирпиллатди,  
Шуйтиб Аваз йўл торти.

Зангар элга етсам деб,  
Бориб сўзни айтсам деб,  
Орзигулдай дилбарни,  
Дарров олиб қайтсам деб.

Бедов борар анишлаб,  
Чўлларда кокил ташлаб,  
Ҳар ҳамон суруб кетар,  
Авазнинг вақтин хушлаб.

Асил тулпор сиёғи,  
Гоҳ ерга тегса, гоҳ тегмас туёғи  
От боради ариллаб,  
Отган ўқдай зариллаб,  
Шуйтиб Аваз йўл торти,  
Неча дарбанддан ошди,  
Биёбон чўлга тушди,  
Иўлнинг меъёрин кўриб,  
Энди ақли шоиди.  
Неча муддат йўл торти,  
Шундай бир тоқقا етди.

Уч кеча-уч кундуз орадан ўтди,  
Қандай тоф эканин Аваз билмади,  
Ҳеч бир нарса парвойига келмади,

Тоққа етар-етмас фурсатда,  
Фиркүк парвоз қила берди, албатта.

Фиркүк парвоз қилди, ақли шошди,  
Авазнинг кўнглига шундай ғам тушди,  
Кўринг назаркарда бегнинг Фироти  
Авазни кўтариб ҳавога учди.

Аваз ўғлон хаста кўнглин хушлади,  
Эгарнинг қошидан маҳкам ушлади,  
Қолмади Фиркүк отнинг тоқати,  
Ёзилганди тўрт ярим газ қаноти,  
Қамчи урмай Аваз қандай зўравор,  
Фирот бўлди булат билан баробар,  
Аваз билмас, Фирот билар муқаррар,  
Бу ерда Фиротнинг бир душмани бор.  
Аваз бу ишига ҳайрон бўлади,  
Ким дўст, ким душмандир нима билади,  
Илгаридан юриб кўрган Фиркүк от  
Душман турган ерни билади.

Вақти замонда, Фирот дўнан, бешли вақтинда Гўрўғ-  
ли миниб, бу йўлларда юриб, Зангарга ҳам бориб, ан-  
ча вақт турган эди. Шу вақтинда Зангарнинг бир Тўх-  
тамиш деган полвони бор эди. Ғазот-уруш, юриш  
бўлган вақтларда Гўрўғлиға босим келган эди. Шунда  
(Фирот) Гўрўғлиға ёндашиб, бу полвонни телиб кўр  
қилган эди. Шундан бери тоғнинг ўтадиган ерини кал-  
таги билан тўбалаб, чангноқ қилиб ағанаబ ётар эди.  
Шундан неча вақт ўтган бўлса-да, «охир бир кун қўлга  
тушарсан, қасосимни оларман»,— деб пойлаб ётар  
эди.

Отнинг келаётган дубурини бу кўр билиб, калтагини  
ўнғайлаб турди.

Шу қилган иши Фиротнинг ҳам кўнглида туриб эди.  
Фирот яқинлаб келгандан кейин «бунга жанашиб ўтсан  
салтак билан майдамайди қилиб юборади»,— деб ос-  
монга кўтарилган эди, буни Авазхон билмас эди. Бир  
палла Фирот ҳавода бораётиб пастга ташлаб кетди.  
Бир гувуллаган шовур пайдо бўлди.

Аваз:— Бу нима шовур экан,— деб отнинг устидан  
қаради. Бир нарса айланаб, муаллақ бўлиб келаёттир.  
«Бу нима экан»,— деб қавосотига<sup>1</sup> Авазнинг ҳуши бо-

шидан учди. Фирот ёрга яқин тушди, гувуллаб Аваз-  
нинг бошидан ўтиб кетди. Тоғнинг тумшуғида дарё бор  
эди, бориб дарёга тушди. Сув икки ёққа қоқ ёрилиб,  
яна қайтиб бирниб оқа берди. Бу бояги кўр бўлиб  
ётган полвоннинг калтаги эди. Сўнгра от ер юзига ту-  
шиб аста-секин юраберди.

Отнинг дубури йўқ бўлгандан кейин «бу осмонга  
кетган» деб чўтлаб отган эди. Калтакнинг ерга тушгани  
маълум бўлмай, кўр одам излаб-излаб дарё бўйига  
келиб қолди. У дарё эканини билмай жар, зовур ерлар-  
ни қараб юриб, бир зовурдан дус-дўмон бўлиб дарёға  
тушиб кетди. Кўрмаган Фиротни уриб оламан деб аг-  
дарилиб, тўнкарилиб, балиқларга овқат бўлиб кетди.  
Авазхон бу дарёдан ўтди. Қараса, у ёғи Зангарнинг мам-  
лакати. Қаради, у ер-бу ерда экиш-тикиш қилиб юрган  
одам кўринади. Отли, тойли-таёқли, эшак, пишак мин-  
ган кетиб бораётир. Аваз ҳам одамлар билан аралашиб  
бораверди. Одамларнинг бораётганини кўриб билди, бу-  
гун Орзигул шаҳрининг бозори экан.

Авазхон ўйланиб бораётир:— Кўрмасам, бу ерни пас-  
ти баландини билмасам, буларнинг тили қандай англаб  
етмасам. Орзигулнинг манзили, албатта белгилидир.  
Мен от устида унга борсам, энам келсин деб эди, деб  
чалқайиб турсам. Бу қандай жондор эди деб жиловим-  
дан тутса, подшосининг олдига элтса. Агар гапириб  
тушунтиргали қулоқ солса, тили бизнинг тилдай бўлса,  
тузук. Йўқ, агар тили бошқа тил бўлса энамдан сўра-  
мабман ҳам.

Элда ғамимни еб, баччагарнинг тилини ўрганиб бу  
ерга келсам бўлар эди,— деб ўйлана-ўйлана шаҳарга  
кирди.

Шаҳарни оралаб, аралашиб қаёққа юрарини билмай,  
анграйиб туриб эди, ёнига кўп қари эмас, ўрта яшар  
бўлиб қолган, вақтида сурхойилгардон, ёшлигига хўб  
келбатли, бир оғатижон, ўзи замбар бел сағрили ке-  
либ, Фиротни ети мarta айланиб, отни тавоб қилиб,  
Авазга қараб:— Болам, сен қайдан келдинг?— деб сўраб  
турган экан:

Остингда бедовинг ўйнар юз алвон,  
Олмос цўлат белда, эгнингда қалқон.  
Хабар бергин, болам, қайдан келурсан?  
Сен бўласан қайси шоҳнинг авлоди,  
Минган отнинг Гўрўғлиниг Фироти,  
Е сенимисан Гўрўғлиниг зурёти,

<sup>1</sup> Қавосотига — ҳайбатига.

Мамлакатинг, болам, сендан сўрайман,  
Асли ўзинг қайси хоннинг авлоди?

Хаёлингда мени душман билмагин,  
Ҳадик олиб ёлғон сўйлаб турмагин,  
Ростин дегин, менга баён айлагин,  
Хабар бергин, қўзим, қайдин келасан?

Сенга қараб қувонгандан куламан,  
Остингда отингни аниқ биламан.  
Ёш вақтингда кўп кун хизмат қилганман,  
Мен ҳам сендан гумон қилиб тураман,  
Хабар бергин, қўзим, қайдин келасан?

Кумушданди(р) қарчигайниг чегаси,  
Олтинданди(р) кировканинг ёқаси,  
Хон Гўрўғли эди отнинг эгаси.

Қозининг олдидаги шабгир ноиби,  
Майдонда панд берар отнинг майиби,  
Кўрганим йўқ, эшиштаман бу ерда,  
Хон Гўрўғли, бўлти Чамбил сойиби,  
Хабар бер, жон болам, қайдин келасан?

Мен танидим миниб желганинг отингни,  
Сен тортинимай менга билдири зотингни,  
Мен билайн сенинг ҳам авлодингни,  
Хабар бергин, болам, қайдин келасан?

Бу сўзни эшитиб, Аваҳон бу аёлнинг тарзига қарди, ёмонлик чиқадигандай эмас. Қўзи тўғридай, шундай ҳам бўлса, ҳеч кимни танимайди, яхши-ёмон гапирганин ўзига дўст кўрмайди.

Бунга бирданига тўғри гапирмайин,— деб Аваҳ бир сўз айтиб турибди:

Ошиқнинг фаҳмидир қоронғи кеча,  
Йиғласам ҳолимга йиғлар бир неча,  
Отимни сўрасанг Сангири бойвачча,  
Сангирхон дер: саҳро жойдан кеп эдим,  
Тоғу тошни кезган сайёд бўламан,  
Сўнали кўлларни излаб келаман,  
Сўна кўрсам олғир қушни соламан,  
Суқсорни излаган лочин бўламан,  
Тақдир тортиб бунда келиб қоламан,

Ов овладим, кўрдим неча кўлларни,  
Онг излаб кезганман сувсиз чўлларни,  
Онг излаган бунда овчи бўламан.  
Элимдан давр олиб бир куни учдим,  
Парвоз қилиб Эрам боғига тушдим,  
Бу ерларга мен ҳам янги етишдим.  
Узоқ юртда қолган мамлакатимни,  
Қаёқдан танийсан мингган отимни?  
Менга теккан эранларнинг назари.  
Бугун экан бу шаҳарнинг бозори,  
Бу бозор устидан чиқиб қоламан.  
Сотсам отимни деб ўйлаб кўраман,  
Не сабабдан сен танийсан отимни?

Бу шаҳарда отни бозор соламан,  
Овчилар мингандай ҳайвон оламан,  
От сотмоққа ўзим толиб бўламан.  
Сендай мунглиқ бу тарзима қарадинг,  
Олис йўлда Гўрўғлини сўрадинг,  
Сен бу ерда бир муштицар бўласан,  
Гўрўғли ким бўлар, нима биласан?  
Қайдан ошно бўлдинг ундаи кишига,  
Лангу лаванд боролмайди қошига,  
Душман тоқат қилолмайди қилган ишига,  
Танҳо ўзи тайёр бир лак кишига,  
Гўрўғли деб сен ҳам мендан сўрадинг,  
Қандай ошно бўлдинг ундаи кишига?

Бу сўзни эшитиб, аёл Аваҳга қараб бир сўз айтиб турап:

Утар дунё ўтарини ўйладинг,  
Қиёмат деб ширин жонни қийнадинг,  
Рост сўз туриб менга ёлғон сўзладинг,  
Нодон кўнглинг ҳар хаёлга бўлмагин,  
Кўп яшагин, кўп йилгача ўлмагин,  
Яхшилик кўр ёмонликни кўрмагин,  
Мени душман билиб кўнглинг бўлмагин,  
Гўрўғлининг ўғли Аваҳ бўлмагин,  
Танимасни сийламас-да, жон болам,  
Сен ҳам билмай мени душман кўрмагин,  
Ўйлаб турқинг тоза боғнинг гулисан,  
Билсам Гўрўғлини жони-дилисан,  
Юнусман Мисқолнинг ҳам булбулисан,  
Танангга ўйлагин, болам, Аваҳжон,  
Сўраб келсан мендай мунглиқ улисан.

Сўзламайман сенга асло ёлғонди,  
Неча ой, неча йил ўтиб қолганди,  
Сенинг отанг йигит вақтда бу юртга  
Фиротни ўйнатиб бунда келганди.

Сен билмайсан, от билади Авазжон,  
Неча вақт оралаб бунда юрганди,  
Неча кун бу ерда даврон сурганди,  
Сабр сақлаб макон қилиб турганди.  
Душманларнинг бошин боғдай чолганди,  
Қандай душман бўлса қайтмас савашди,  
Хоҳи дев, хоҳи бўлсин одамзод,  
Хоҳи айёр бўлсин, хоҳи паризод,  
Эшитган душманлар бу ердан қочди,  
Шундай қилиб отанг ишни кўрсатди,  
Неча кун мен билан қурди суҳбатди,  
Бу ерлар четлик қип кўнглига урди,  
Бир куни хушлашиб Фиротга минди,  
Бундан чиқиб боғи Эрамга борди,  
Эрам боғда мен эшитдим ишини,  
Кесган эмиш ўн лак девнинг бошини,  
Ҳеч ким тоб бермайин ундаи кишига,  
Ўзига тобе қип боғи Эрамни,  
Олиб кетди Мисқолдай бувушини,  
Мисқолойни олиб Чамбилга борди,  
Зарбидан ишлатди қанча девларни,  
Кўрганим йўқ, эшитаман фарзандим,  
Обод қилган эмиш Чамбил шаҳарни,  
Отанг унда, мен бунда фарзандим,  
Шу сабабдан менга иссиқ Фиротинг,  
Тортинмагин, тўғри гапир қувватим,  
Менинг сўзим, болам, ҳақиқат билгин,  
Шул замон, жон болам, отингни бургин,  
От бозорда туриб сенга нима бор,  
Сен менга ияриб бир йўлга киргин,  
Менинг билан бирга уйимга юргин,  
Бирор кеча сен, болам, меҳмон бўлгин,  
Юриш, аҳволингни менга гапиргин.

Бу сўзни эшитиб таваккал қилди,  
Фиротини Аваз бу йўлга бурди.  
Ҳозир энам бўлиб сўзлаб турибди,  
Сўз сўрасам яхши жавоб берибди,  
Қани, мен эргашиб энди борайин,  
От яроғим ўзимдэдир, кўрайин,

Дўст-душманини аңглаб билайин,  
Е ишимни ўнгладими худойим.

Шунда Авазхон бирга бориб, энасиникига қўнди.  
Аваз қандай бўлса ишонмай туриб эди.

Авазга яхши хизмат қилиб, унинг вақтини хушлаб.  
Аваз ҳам ўзининг сиру аҳволини билдириб, энасиникида ётди. Авазхон эртанига туриб айтди:

— Энам менга Орзигулни шундай деб гапирган эди,  
тикка бориб сўзласам қандай бўлар?— деди.

Энаси туриб айтди:

— Энанг қурсин, у сенга душман бўлиб буюрган,  
паризод одамга раҳм қилмайди, у сенинг етагингга юрмайди. Бизни излаб Эрам боққа келди, ўша ёқда ўлиб  
кетар деб сени буюрган. Шундай деб бориб гапирсанг,  
албатта ўртага олиб тутар, бошингни кесиб дорга тортар.  
Сен бир бориб, Орзигулни синаб кўргин, йўлиққудайми ё йўлиқмагудайми. Мен ҳам йўлиқиб кўраман.— деди.

Бу гап Авазга маъқул тушди. Илгари Қундуз билан  
Юлдузга бораётганида бир қалаңдарни ўлдириб тел-  
пагини олган эди. Телпакнинг хосияти бул эди: агар  
бошига кийиб ойнага қараса, кўрган одам оз бўлса,  
саксон бешда, бўлмаса тўқсонда деб чўтлай берар эди.  
Шундай мўйсафид чол бўлар эди.

Аваз бу телпакни бошига кийди. Жуда бели буқрай-  
ган, қулоғи тикрайган чол бўлди. Регистонга бориб сав-  
до қилиб ҳар турли ипаклардан олди, сақич, тишқори-  
лардан ҳам олиб бир қутига солди. Ҳаммасини бир  
узун хуржунга солиб, бир-икки узун халталардан ёнбо-  
шига осиб олиб, хуржунни бир эшакнинг устига солиб,  
эшакни миниб, сўтани тақимлаб, растама-растада оралаб  
Орзигулнинг кўшкиси тарафга равона бўлди. Кўрган  
одамлар: «Кўп узоқ яшаган чол экан»,— деб томоша  
қилди.

Авазхон Орзигул кўшкисининг остига етди. Кўшкин-  
нинг остига туриб, қарчигайдай бўйлаб қараётир, Ор-  
зигулнинг жамолини кўраётир, кўшкининг остига аттор  
бўлиб қўнаётир. Сўтани ерга сақчиб, хуржунни эшак-  
дан олаётир. Хуржуннинг оғзини очиб, эшакни бойлаб,  
боваси бир-икки оғиз сўз айтаетир:

Қелганди сотиқчи аттор,  
Турли ипаклар менда бор,

Пуллик, бепулга баробар,  
Кўнглимдан кетсин ўбор:

Оқ ипаклар менда бор,  
Ахтарган ёrim шунда бор,  
Сариқ ипаклар менда бор,  
Сарғайтган ёrim шунда бор,  
Ипакфуруш бобонг келди,  
Хўп дардингга давонг келди.

Ипак олсанг келгин қизлар,  
Ошиқ бир-бирини излар,  
Орзигулга хизмат қилган  
Эшитдингми, сарвинозлар?  
Ипак олсанг келгин қизлар.  
Пулли, бепулга баробар,  
Сотаман менда ихтиёр.

Бори йўқ деб кўнглинг бўлма,  
Пулсизларинг кейин қолма,  
Баринг бирдай бели толма,  
Чортокли чол бобонг келди,  
Қани бўлса савдо энди,  
Кийгани гулгун қирмизи,  
Орзигулнинг кўп канизи,  
Хизмат қилган бунда ўзи,  
Бу сотиқчи бобонг келди.

Сенга етгай бованг тили,  
Бизда бор ипакнинг гули,  
Майли, бўлмаса ҳам пули.  
Сақич, тишқорида мўли,  
Олсанг келдин санам қизлар,  
Хўп чортокли бобонг келди.

Бошимиздан кетсин ғавро,  
Қизиқ бўлсин бунда савдо,  
Миндириб қайтсам бедовга,  
Хаёл сурган бобонг келди.

Келсин қизлар гирдим олиб,  
Хусни бир-биридан ғолиб,  
Сотмоққа бу бобонг толиб,  
Олсий келиб сарвинозлар,  
Пулли бепулга ғаробар.

Зинама-зина баланд кўшкида туриб, уч юз канизи Орзигулнинг хизматида бўлиб турди. Бир Мис билим деган канизи, қорашибрай, танқайганроқ қиз эди, тили ҳам пича соқов тоб эди. У қизларнинг ичидаги эмас эди, паст кўшкида эди. Атторнинг сўзини эшитиб: «Пулли, бепулга баробар берар экан», — деб дунё топган тентакдай бўлиб, баланд кўшкига чиқиб кетди. У ердаги қизлар айтди: «Нимага энтикиб юрибсан ўзингдан-ўзинг».

— Ишинг бўлмасин, бир нима кўрдим, бир аттор кўшкнинг остига келипти, пулли, бепулга баробар қилипти, ипак оламиз деб энтикиб юрипти.

Мис билан Орзигулга рўбару бўлиб бир сўз айтиб турган экан:

Оҳ урсам тўкилар қўзимдан ёшим,  
Сизга хизматкорди<sup>(р)</sup> бу азиз бошим,  
Менга ҳамроҳ қанча ёру йўлдошим,  
Сўзимга қулоқ сонг<sup>1</sup>, жоним, бувушим.

Бу ерга келипти сотиқчи аттор,  
Билдим ҳар турли ипаклари бор.  
Кўзи губорланиб ёши тўкилган,  
Оз бўлса<sup>2</sup> тўқсонда, қадди букилган.

Кўшкини остига ул бовом қўнглан.  
Атторлигини ёзив сотмоғин ўйлаб,  
«Кетди» деб чақирап шундай ҳай-ҳайлаб,  
Ўзининг қошига эшагин бойлаб,  
Одамни нимкала<sup>3</sup> танийди кўзи,  
Пулли, бепулларга сотгудай ўзи,  
Уни эшитганди мендай канизи,  
Жавоб беринг турли ипак олайик.  
Уч юз олтмиш каниз билан борайик.  
Кўл қовуштириб энди сиздан сўрайман.  
Қизлар билан бирга-бирга борай ман.  
Бу сўзни эшитиб Орзигул дилбар:  
«Бепулларга у ерларда нима бор?  
Фойда қилса сотар бова савдогар,  
Майлинг, борсанг боравергин канизлар»,  
Орзигулдан бу саволни сўради.  
«Майлин» деб Орзигул жавоб беради.

<sup>1</sup> Қулоқ солинг.

<sup>2</sup> Қамида.

<sup>3</sup> Ҷала — ярим.

Уч юз олтмиш бирга юрган канизак,  
Дувуллаб қўшкидан тушиб келади.  
Бир нечаси ўйин бошлаб,  
Бир нечаси кўнглин хушлаб,  
Бир нечаси белин ушлаб,  
Ҳар зинада қадам ташлаб,  
Келаётири бу канизлар,  
Бир-бирини қўлини ушлаб,  
Олди паст кўшкига етди,  
Бовосини ўртага опти<sup>1</sup>  
Атторнинг хуржун қулоғин,  
Бир нечаси титаяпти.

«Қани бова, кўрайик» деб,  
«Айтинг, нархин, олайик» деб,  
«Қимматфуруш бўлсанг бова  
Орзигулга айтайик» деб.  
«Жўнроқ бўлса сенинг савдонг  
Бова, олиб қайтайик» деб.

Бова атторликни бошлар,  
Ипакни ўртага ташлар,  
Қутини қўлига олди:  
«Сақич десанг жуда мўлди(р)»,  
Буни кўриб кўп канизлар,  
Бир-бир чайнар<sup>2</sup> олиб чайнар,  
«Хўп барака топинг» дейди,  
«Баҳосини топинг», дейди.  
Пули билан иший йўқди(р),  
Сақичини ярми кетди,  
Торозини қўлга олиб,  
Энди бованг ипак тортири,  
Қизлар сайлаб олаяпти,  
Пули билан ҳеч иши йўқ,  
Олганга тортири бераяпти.  
«Пулли, бепулга баробар,  
Билсангиз мендайин аттор,  
Ола беринг санам дилбар».

Бу сўзни эшишиб:  
Бовом сотиб олиб келгандир,— деб бир неча қизлар  
пул чиқариб берди: «Пулинг оз-кўп» деган гапни бова-

дан ҳеч эшишибди қизлар. Пули бўлса ҳам бергиси  
келмаган, бовони анг<sup>1</sup> билган қизлар.— Келаберинг,  
боз келганда берамиз,— деди.

— Болам, майли, сенинг бўрбойингда<sup>2</sup> бўлса берасан,  
бермаганда уч-тўрт тол ипакни оласан, биздан нима  
кетади, бизнинг эшак билан хуржунимизни тортири ол-  
масанг бўлибди,— деб боваси ипак атторликни адо  
қилиб, кўп канизлар билан гаплашиб, диморини чоғ  
қилиб қайтди. Келиб энасиникида ётди. Эртанги чойни  
ичиб, таги эшакни ҳайдаб кетди. Яна олиб кечагидан  
ҳам зиёдроқ қилиб, бугун ҳам сотиб қайтди. Энди  
боваси уйралди. Бугун кечагидан ҳам кўп қилиб ортири  
борди. Одат бўлиб қолган қизлар бовани ўртага олиб:

— Балли бова, имон топгир, бу савдогарчилигингиз-  
дан кўп фойда қилгандирсиз? Шундай фойда қилиб,  
қиммат сота берсангиз, фойдангизга эшак билан хур-  
жунни ҳам бериб қоларсиз. Бу сўзни канизлар айтиб  
мазах қилиб ётиби. Орзигул баланд қўшкида туриб,  
бу бовани ҳар кун кўриб:— Бу қизларни уюр қилиб,  
ўз ишидан қолдириб, сотиқчи аттор бир ерда ўтириб  
сотармикан, бу ер бозор эмас, ё қизларни алдаб бир  
намарсасини олаётирма, мени уйралиб<sup>3</sup> бу чол дам-ба-  
дам келишида бир ҳикмат бор,— деб канизларга қараб  
бир сўз айтиб туриби:

Сотиқчини кўп ўртага олманглар,  
Олинглар, битта ҳам пулни берманглар,  
Курсин бу чод оша уюр қилманглар,  
Бу чол аттор бўлиб бунда юрипти,  
Бундан бошқа боргани ер қурипти,  
Сизларнинг барингни алдаб олади,  
Фойда қилгани-чун бунда келади.  
Устимга кийганим яшил-кўклиди,  
Бундан бошқа мазгил сенга йўқмиди?  
Ҳарна бор молини талаб олинглар,  
«Пул бер» деса айлантириб уринглар.  
«Дод» дегандা эшиптанглар сўзини,  
Ёш тўлдириб бунда икки қўзини,  
Молин талаб ҳайданг бунинг ўзини,  
Бундан бўлай, қурғур, бунда келмасин,  
Мундайин рўдадо уйралмасин,

<sup>1</sup> А н г — ҳеч нарсани тушунмайдиган.

<sup>2</sup> Бўрбойингда — қўнжинғда.

<sup>3</sup> Менга ўрганиб маъносидা.

<sup>1</sup> Олибди.

<sup>2</sup> Чайнам.

Кўшкининг остини расво қилмасин,  
Уриб ҳайданг, бу чол бунда турмасин.  
Канизлар, бу сенга насиҳат сўзим,  
Тушгани эриниб турибман ўзим.  
Қурғур чолни уриб ҳайда канизим.  
Не иш бўлса, қизлар, мендан сўранглар,  
Хуржуни, ёнини унинг қаранглар,  
Ҳар нима илинса бундан олинглар,  
Келганига гуноҳкор қил уринглар.  
Баланд тонгнинг бошин чалгандир туман?  
Атторман деб кунда келган беимон,  
Ҳарна борин тортиб олиб қурғурнинг  
Келганига қилиб кетсин пушаймон.

Орзигулдан сўзни қизлар эшилди,  
Эшилди бу замон қулоққа тутди,  
Бовасининг гирдин<sup>1</sup> қизлар олибди,  
Бир нечаси шўхлик қилди-да, ётди,  
Бованинг хуржунин кўчага отди,  
Бир нечаси келиб бовани тутди,  
«Ниманг бор?»— деб буни қараб ётибди.  
«Қариганда бундай қайтиб қоласан<sup>2</sup>,  
Ўзга ерга бормай бунда келасан,  
Билғин, бу ер Орзигулни кўшкиси,  
Ёш қизларни кўп томоша қиласан,  
Кет имонсиз, энди тайин ўласан».

Орзигул фармонини қизлар қилди,  
Ҳар нима илинса канизлар олди,  
Энди хуржун билан эшаги қолди,  
«Не бўлди, болам?»— деб энди боваси  
Шу замон ингриниб ўрнидан турди.  
Канизлар ҳайдади, бу йўлга солди,  
Энди эшак билан хуржунни олиб,  
Сўтасини қўлга ушлаб қабариб,  
Қизларнинг кўнглида борини билиб,  
Кетди боваси ҳам ўрнидан туриб.

Қайтиб манзилга бориб ётди, телпакни олиб қўйиб,  
Қадимги ҳусни камолига келиб турибди. Энаси туриб  
айтди:— Авазжон, қандай қилдинг?

— Қандай қилганимни билмайман, андай бўлдим,

<sup>1</sup> Гирдин — атрофии.

<sup>2</sup> Қоласан — бундай қилиб нима қиласан.

бу жуда шер қиз экан. Унча-бунчага кўнадиган эмас.  
У куни оқшом ётди. Эрта-метан Авазхон туриб айтди:

— Эна, нима қиламиш?

Энаси айтди:

— Қандай бўлса, отинг билан сен кўзга тушмай тур.

Мен бир ўзим йўлиқиб, Орзигулга гапириб кўрайин.

Орзигул ҳам буни кўп ҳурмат қиласа эди.

— Мен бориб келайнин,— деб эрта-метан туриб, Орзигулнинг кўшкига қараб юрди.

Орзигул:— Энам келаяпти,— деб баландда туриб, канизларини буюриб, олдига чиқиб, канизлар баландти кўшкига эргаштириб олиб чиқиб кетди. Орзигулнинг қошига ётди. Орзигулойим ўрнидан туриб, қаватидан жой бериб, буюрди. Канизлар дастурхон ёзиб, ҳар тури-туманлардан тортиди. Тортган таомидан еб дастурхонни йигиб узатди. Шунда Орзигулга қараб:— Сендан бир маслаҳат сўрамоққа келдим?— деб икки оғиз сўз айтиб турибди:

Мен йиглайман, худо дейман дод-дод,  
Ой Орзигул менга бергин маслаҳат.

Давлатим бор адрес, кимхоб кийганман,  
Ҳақдан келган ишга бўйним ийганман<sup>1</sup>,  
Илгаридан Гўрўғлига тийганман<sup>2</sup>,  
Неча ўй, неча кун даврон сурғанман,  
Бу элларда мен ҳам ўйнаб кулғанман,  
Ҳозир мён ҳам мамлакатда турғанман.

Бу қилған ишларим бўлиб омона,  
Бўлибди ажойиб бу йил замона,  
Келмай кетди бунда Гўрўғлихона,  
Қолган экан менда битта гумона.

Хон кетган сўнг ернинг юзига келди,  
Худо берди бизга шундай бир улди,  
Қўлингга об<sup>3</sup> юрсанг бундайин гулди,  
Гулдан зиёд сайраб турған булбулди,  
Ул болам менга бир жону дилди(р),  
Ҳусни ёруғ қиласа қоронғу тунди.

<sup>1</sup> Бўйин эшиш.

<sup>2</sup> Текканиман.

<sup>3</sup> Олиб.

Шу вақти эр етиб камолга келди,  
Үғли учун энаси ҳаракат қилди.  
Мамлакатда сулув кўпdir Орзигул.  
Қандайин сулувни айтсам олмайди,  
Паризод қизларни қабул қilmайди.  
Кечакундуз ҳаққа фифон этаман,  
Боланинг феълига куйиб кетаман,  
Куйганимдан Орзигулни олақол деб айтаман.

Орзигул деганда аччиқ қилади,  
Үр ёғини бермай юрган болади,  
Сени айтсам жуда ўрлаб қолади.

«Қурсин Орзигули, кўзи кўк» дейди,  
«Орзигулга менинг кўнглим йўқ» дейди,  
«Ўзимга бир сулув қизни топ» дейди,  
«Эна, менинг айтганимни бил» дейди.  
«Гўрўглидан қолган ёлғиз ул» дейди.

Бу сўзга Орзигулнинг нафси оғриб олди.— Сизнинг ўғлингизни кўрганим йўқ, қандай бўлса Гўрўглининг ўғли ҳеч кимдан кам эмас, бирорнинг дамини эмас, Гўрўглини ўғли бўлса, ҳар қандай иш бундан чиқади.

Кўзингизни очиб қаранг, эна, осмоннинг остида, ернинг устида мендан сулув қиз йўқ. Энди мени ҳам олиб берай десангиз, аччиғланиб қолса, Орзигулга кўнглим йўқ деса?— деди энасига.

Энаси айтди:— У ҳам сени аниқ кўрганим-кўрмаганини небилайин. «Меҳр икки кўзда» деган гап бор. Бир-бирингни ўтириш-туришда кўрганингда, бирорнингга меҳринг тушиб, сен тегмоқчи бўлиб, у олмоқчи бўлиб қолса ҳам ажаб эмас. Шу бола мени жуда гаранг қилди. Гўрўглини ўғли бўлиб, уйланмай юрганини одамлар ҳам маломат қилиб, мени жуда гаранг қилиб юрибди.

Орзигулойим туриб айтди:— Мени наҳ ургани менга ҳам жуда ботиб кетди. Бугун оқшом ўғлингизни баланд кўшкига эргаштириб келинг, бир ўтириш қилайик, қанча бор экан синайик, гаплашиб кўрайик,— деб энасина жўнатди. Ишни пишириб қайтгандай бўлиб, оёғи енгиллашиб энаси Авазнинг олдига етди. Авазхон айтди:— Эна, қандай бўлди. Бўри бўлиб қайтдингми, тулки?

Энаси айтди:— Орзигулнинг қошига кечқурун бора-

сан. Бўри-тулки бўлганимни биласан. Авазга бўлган воқеани билди. Кун кеч бўлди. Авазхон ҳам бормоқнинг ҳаракатин қилиб, бет-қўлини ювиб, сарпойларни кийиб, ўзига пардоз бериб энаси билан жўнади. Орзигул ҳам йўлга қараб, рўмолини дам-бадам бузиб ўраб, ўзига жуда оро-торо бериб туриб эди. Булар яқинлаб боргандан хабар олиб турган қизлар кўриб, баландга, кўшкига ияртиб чиқиб кетди. Орзигул кўриб, ўридан туриб, тўрга ишорат қилиб, остига заррин-зарбоғ кўрпачалардан солиб, ҳусни камолини кўриб, «айтгандан ҳам зиёдроқ экан» деб, тегмаса ҳам теккандай бўлиб:— Сиз Гўрўглини ўғли экансиз, мана, энангизни жонидили экансиз,— деб қуллуқ қилиб олтин коса, лаганларни ҳозир қилиб, тўлдириб шароб солиб, ўтириш қилмоқчи бўлиб, Гўрўглини ўғли деб иззат қилиб, канизларга косани бермай, олтин косани қўлга олиб, аллаёр айтиб косани узатиб, Авазга бу сўзларни айтяпти:

Аслинг билдим Чамбил хони,  
Бу ер Орзигул макони,  
Коса ушлаб толди қўлим,  
Сизга чопади кўнглим,  
Шул замон қосани олинг,

Маҳтал бўб турмасин ойим,  
Кўшкни айвон сайилгоҳим,  
Ўтиришли яхши жойим,  
Олинг, аллаёр-аллаёр!  
Келинг, аллаёр-аллаёр!

Борда очилган гулғунчалар,  
Холин билмас бир нечалар,  
Кўп канизим, ойимчалар,  
Чамбил хони бекбаччалар,  
Гулга ярашган нимчалар,  
Олинг, аллаёр-аллаёр!

Юрагимдан кетсин войим,  
Қизиқ бўлсин бунда ўйин,  
Қила бер қизларнинг тўйин,  
Олинг, аллаёр-аллаёр!

Орзигулнинг шулдир арзи,  
Чамбил элнинг добилбози,

Коса берар сарвинози,  
Уч юз олтмиш турган қизи,  
Олинг, аллаёр-аллаёр!

Узатдим коса, оз тұлмас,  
Ишиб бўлингда шағалмас,  
Маст қилмайин ойим қўймас,  
Жоним, аллаёр-аллаёр!

Сизга етгай айтган арзлар,  
Адашган бир-бирин излар,  
Қарнай, сурнай, нама чолиб,  
Сеторни қўлига олиб,  
Ўйинда бир хил канизлар,  
Мазгилини обод этиб,  
Авазга косани тутиб,  
Ичаётир Аваз ютиб.

Кечаси саҳарга борди,  
Ўйин ажаб қизиқ бўлди,  
Бир неча каниз ёнбошлаб,  
Маст бўлиб йиқилиб қолди,  
Кетини узмай Орзигул,  
Беради коса шу бугун,  
Мазгилимга меҳмон бўлган,  
Ўтириш мажлисин кўрган,  
Шундай бўлсин, дейди, даврон,  
Қетсин бу юракдан армон,  
Узатдим коса қўлимдан  
Олинг, аллаёр-аллаёр!

Берган шаробини ичди,  
Ой Орзигулга яқин етишди,  
Маст бўлайин, деди дилбар,  
Хушидан ўзи бехабар,  
Билолмайин айтган сўзи,  
Олмадай қизариб юзи,  
Ўтиришда қўлин солди,  
Чамбил элнинг добилбози.

Косани Авазхон олди,  
«Навбат, ойим, бизга келди,  
Шароб бергансан қўлингдан,

Хабар оларман ҳолингдан».  
Тўлдириб шаробни солиб

Орзигулга тута берди,  
«Ичинг энди, ойим, бўйингдан  
Сенга қурбон бекнинг жони».  
Ичган билан маст бўлмайди,  
Сир бермайди Чамбил хони.

Шундай бўлди ўлтиришлар,  
Маст бўп қолди кўп бувушлар,  
Коса тутиб Орзигулга  
Бунинг билагидан ушлар,  
Тимсол айтади Авазхон,  
Бир ўлтириш бўлди даврон,  
Коса беради Авазхон,  
«Сен ҳам билдим пари-пайкар».  
Олинг, аллаёр-аллаёр!  
Жоним, аллаёр-аллаёр!

Қолмас Авазнинг тоқати,  
Шулдир бу хоннинг меҳнати,  
Қўлга текса паризоти,  
Эсидади(р) мамлакати,  
Об кетмоқ Чамбил бекзоти.

Орзигулга сўзни айтди:  
«Миниб олсак бизнинг отди,  
Эрам боғдан хабар кепти».  
Бўлинг, аллаёр-аллаёр.  
«Сизга келган мендай элчи,  
Уртамиизда энам совчи,  
Бунда турган либосларни,  
Қўнгилдаги ҳавасларни,  
Кийинг, аллаёр-аллаёр!»

Юрагимдан кетсин армон,  
Эрам боғда кўшки айвон,  
Бўлинг, тонг отмай бу замон,  
Юринг, аллаёр-аллаёр!

Маст бўлмайди қайсар Аваз,  
Қизнинг ичиди добилбоз  
Орзигулга коса бериб,  
Сира маст қилмайин қўймас..

Орзигулнинг ақлин олиб,  
Аваз келди бунда голиб,

Бўйнига қўлини солиб,  
Оқ юзидан муччи олиб,  
«Юр, кетайлик Эрам юртга,  
Миниб олсак бизнинг отга».  
Энди тонг ҳам яқин қолди,  
Авазниң мақсади шулдир,  
Орзигулниң ҳуши кетиб,  
Нима деса қабул тутиб,  
Аваz ўғлон ўлтирибди,  
Булар билан суҳбат этиб.

Шунда канизлар бари маст бўлиб қолди, ўргада латан, косалар бўш қолди. Орзигул бўғини бўшаб, Аваzга ўзини ташлаб, қийшайиб, ёнбошлаб бу сўзни айтиётир:

Гап эшит, бегижон, айтган сўзимдан,  
Сира мени айрмагин ўзингдан,  
Қайда бўлсанг мен ҳам бирга бўламан,  
Сендан қолсам, хоним, тайин ўламан.  
Қайга борсанг мен ҳам бирга бораман.

Сен яқинлаб берироқ келгин бегижон,  
Қўнглимда борини маълум қиласман,  
Қандайин бўл десанг, бунда бўламан,  
Сенинг ёринг бўлиб даврон сураман.  
Бир неча номардга кўнглинг бермагин,  
Ёмонларга мени тенг қип юрмагин,  
Тонг отгунча бу кўшкида турмагин,  
Сенинг билан кетмоқ бўлди муродим,  
Харна қилсанг ўзингдадир ихтиёр,  
Оting бўлса олиб кел, минганинг тулпор,  
Тонг отмайин бундан кетмагинг даркор.

Аваz бу сўзни эшитиб, от-асбобини шайлаб келтирмоқнинг пайида бўлди. Аваz туриб отга кетди. Орзигул, хаёли қочиб, энасига бу сўзни айтияпти:

Худойим сақлагай бандани омон,  
Ҳаммадан айрилиқ савдоси ёмон,  
Ўтирган жўрамни қайга юбординг,  
Бу сўзимга жавоб бергин, энажон?

Бу ширин жонимга қилма жабрди(ни),  
Ўғлинг кетса менинг ҳолим ёмонди(r),  
Жуда менинг ақали ҳушим олади,  
Мени ташлаб қайда кетиб боради?

Умид қилдим мен, қошимда туар деб,  
Ўйнаб-кулиб бирга даврон сурар деб,  
Менинг бирлан бирга-бирга юрар деб,  
Қайда борсам мени олиб борар деб.  
Қўзимни очиб кўрсам юрагим доғлаб,  
Қайда борса энди борайин йўқлаб,  
Эна, қолдим сенинг ўғлинг сўроқлаб?  
Қаерга юбординг жони дилингди(ни),  
Жоним эна, менга раҳбар бўл энди,  
Нима бўлса бир яхшилик қил энди,  
Меҳрибоним, эна, сирни бил энди,  
Ўғлинг билан бирга қилиб юр энди.

Кўрмасам қолмайди сабру қарорим,  
Ўзимда йўқ, энажон, ихтиёрим,  
Қаерларга кетди сенинг шунқоринг?

Учкур бўлсан қанотимдан қайирма,  
Югрук бўлиб туёғимдан тойирма,  
Бир лочин ўғлингдан мени айрма,  
Қайда кетса, эна, бошла; юр энди,  
Хаяллама, жоним, эна бўл энди.  
Сен яқиндан, меҳрибоним кел энди.

Хўб ўтириш бўлди бунда аросат,  
Ахир бўлиб энди тарқалди суҳбат,  
Аввал сен ўғлингни қилдинг таърифат,  
Қўнглим юғрук мен ўғлингни қилиб ёд,

Эшит эна, Орзигулниң сўзини,  
Ҳар ким кўнгли мард билмасми ўзини,  
Ташлаб кетибди ў сарвинаозини,  
Қаёққа юбординг добилбозини?  
Қайда бўлса бирга-бирга борайин,  
Пастга тушиб мен хонимни қарайин,  
Ҳар кимсадан сўроғини сўрайин,  
Юргин, эна бирга-бирга борайин.

Бу сўзни Орзигулдан эшитиб, ўрнидан турғизиб, зар-зарбоф, кимхоб либослар кийгизиб, ароқ хаёлини олиб қочиб, нима деса айтганига кўниб, «Жони бўлса Аваz ҳам отини ростлаб келгандир»— деб энаси гумон қилиб, далага чиқиб қаради. Аваz ҳозир бўлиб турган экан. Энаси бир майин кимхобдан бўлған кўрпачани

олиб келиб отнинг устига солиб, қайтиб кўшкига бориб: «Тур, келди» — деб Орзигулни турғазиб олиб, қўлтиғидан ҳимо бериб тушириб, пастки кўшкига олиб келиб:— Қаёқда деб йўқлаётib эдинг, мана, шу ерда экан, қўлингни бер,— деди. Кўлинни узатди. Аваз от устига узангига бёғини тираб, маҳкам билагидан ушлаб тортиди. Паст бетдан кўтариб, ёри бериб ётиби. Энасини ёрдами тегиб, мастиликда Орзигул ҳам отнинг белига миниб қолибди.— Эна, кўшкида ўтирибмизми?— депти. Энаси айтди:— Ҳозир ҳуши ўзида йўқ экан. Бу Фиротнинг шамоли зўр, тағин юмалаб қолмасин — деб бир пўта билан, шаҳардан чиққандан кейин ўзи ечиб оларда деб, Орзигулнинг белидан ўраб, Авазга жисплаб бойлаб:

— Хайр, болам, энди яхши бор, энангнинг хизмати шу-да,— деб икки оғиз сўз айтиб туриби:

Майдон бўлса сотар эдинг ширин жон,  
Олмосингдан қуяр эдинг қизил қон,  
Орзигулинг омон борсин Авазжон,  
Турмай бундан Чамбил элига борсанг,  
Юрт эгаси хон отангни сўрагин,  
Шундай бўлди бу энангнинг хизмати.

Чамбидаги хон отангнинг ҳурмати,  
Омон-эсон боргин бегнинг фарзанди,  
Бандасан, ҳамиша бўлгайсан омон,

Кейнингга мингашган шундайин жонон,  
Хуш келибсан, яхши боргин Авазжон,  
Ҳарна десанг айтганингга кўндиридим,  
Қон бўлсин деб оқ юзини тилдиридим,  
Алдаб-сулдаб Фиротингга миндиридим,  
Омон-эсон боргин Чамбил юртингга.

Кейнингга мингашди, шундай гажакдор,  
Малойик суратли гул юзли дилбар,  
Уч юз олтмиш канизлари бехабар,  
Орзигулман мамлакатга омон бор,  
То кўргунча, жоним болам, аллаёр!

Авазхон йўл билан уриб бораяпти. Баланд кўча, паст кўча, рост кўча, тор кўча, кенг кўча билан юриб гира-ширада чиқиб кетаман деб дарвозага етди. Борса

дарвоза берк турибди, ҳали очилгани йўқ. Авазхон ён-ёқка қараб туриб, қўрбошини сўраб, бу сўзни айтиб турган экан:

Отимни ҳоритар тоғларнинг тоши,  
Майдонда кесилар душманнинг боши,  
Қиёматча бўлар марднинг саваши  
Келиб дарвозангни очгин, қўрбоши.

Тўрғай чулдираб тонглар отиб келади,  
Шу вақтгача дарвоза берк турами?  
Каж айлаган шум фалакнинг гардиши,  
Илойим қурисин подшонгнинг иши,  
Маҳтал бўп турами бу келган киши,  
Дарвозангни очгин, бова, қўрбоши.

Қаторга тиркалган лўкча нормисан,  
Қўрмоққа бир неча интизормисан,  
Маҳтал бўлиб мен сўрайман бу ерда,  
Баччағар, қўрбоши, бунда бормисан?

Мёни бунча мазах этиб турасан,  
Аччиғлансам армон билан ўласан.  
Энди билдим, кун чиққанда келасан,  
Бу шаҳарда ё қўрбоши бормисан?

Ишим чиқиб бемаҳалда бораман,  
Сени сўраб, кўлми бунда тураман,  
Елғиз эмасман, мингашганман отимга  
Топсам сени энди нобуд қиласман,  
Менинг ўзим йўлдан қолиб бораман,

Олис йўлга юрадиган йўлим бор,  
Безовта бўлди остимда тулпор,  
Қўрбоши, келмайсан, бўлдинг гуноҳкор,  
Тонг отмай эшикни очмоғинг даркор,  
Шу вақтгача ётиб сенга нима бор.

Сенинг бу ишингни подшонг билмайми?  
Қўрбошилар дарвозада турмайми?  
Тонг отмай эшикни очиб юрмайми?  
Подшонг билса сени нобуд қиласми?

Очгин дарвозангни, бова, қўрбоши,  
Кўп сўйладим қулоғингга кирмайми?

Дарвозадан келиб хабар олмайми?  
Мажнунсифат ҳеч нимани билмайми?  
Ҳаялламай тезроқ келсанг бўлмайми?

Қўрбошилар бу сўзларни эшитиб, бирор-бировига хабар қилиб:— Бемаҳалда юрган қандай савдогар,— деяётир. Унга бирори айтади:— Ҳайдаган моли йўқ, бир хотинни миндириб юрган баччағар, дунё топган тентакдай дарвазадан ғалва қилибётир, ҳар турли сўзи ни айтаётир, ўз авонда<sup>1</sup> ғалва қилаётир.

Бирори туриб айтди:

— Тонг яқинлашгандир, шуйтиб мингашиб юрганди, бориб дарвозани очиб юбор, хотинини миндириб қайси гўрга борса, шу гўрга борсин. Бу дарвазадан, минг одам кириб, минг одам чиқади. Баланд-паст сўзлашиб, буни қайсиси билан гаплашиб юрасан. Бу сўзни эшитиб, ўрнидан туриб, дарвозани очмоқчи бўлиб, бу сўзларни айтаб кела берди:

Сен эрталаб тура келиб ўлдингми?  
Хотин мингаштириб одам бўлдингми?  
Сен баччағар ҳар дурингки сўйладинг,  
Хаёлингда мени аҳмоқ билдингми?

Ўз шаънингга одамман деб юрибсан,  
Бемаҳалда бир бедовни минибсан,  
Гапирар гапингни тайинни билмай,  
Ўз шаънингга бунча лофи урибсан?

Сен ўзингни одам чоқлаб турибсан,  
Кўп бўлур дунёда сендейин сарсон,  
Биз қўрбоши, шаҳаншоҳда хизматкор,  
Ўз ўйингман қайтиб дейсан гуноҳкор?  
Биз билан подшонинг нима иши бор,  
Ҳолинг билиб турсанг бўйми<sup>2</sup> баччағар.

Вақти бўлса қўрбошилар келади,  
Бемаҳал айтганинг қандай қиласди?  
Вақти бўлса сенга очиб беради,  
Сен ҳам бир элдаги аҳмоқ болади(р),  
Сендей аҳмоқ элда нима қиласди?  
Келганча турсанг бўлмайми, баччағар,  
Ана энди келди бу қўрбошилар,

Очиб берай қайд<sup>1</sup> борсанг шунда бор,  
Ўз шаънингга сен ғўддайиб турипсан,  
Неча сўзни менга лофи урибсан,  
Бир аёл миндириб катта бўлибсан,  
Ҳолинг билмай бу ерларда юрибсан.  
Бу сўзларни айтиб энди қўрбоши,  
Дарвазага у яқинлаб келади,  
Дарваза қулфини очиб беради.

Авазхон отнинг бошини буриб, ўз йўлига кириб, шаҳардан чиқиб кетди. Бораётуб Орзигулойим кўзини очиб:— Мен кўшкида ўлтирибман десам, қаерда юрибман?— деб Авазга қараб, икки оғиз сўз сўраётгани:

Ҳаво ёғиб ҳалқоб ерлар лойлансин,  
Ҳар ерда душманинг қўли бойлансин,  
Жасадингдан мендай ойим айлансин,  
Не ерларга келиб қолдик давлатли шунқор?  
Юришингдан менга бергайсан хабар?  
Қўнглим тиниб мен бўлайин барқарар,  
Қайда қолди хизмат қилган канизлар?  
Шундай бўлди менга ҳақнинг фармони,  
Оҳ тортса қурийди тандан дармони,  
Қолди сирли устун, кўшки айвони.  
Мен билмабман, хоним, қиласи ишингни,  
Бўлак юртга ғариб қилиб бошимни,  
Қўрмадим оқшомги ўлтиришингни,  
Хабар бергин, хоним, қайда борасан?

Миндирибсан Орзигулдай санамни,  
Ўтга ёқма мендай санамни.  
Мен кўрмабман розилашиб энамни.  
Пушаймон қиб тўкиб кўздан ёшимни,  
Мен кўрмайин қолган тенгу тўшимни,

Элда қолган қавми қариндошим,  
Бирга юрган ёри жўра, дўстимни,  
Хабар бер, бегижон, қайга борасан?

Менга хабар бергин исми зотингди(ни),  
Қайси шаҳар сенинг мамлакатингди(р),  
Мен билайн ўйнаб-ўсган юртингди(ни),  
Хаёл билан мен минибман отингди(ни),  
Хабар бер, бегижон, қайда борасан?

<sup>1</sup> Қайд — қаерга.

<sup>2</sup> Бўйми — бўлмайдими.

Бу сўзни эшитиб Аваздай қайсар:  
 «Сенинг ҳам ўйлаган ўйларинг бекор,  
 От ўйнатиб Эрам боққа бораман,  
 Отга солиб арпа билан ийирди,  
 Қор ёққанда карвон солар чийирди,  
 Орзигулни олиб кел, Эрамда —  
 Юнус билан Мисқол энам буюрди,  
 Энамнинг амрини тутиб келаман,  
 Сени олиб Эрам боққа бораман,  
 Олиб бориб шул энамга бераман,  
 Эрам боғдан мени энам буюрган.

Кетдим деб йиглама гулюзли дилбар,  
 Ҳар ерда сеникайдай маконлар,  
 Беҳуда сен хаёлингни бўлмагин,  
 Кўнглинг бўлиб оғир-енгил бўлмагин».  
 Бу сўзни тасалли бериб Авазхон,  
 Жўнай берди отни қичаб бу замон,  
 Қулоқ соп эшитинг айтган нолага,  
 Ойим тегиб қолди шундай тўрага,  
 Аваз ўғлон Орзигулни миндириб,  
 Чиқиб кетди энди шундай далага.

Тоза бўлди дардимиз деб,  
 Юзга урар гардимиз деб,  
 Кеча-кундуз йўл тортади,  
 Ҳозир Эрам юртимиз, деб.

Тай<sup>1</sup> қилиб дашти даласин,  
 Қўрмай айрилиқ балосин,  
 Қўринг Чамбилнинг тўрасин,  
 Шабгир тортиб бораётир,  
 Олмоқчи элнинг қорасин,  
 Ҳой равшан кўзини ёшлаб,  
 Фирот боради ангишлаб.

Урганда қамчи қулочлаб,  
 Ирғиганда яшил ташлаб,  
 Ҷўлларда кетиб боради,  
 Авазнинг кўнглини хушлаб,  
 Дубулға бошда дўнгиллаб,  
 Белда беллиги иркиллаб,  
 Чор ойна, қалқон ярқиллаб,

Тилла поянак урилган,  
 Узангиларга ширқиллаб,  
 Шуйтиб Авазхон йўл тортди.

От оёғи қоққан қозик,  
 Сағри букуш, бағри ёзиқ,  
 Биқинлари қиздан нозик,  
 Ҷўлларда кетиб боради.

Хонни суриб олиб қочди,  
 Фарқинидан қўпик қочди,  
 Ангар-ангур олиб қочди,  
 Миндириган шундай бувушди,  
 Энди ҳуши ўзига кеп

Бу ҳам кўзин катта очди,  
 Орзигул шуйтиб мингашди,  
 Неча марта беллашди,  
 Отдан тушмай йўл тортди,  
 Остидаги Фироти қўзлаб тишлар,  
 Очказаман<sup>1</sup> дарбантди,  
 Шуйтиб Аваз йўл төртди,  
 Миндириб паризотди.

Чамбил юрти эсга келиб,  
 Тоҳ вақтларда ғамгин бўлиб,  
 Янадан таваккал қилиб,  
 Кўнгил ғуборин кўтариб,  
 Аваздай номдор боради,  
 Ҷўлларда шўхлик қиласди.

Қайдасан деб Орзигулга,  
 Ҳудой ўнглаб келдинг қўлга  
 Менинг билан юрдинг бирга,  
 Чиқиб кетдинг узоқ йўлга,  
 Уйнаб-кулсак бир мазгилга,  
 Ишинг тушган мендай зўрга,  
 Шундай тегишиб кирав чўлга.

Бораётир эрдай бўлиб,  
 Ҳар яғрини қирдай бўлиб  
 Тоғда ақирған<sup>2</sup> шердай бўлиб,

<sup>1</sup> Қезиб.

<sup>1</sup> Очказа — чўлдаги тор йўлча.  
<sup>2</sup> Ҳайқирган.

Фиротнинг устинда кулар,  
Орзигулман бирдай бўлиб,  
Йўл тортади шундай қилиб,  
Бир кун Эрам боқقا кириб,

Қамчи урди минган тўбичноғига,  
Етсам дейди Эрамнинг чорбоғига,  
Барақалло Чамбилнинг қучоғига,  
Орзигулдай бу дилбарни миндириб,  
Хуфтон чоғда келди Эрам боғига.

Авазнинг келганини билиб, билганлари билмаганга хабар қилиб, Оға Юнус, Мисқол пари бош бўлиб, ўзга қизларни отдан тушириб олди. Неча кундан бери от устида йўл тортган, жуда беллари қотган, ерга тушиб оёғини босолмай ётган. Шунда канизлар, неча қизлар олиб кетган, кўшки, ўлтириш мазгил жойига етган. Шу кечаси (Орзигул) чарчаб келиб индамай ётди. Эрта-мертан тонг отди. Дамини олиб кечагидан дадиллашиб қолиби.

Неча шаҳарларга хабар кетган эди, булар ҳам хатхабарни эшишиб, ҳар тарафдан келяпти. Ҳаммаси келиб, қизлар йиғилиб, Орзигулни ўртага олиб, кўшки мазгил жойга бошлаб борди. Кўриб-кўришиб, эрта-мертан Аваз ҳам боғи Эрамни энди томоша қилди.

Кўрди, боғи Эрам бир ажойиб жой, ранг-баранг гуллар очилиб турибди, хўб гулистон экан.

Юнус билан Мисқолдан қирқ шаҳарга хабар кетган эди. «Гўрёғли ўлибди, Юнус, Мисқол паридан хабар келди, биздан фотиҳа лозим бўлибди. Қандай бўлса, ҳат келгандан сўнг борайик, жаҳонни сайр этиб, бир томоша қилиб келайик»,— деб шаҳардан келяпти. Лекин бу ишдан Авазни кўнгли тўляяпти. Йиғилиб, ҳаммаси бир-бирининг сиру аҳволини сўраб, жам бўлибди. Энди Чамбил жўнамакнинг ҳаракатида бўлиб:— Бул келган меҳмонларнинг шаънига бир ўтириш қилиб, саҳардан кейин йўлга кириб борармиз,— деб маслаҳат қилиб, ҳаммаси Чамбил бормоқчи бўлиб, Оққиз «мен ҳам бораман» деб турар, «Аваз мени олар» деб умид қилиб юри(р).

Бу ўтириш мажлисининг шаънига бир-икки сўз бўлиб тури(р):

Ойдан ғолиб париларнинг жамоли,  
Бошида пир-пирлар, ловдан рўмоли,

Етилган бариси хўп баркамоли,  
Йиғилиб Эрамга бариси келди.  
Эрам боғи бунда барқ уриб қолди.

Бу кўшкига шундай қизлар йиғилди,  
Фижжак, балабон, нағмалар қўйди,  
Бирин-бирин бошлий берди ўйинни,  
Қизларнинг сұҳбатин Авазхон кўрди,  
Ў қизларнинг сұҳбатида ўтириди.  
Авазнинг жамоли ундан кам эмас,  
Бу ўйинда ҳеч кимсадан дам емас.  
Хизматида неча қизлар туради,  
Ҳар замонда Орзигулга қаради,  
Орзигул ҳаммадан ғолиб келади,  
Авазнинг кўнглидан шу гап ўтади;  
«Омон-эсон элтсам Чамбил элима,  
Орзигул факирнинг тани бўлади».  
Турган қизлар бир-бириман дўст бўлиб,  
Бири баланд, бир нечаси паст бўлиб,  
Ҳаммасига Оға Юнус бош бўлиб,  
Шу ўтириш қизиқ томоша бўлди,  
Ўтиришдан барининг кўнгли тўлди,  
Оқшом кеча энди саҳарга борди,  
Ўтириш сұҳбати бул охир бўлди.  
Шу вақтда яна тағин келтирди,  
Об келган таомни бу қизлар еди,  
Чамбил жўнасак деб ихтиёр қилди,  
Дастурхони даҳмазсанг кўтариб олди,  
Қирқ паризодлар бунда жам бўлди,  
Жўнамоқни энди ихтиёр қилди,  
Битта-битта капитар либос келтирди,  
Бул ишларни Аваз кўриб ўтириди,  
Исми ёд дуони ўқиб парилар,  
Қирқ учта шул замон кўк капитар бўлди.

Аваз Фиротнинг айил-пуштанини қаттиқ тортди. Фиротнинг устиға минди. Чамбилга кетарини Фирот ҳам билди. Тўрт ярим газ қанотини ёзиб, бу ҳам учмоққа парвоз қилиб турди:

Шундай бўлди арзи додлар,  
Қирқ учта капитар бўлиб,  
Парвоз қилди паризодлар,  
Кўрингиз, Фиркўқдай тулпор,  
Парилар билан баробар,

Қўнда учади жонивор,  
 Солиб бу замон жафолар танга,  
 Аваз минган Фиркўдайин тулпорга,  
 Парилар ҳам учиб кетди осмонга,  
 Қарамайди бунда баланд-пастига,  
 Париздолар ўйин қилиб бу замон,  
 Гоҳда чиқиб кетар булат устига,  
 Қирқ уч кантар отнинг гирдини олиб,  
 Учар олис йўлларни яқин қилиб,  
 Аваз бораётир Фиротни миниб.  
 Қўринг назаркарда бегнинг Фироти,  
 Учар қушман бунда баробар бўлиб,  
 Эсига тушади Чамбил элати,  
 Қичаб бораётир бекнинг фарзанди.  
 «Кетганимга анча вақтлар ўтганди,  
 Бег отам, йўлимга қараб ётганди,  
 Етайик ул замон Чамбил элига,  
 Тақдир қилди миндим отнинг белига,  
 Сўз айтилмас номардларнинг шаънига,  
 Отам қолиб эди қайғу ғамига».  
 Шутиб Аваз паризодман йўл тортди,  
 Бало тоққа бари бир куни етди,  
 Бало тоғда қўниб маслаҳат этди.

Шунда Аваз энасига айтди:

— Эна, булар азиз меҳмон экан, шу туришда Чамбил бориб қолсак, ўйлайман, ҳеч тўғри келмайди. Қадимдай шаън-шавкат, беглик, давлат бизда йўқ. Меҳмонлар билан сиз аста-секин бора берсангиз, мен Фиротга қамчи урсам, не бўлса қичаб юрсам, сизлардан бурун Чамбилга бориб кирсам. Меҳмонлар қўнадиган бир жойи ороста созлаб турсам.

Юнус, Мисқол ҳам:— Маъқул айтасан,— деди.  
 Аваз:— «Шундай бориб қолсак, мабодо отамнинг бир ерда юрганини кўриб қолсак, булар қайтиб кетиб, ишни қийин қилиб қўймасин», деб шумлик ўйлаб эди.

Авазхон илгарироқ Чамбилга жўнай берди. Бу сўзни Аваз ўйлаб бораётир:

Қулоқ солса, менинг айтган тилима,  
 Ўнгланиб парилар келди қўлима,  
 Бориб хабар берсам Чамбил элима,  
 Яшиндай бўб жўна, назари тулпор,  
 Кейнимиздан этишмасин парилар,  
 Бу сўзларни айтиб, Аваз зўравор,

Қичаб бораётир Чамбил тўраси,  
 Кўз юбортуб Аваз ўғлон қаради,  
 Ярқираб кўринди Чамбил қалъаси.  
 Ҳар замон кишнайди минган тулпори,  
 Само берар энди еру кўклари,  
 От товуши Чамбил элга етади.  
 Чамбил элда Гўрўғли номдор,  
 Тўрт яrim лак бедовсивор амалдор,  
 Отнинг товушини эшидти беклар,  
 Қалъадан ташқари чиқди амалдор,  
 Эрам боғдан қайсар Аваз келди деб,  
 Фирот келди, Чамбил обод бўлди деб,  
 Балли Аваз, иш кўрсатиб келди деб,  
 Эрам кетган тулпор яна келди деб,  
 Келаётир Авазхондай зўравор,  
 Барини сардори Гўрўғли бекзод,  
 Авазман Фиротни кўриб валламат;  
 «Парвариш кардани жони танамми,  
 Юрагимдан кетган доғи аламми?  
 Бегихонлар, бирдан қаранг бу йўлга,  
 Келаётган Авазхондай боламми?  
 Худойим берганди барчаға дармон,  
 Кетди юрагимдан ғам билан армон,  
 Алҳамдулло келаётган Авазхон,  
 Эшиггин, амалдор, беглар, ноламни,  
 Обод қилар мунда кулба хонамни,  
 Келаётган Авазхондай боламди (р),  
 Кўнглим бўлиб юз пора,  
 Аваз кетиб, мунда мен ҳам овора,  
 Амалдорлар бирдан қара».  
 Бу сўзни шу замон Гўрўғли айтди,  
 Фиротни ўйнатиб Авазхон етди,  
 Авазнинг келганин бу беклар кўрди,  
 Қулоч ёйиб бари олдига келди,  
 Авазхонни отдан кўтариб олди,  
 Фиркўк отни амалдорлар етаклаб,  
 Эрамни кўрдинг деб, отга сўйларди,  
 Терини қотириб отни бойлади.  
 — Оҳ урганда, сўзлайдиган сўзим деб,  
 Чамбилбелда кўрадиган кўзим деб,  
 Гўрўғли бағрига босди бул замон —  
 Омон-эсон кўрдим Аваз қўзим,— деб.

Шунда ҳар тарафдан амалдор, беклар қелишиб, кўришиб, Авазхон айтди:

— Гапни сўнгроқ сўзлашамиз, ҳозир энамларни ҳам олиб келаётиман, улар учар қуш, бир дамда келиб қолиб, сизни кўриб, менинг гапим ёлғон бўлиб, қайтиб кетиб юрмасин. Сизни ўлди деб, алдаб олиб келаётиман. Қанча яхши паризод қизлар ҳам бирга фотиҳага келаётир. Энди ота, Таваккал горига юринг, деб Авазхон отасини Таваккал горига олиб бориб, Таваккал горига ўлиқ суратида чалқарма ётқизиб, устига пўстинини айқара ёпиб қўйди. Аваз отасини созлаб, Таваккал горидан чиқиб, ҳеч нимани кўрмагандай бўлиб, ўрдага келиб, яхши палослар солиб, созлаб турди.

Шу вақтда гуруллаб, қирқ учта қантар — булар ҳам келиб қолди. Чамбил ўрдасига қўниб қолди. Қантар либосини ташлаб, қадимги ҳуснига келиб, Чамбилда бир ой туққандай бўлиб қолди. Ҳамма бекларни кўриб, Гўрӯғлини кўрмай, парилар дилтанг бўлиб айтди: Ҳай дариг, тириклиқда қадрини билмабмиз, ўлгани рост экан, розилашиб қолмабмиз. Авазхон, отангни ўлиги қайда? Авазхон айтди:

— Мен сизларга кетган вақтимда отамнинг ўлигини Таваккал горига ётқизиб, устига пўстинини ёпиб қўйиб кетиб эдим. Бирор нарса дахл қилмаса ҳали ҳам ётгандир.

— Бўлмас иш бўлибди. Энди бизни отангнинг ўлигига бошла. Энди ўлигини бозор қиласайлик.

Шунда Аваз: «Хўп» деб фотиҳага борган паризодлар билан энасини эргаштириб, Таваккал горига борди.

— Шунда, қўрқмай кира берингизлар, деб Аваз отасининг жонини тилаб, бир сўз айтиб турибди:

Қани тангрим берса, отам жонини,  
Кўрса отам бундан кетган ёрини,  
Қайта бошдан бунёд бўлиб дунёга,  
Обод қилса, Чамбил деган шаҳрини.

Муножотим ҳаққа қабул бўлсинда,  
Жаббор эгам отам жонин берсинда,  
Бандам дегин, раҳм айлагин илоҳим,  
Отамнинг жонини бергин, худойим.

Отам ўлди йўқлаб келди парилар,  
Оtingдан ўргилай, ҳақ парвардигор,  
Сунъингдан оламни яратган жаббор,  
Отамнинг жонини бер, парвардигор.

Бу сўзларни айтиб, Аваз кўнглин хушлади,  
Кўп қизларни илгарига ўтказиб  
Аваз аста ўзин кейин ташлади.

Аваз ўғлон ғор оғзини олади,  
Кўп қизларни Аваз ғорга қамади.  
Отасин жонини тилаб турари,  
Шу замонда, кўринг, паризод қизлар —  
Ўликнинг қошига яқин боради.

Фалак титрар парилар нолишига,  
Ёқаси ҳўл кўздан оққан ёшига,  
Садир тепиб йиғлаб Юнусман Мисқол,  
Бориб қолди Гўрӯғлининг қошига,  
Ғорлар само<sup>1</sup> қиласар бу товушига.  
Ётган бу ўликка шундай қаради,  
Во тўрам, деб садир тепиб йиғлади,  
Аваз худо дейди ғорнинг оғзида,  
Отасининг жонин ҳақдан тилади.

Париларнинг «тўрам» деган товуши,  
Хоннинг қулоғидан ўтиб боради.  
Фотиҳага борган қизлар қаради.  
Мисли пўстин қўзғалгандай бўлади,  
Бир неча сесканиб кейин туради;  
— Улик қимирлади,— деб ҳадик олади.  
Билмагани ўз бошига йиғлади,  
Юнус, Мисқол кўп муножат қиласи;  
«Неча вақт сен билан даврон тутдим деб,  
Аҳмоқ бўлиб Эрам боққа кетдим деб,  
Уларда сўзлашмай қолдим, бегижон,  
Ўлигингни кўриб қонлар ютдим деб».  
Бу сўзни айтиб йиғлар шу замон дилбар,  
Хонни безовта қилди кўп қизлар,  
Жафо тўғи бу кун жондан ўтади.  
Гўрӯғли бошида йиғлаб ётади.  
Париларнинг «тўрам» деган товуши  
Гўрӯғлининг қулоғидан ўтади.

Шу аснода йиғлай берди парилар;  
Пўстинни кўтариб турди у шунқор,  
Дувуллаб қочди бу парилар,  
Қўрққанидан ўзини урап.

<sup>1</sup> Само — садо, ақс садо.

Форнинг оғзин олиб турган Аваз бор,  
Париларни бунда қамаб қайтарар,  
Фордан чиқолмайди ҳеч қайси қизлар,  
Авазнинг жуда ҳам вақтихуш бўлар.  
Менинг муножотим қабул бўлди деб,  
Отамнинг жонини тангри берди деб,  
Шукрилулло юртим обод бўлди деб,  
Бу дунёга қайта бошдан келди деб,  
Қайта бошдан яна ёрин кўрди деб.  
Қулоқ солинг бундай қылган ишига,  
Хурккан қўйдай тўпланибди парилар,  
Боролмайди Гўрўғлиниң қошига.

Гўрўғли инграшиб ўриидан турди,  
Улган одам қайта бошдан тирилди,  
Турибди Гўрўғли қовоғин уйиб,  
Устига ёпинган пўстинни кийиб,  
Файрати кучини билакка йиғиб.

Париларга ёмон кўзман қаради,  
Париларда тобу тоқат қолмади.  
Балки париларга қилди сиёсат,  
Паризод қизларда қолмади тоқат,  
Паризодга таъзир бермоқ бўлади,  
Аччиқланиб Мисқолойга қаради,  
Улик тирилган сўнг шундай бўлади,  
Бу парилар аланглайди бу замон,  
Гўрўғлиниң сиёсат-зарби ёмон,  
Яқинлаб стишди энди Авазжон,  
Гуноҳидан ўтинг, дейди отажон.

Жаббор эгам берди сенинг жонингни,  
АЗоб берма бундан кетган ёрингни,  
Обод қилгин энди кирдикорингни,  
Қайтадан дунёни кўрган отамсан.

Сайр этиб неча вақт Чамбилда юрдинг,  
Неча вақтлар у дунёга ҳам бординг,  
Менинг муножотим билан тирилдинг,  
Қайта бошдан кетган ёрингни кўрдинг,  
Қайтадан ёрингни кўрган отамсан.

Омон-эсон бунда ёрингни кўрдинг,  
Сен ҳам ўлиб Таваккал горингда қолдинг,  
Еринг билан, ота, тулпоринг келган,

Сенинг ўлганингни Эрамда билган,  
Бунинг бари излаб келган қадрдон,  
Қадрдон қизларни кўрган отамсан.

Қулоқ соп эшиггин айтган иолама,  
Банда кўнар ҳақдан келган чорага,  
Таъзир берма бунда келган паризодлара,  
Аваз ўғлинг келиб тушди орага.

Сен ўлган сўнг қолдим худойга йиғлаб,  
Мен жонингни олдим худодан тилаб,  
Бир гап билан энам кетган ўпкалаб,  
Қайтадан дунёни кўрган отамсан.

Кўнглинигдан кечиргин чери губорни,  
Мунглиқ бу қизларниң қандай гуноҳи  
борди(р),

Гуноҳкор қўлмагин, энам ночорни,  
Қайтадан дунёни кўрган отамсан,—

деб отасини кўндириди. Гўрўғли:— Мен ўлиб, неча вақт  
бу горда қолибман. Улик тиригимни билмай маст бўлиб  
ётибман. Кўзимни очиб, буларнингчувлаб ётганини  
кўриб, бу нима аломат деб ҳадик олиб, шуйтиб сиёсат  
билан буларга назар солиб, буларнинг хаёлини қочир-  
дим,— деб паризодларни ияртиб, Аваз, Гўрўғли ўрдага  
келди. Борган меҳмонларга қанча зиёфат қилиб, кўнг-  
лидан чиқарди.

Фирот якка михда бойловли турибди. Бир кишинади,  
ср-кўк само бериб, ҳар шаҳарга кетди. Фиротнинг тову-  
нини эшитиб, кетган одамлар:— Чамбилга Фирот ке-  
либди, Чамбил бўлакдан обод бўлибди,— деб кўчиб  
келаётиди.

Шунда Гўрўғли Авазга қараб:

— Авазжон, энди бу келган меҳмонларга ҳам жавоб  
йўқ, яхши ов қилиб келдинг, инсоғ қилсанг энангдан  
ҳам рози бўлдик. Икков эди, қирқ учта бўлиб келди.  
Бул ҳам худонинг бериши,— деб кўнглини хушлаб,  
пойтахта чиқиб, амалдорларни йиғиб, уларнинг келга-  
нига тўй-томоша бошлаб турган экан:

Элу халқа қолмай хабар беринглар,  
Катта-кичик халқни йиғиб олинглар,  
Қайтадан дунёга келгандай бўлиб,  
Элу халқа тўй-томоша беринглар.

Олтин отиб, олтин қобог оттириб,  
Ўйин қилинг, карнай-сурнай тортириб,

Тўйхонага яхши уйлар ёптириб,  
Кўпкари қинг, бунда улоқ чоптириб.

Яхши сўқим, иёча қўйлар сўйинглар.  
Бевао бечора қолмай тўйинглар,  
Шундай қилиб, яхши тўйни қилинглар,  
Ҳаялламай дарров ўзоқ ўйдириб,  
Кечга қолмай сўқимларни сўйдириб,  
Шундай қилиб, тўй бошланглар, амалдор.  
Туркман халққа айтувчилар жўнади,  
Иш бошида сипойилар туради,  
Туркман халқи кўп йиғилиб келади,  
Йиғилиб сатта бекбачча,  
Бир нечасин тили гачча,  
Йиғилишган сатти нарча,  
Кўпкарини чопиб ётар,  
Бир мингдан зиёд бойвачча,  
Чортоқ қилиб ташлаб турар,  
Жўсам сарка ола поча.  
Бир кўпкари бўлганди анча,  
Оқшом тарқаб ётар мунча,  
Тўй бўп ётди қирқ кунгача.  
Ушбу кунда тўйлар охир бўлганди,  
Не одамлар тўйдан сарпо олганди,  
Хон Гўрўғли шуңдай бўліб турганди,  
Юнусман Мисқолни ўзи олганди,  
Даллийни Ҳасанхонга берганди.  
Орзигулни бул ҳам яхши кўрганди,  
Олгин деб Аваzга айтиб турганди,  
Иш кўрсатган шундай жону дилига,  
Орзигулни олиб берди бу замон,  
Олиб келган Аваzхондай улига.  
Фотиҳага борган қирқта парини,  
Қирқ йигитга битта-битта беради.  
Паризод қизлардан олиб йигитлар,  
Аваzнинг ишига қойил қолади,  
Аваzнинг ҳақига дуо қиласди.  
Чамбilda билда бул ишни эшитган беклар,  
Аваzни кўрганда офарингдерлар,  
Ғайратингдан обод бўлди бу эллар,  
Сенинг ҳам бул баҳодирлик номинг бор,  
Обод бўлди ғайратингдан кирдикор.  
Аваzнинг ишига қойил қолдилар,  
Шундай қилиб, Аваz қилганди хизмат,  
Энди топди бунда муроду мақсад.